

אַחֲלִי אָפָדְנוּ

SIUE

JUBILÆUS ANTICHRISTI ROMANI. IPSIUS EXITIUM.

QVOD EX DANIELIS CAP. UNDECIMO, VERS: XLV.

DIVINA AUXILIANTE GRATIA,
CUM CONSENSU VENERANDÆ FACULTATIS
THEOLOGICÆ, IN REGIA FINLANDIÆ
UNIVERSITATE;

SUB MODERAMINE
VIRI CELEBERRIMI,

MAXIME REVERENDI AMPLISSIMIQUE

Dn. ENEVALDI SVENONII,
S. THEOLOGIÆ DOCTORIS ET PROFESSORIS
PRIMARII, NEG NON ECCLESiarum
ABOENSium ET NUMMENSIS,
PASTORIS, &c.

PRÆCEPTORIS AC PATRONI SUI PLURIMUM COLENDI:

PRO LICENTIA ADEUNDI GRADUM IN THEOLOGIA DOCTORALEM,
PUBLICA DISPUTATIONE DEMONSTRABIT

JOHANNES GEZELIUS, J.F.

A.D. VII. MAI, HORIS ANTE ET POST MERIDIEM,
ANNO CHRISTIANO, M.DC.LXXV.

QVI DECIMUS TERTIUS ROME JUBILÆUS EST.

A B O Æ, Excludit JOHANNES WINTER.

СВЯТЫХ АПОЛОС
И МАКСИМИЛИАНА

ДЛЯ СВЯТОГО ПАУЛА
СВЯТОГО АПОЛОСА
СВЯТОГО МАКСИМИЛИАНА
СВЯТОГО АПОЛОСА

СВЯТОГО АПОЛОСА
СВЯТОГО АПОЛОСА
СВЯТОГО АПОЛОСА
СВЯТОГО АПОЛОСА

AUGUSTISSIMO POTENTISSIMOQUE
REGI AC DOMINO,

DOMINO
CAROLO
SVECORUM, GOTHORUM
VANDALORUMQUE
REGI;
MAGNO PRINCIPI FINLANDIAE
DUCI

SCANIAE, ESTHONIAE, LIVONIAE,
CARELIAE, BREMÆ, VERDÆ,
STETINI-POMERANIAE,
CASSUBIAE
ET
VANDALIAE.

PRINCIPI RUGIAE,
DOMINO INGRIA ET WISMARIAE.

NEC NON
COMITI PALATINO AD RHENUM, BAVARIAE,
JULIACI, CLIVIAE ET MONTIUM

DUCI,

FELICITATEM AC GLORIAM!

AUGUSTISSIME REX
DOMINE CLEMENTISSIME.



Dducit in serenissimum
conspicuum Majestatis
Tuæ, illuminatissimus, qui
unquam fuit, aulicus Daniel, capti-
vum, non militem gregarium, sed
reliqvorum ducem, non vicarium,
sed principem regni Antichristiani.

Uno hic æternæ veritatis vinculo
constrictus, per triumphum duci-
tur, qui magnificantia jubilæa, Ro-
mæ nunc cum suis triumphat. Nec
ideo illum captivum qvis neget,
quia ipse negat. Perpetuam enim
sibi pollicetur fortunam, dum per
gravissima crimina in exitium ine-
vitabile pergit; et sanctissimus Pa-
ter vocari vult, qui in verbo Dei im-
manissimæ bestiæ, ac propudosæ
fœminæ charactere insignitur.
Qvæ autem Domini nostri JESU
Christi, & veri Christianismi gloria
est, quod non uno tempore hostis
ille detegatur ac pereat, nec uno
modo impugnetur, vincatur, aut
donec venerit finis ejus, vinciatur;

Ita ultimorum seculorum Regibus;
cœlesti lumine & pio zelo excitatis,
de isto Christi adversario, magnos
promittit Divina revelatio triumphos. In itaque felix omen, primorum de exteris expeditionibus consiliorum, Majestati Tuæ, captivum illum sistit Propheta, fatorum Ecclesiæ & imperiorum interpres.
Tibi, voluntate Divina, Augustissimo regnum septentrionalium Monarchæ hereditario, cum sic sit, quem paulo ante regem aquilonis appellavit, quia Europæ, reliquis orbis partibus aquilonari, impiæ superstitionis mandatis diu imperavit.
De cætero, ex fide vatis, omnium temporum consciis, scimus, quod ru-

mores ab oriente & aquilone, Anti-
christum Romanum, vario incre-
mento terrebunt. Proinde cœli
terræque Dominum supplex oro:
Velit Te, Rex Optime, dilatandi re-
gni Christi in terris administrum,
& horum temporum Ecclesiæ E-
vangelicæ, post Carolos Gustavos-
que Magnos, vindicem & defenso-
rem, spiritu sapientiæ ducere, spiri-
tu fortitudinis corroborare, ut sub
diurno felicissimoque Majestatis
Tuæ imperio, & sub Regii sangvi-
nis Tui propagine, usque ad finem
universi, in regnis Tuis ubicunque,
aqlonari serenitate splendeat ori-
entale Evangelii lumen, in terro-
rem hostis vaferimi: Utque auspi-

ciis Omnipotentis JEsu nostri, &
prospera Majeſtatis Tuæ opera, pu-
ra verbi Divini lux multas terras
denuo colluſtret: Ut denique, Deo
ſummo benedicente, per victoria
gloriosissimæ stirpis Carolinæ ar-
ma, hostes fidei Evangelicæ pro-
ſternantur & conſumantur!

SACRÆ R. MAJETSATI TUÆ

A B O E
I. Maii
ANNO
MDC LXXV.

omni devotione
ſubiectissimus

Jo. GEZELIUS, J. F.

PRÆFATIO AD BENEVOLUM LECTOREM.

Vam presentis anni solennitas Romana, subministravit materiam, & ante a justis examinib[us] ventilatam, & nunc eruditis Disputationibus transmarinis excuti, probe novi. Inde prima mibi de illa cura fuit, ne qualiscunq[ue] opera hac aquilonaris, prorsus supervacanea foret. Obtulit se locus Dan. XI. 45. alio interpretamento singulari vestitus. Opportunitatem itaq[ue] temporis sequi mibi visus sum, si verum Prophetie sensum, solicitus indagarem. Theologis Orthodoxis Augustana Confessionis, quorum censuram unice suspicimus, non damnatum iri conatum meum spero; quippe inter prima Christianorum studia, merito numeratur scrutinium verbi Divini prophetic[i]: Nec ultimum, licet ultimi maxime temporis, pietatis officium est, Antichristum Romanum ex verbo Dei, hoc est, gladio spiritus, impugnare. Gratiam apud Pontifices, si hæc legerint, quam habiturus sim, minus curo: Magis tamen vereri convenit, ut ex vaticinio Danielis sic explicato, commendationem Jubilei, quæ alias nulla datur, quarant; quam sperare licet, quod agnita erroris turpitudine, Jubileos suos, egregium avaricie ambitionisque instrumentum, negligant. Quo autem modo eludere solent Prophetias de Antichristo, tum omnes in universum, tum illam, cuius partem tractaturi sumus, non ita pridem antiquo artificio, sed nova impudentia ostendit Jesvita Vitus Erbermannus. Is, cum videret se nulla veritatis specie declinare posse, quod prius tentaverat, vim explicationis illarum Prophetiarum in opere Biblico Vinariensi, sive, ut a loco impressionis dicitur,

P R A E F A T I O.

Norimbergensi, a Jenensibus strenue vindicatam assertamque;
de re Romana esse putavit, ut annotationes Vinarienses in lo-
ca de Antichristo, solidiori maledicentia Jesuitica conspurca-
ret, ac sic latine redditas, Imperatori, Electoribus, Principibus &
Statibus Germanicis sub titulo: Justæ expostulationis cum
Protestantium Theologis, præcipue Jenensibus, Reginobur-
gi in Comitiis, nomine Theologorum Catholicorum, exhi-
beret; Ing₃ eum finem in primi curaret Heriboli, anno MDCLXII.
Existimavit Pontificem Romanum, bona conscientia Antichri-
sti titulum gerere non posse, nisi publica declaratio innotesceret
omnibus illi addictis, eum sic haberi a Protestantibus, du-
ctu & auctoritate verbi Divini. Verum quicquid in illa ex-
postulatione profert; vel contra laudatum opus Biblicum, vel
contra celeberrimos Theologos Jenenses, vivos ac mortuos,
usque eo nihil habet vel eruditiois vel veritatis, ut jure me-
ritissimo, habeatur pro ridiculo complemento omnium ca-
lumniarum, quas impia societas Jesuitica, per CXX. circiter
annos, excogitavit in pios Evangelii Confessores. Evidentissi-
mum vero argumentum est, esse Biblia Vinariensis plena do-
ctrinæ vere Christianæ, quandoquidem tam insana malevo-
lentia petitur a Doctore Antichristiano. Sed & alia ratione,
veritatis propagationem invitus juvit Vitus ille. Notum est,
aut raro aut nunquam, scripta Evangelicorum legi a Pontifi-
ciis Laicis, ac reliqua plebe Monachali; paucissimi itaque no-
runt fundamenta; quibus probamus Pontificem esse Antichri-
stum. Traduntur ibi lingua communissima, a Jesuita (licet
mala fide, impigro tamen studio) collecta, nomine Theologo-
rum Catholicorum exhibita in comitiis, cumque solennibus ap-
probationibus impressa in sede, tunc temporis primariae per-
sonæ

P RÆFAT I O.

sonæ Ecclesiastice, in Germania Pontificia. Nemo Romanensium
 um sic dubitabit ista legere. Quæ autem de suo addidit Lo-
 jolita, in divinum opus & viros pios convitia, erunt instar
 sacchari, quod salubribus amarisque medicamentis admis-
 tur. Sic enim Pontificii ad primum gustum non respuent
 lectionem: interim sperandum quod verba Prophetica in
 quis lectoribus vim suam saluberrimam exserant. Profecto
 nibil attulit Erbermannus, quod vel minimam Nostratium
 probationem solvat. Hæc nunc referre, a præfandi instituto
 videri poterat alienum, nisi circa locum nostrum, Dan XI. 45.
 clarissimum dedisset Jesuita, libidinis calumniandi documen-
 tum. Posuit primum versionem vulgatam, Paraphrasin Vi-
 nariensem Latine dein reddidit, sed partim mutilatam, par-
 tim a se interpolatam. Exponit illa, locum præcipue de Anti-
 christo Romano, ostendit sedem ejus esse Romanam, inter duo ma-
 ria, & cur illa, mons sanctus; deniq; de Antichristi excidio.
 Debuisset se potuisset Jesuita, liberare Pontificem suum. At
 per compendium Jesuiticum ire illi placuit, hoc est, nude ca-
 lumniari. Adscribam ejus verba ad locum nostrum: Ita pag. 46.
 Mirari hic primum subit, cur hoc versu Glossatores, in ipso
 textu etiam omiserint ly Apadno? Anne qvia nihil commi-
 nisci poterant, quod ex Apadno transferrent ad Antichristum
 Romanum? At cum hactenus adeo fuerint felices, tam in
 mystico (est contra propriam legem) quam literali sensu
 eruendo, cur non hic etiam licuisset ponere quidlibet pro
 qvolibet? Ego huic etiam somnio nihil addo, qvia luce sua
 radiat. Radiat hic Erbermannus, ut indoctissimus; qui un-
 quam exitit, in societate Jesuitica, vel si id ei durum videtur,
 ut nequissimus cavillator. Dicit, Glossatores in ipso textu o-

P R Ä F A T I O.

misisse ly Apadno; Et ut crimen gravius reddat, ait paulo post:
 Glossatores Danielem non curant. Testor omnes, qui unquam
 legerint textum & versionem B. Lutheri, verbotenus expressum
 in Bibliis Vinariensisbus; Annon majusculis literis clarissime
 ibi haec contineatur versio? Und Er wird das Gezelt seines
 Pallasts auffschlagen/ zwischen zweyzen Meeren/ umb den
 werthen Heiligen Berg. Vocabulum Apadno interpretatur,
 seines Pallasts: Hoc Jesuita, ut haberet quod obrectaret, noluit
 intelligere; An ignoravit Pagninum, Vatablum, Ariam Monta-
 num, & alios Lingue sancte peritissimos Pontificios, exponere: ta-
 bernacula vel tentoria palatii sui? Ipse Hieronymus, thronum
 suum reddit: At stolidum mancipium versionis vulgatae Jesvi-
 ta, dicit sic reddendo omitti vocem. Debuisset sui ordinis Com-
 mentatores evolvere, & sic non habuisset obrectandi materiam.
 Obiter notanda Philologia Jesvitica, dicit illos omisisse ly Apad-
 no, Est ne hoc somnium Erbermannianum? Audiverat aliquan-
 do forte ab Hebraeo legi, אָפְרִז אַלְפֵל Ohole Apadno; pu-
 tavit ultimam prioris, le, esse articulum Gallicum, sed ne
 propter sequentem vocalem amputaret, assumpit in gratiam Pa-
 troni sui Ignati Lojola, Hispanis usitatum y, fecitq; ly, illa-
 rum enim lingua non patitur apocopen. Verum quia nec Hi-
 spanis articulus est ly, Omnino sibi persuadebat Orientale admo-
 dum sic sonare, ly apadno. Male habuit Jesuitam, quod nihil
 in Glossa Vinariensi, circa vocabulum apadno, invenerit, quod in
 Antichristum Romanum quadraret, ideo multum de illo merebi-
 mur, si aliquando presentem exercitationem perlegerit. Optime
 Jesuitam in Porphyrio damnavit B. Hieronymus in b.l. Haec ille
 (Vitus Erbermannus) in suggillationem nostri artificiosissimo
 (Jesvi-

P R A E F A T I O.

(Jesuita peior, mendacissimo) sermone composuit, quæ etiam si potuerit approbare, non de Antichristo dicta, sed de Antiocho, qvid ad nos, qui non ex omnibus Scripturarum locis Christi probamus adventum, & Antichristi mendacium? Dimitiat itaq; dubia, & in manifestis hæreat. Putatne Jesuita egregie ab Antichristianismo liberatum Pontificem, si una vel altera vox prophetica nondum exacte applicata fuerit? Quotidie implentur ab ipsis, & sic quotidie novum accedit ex eventu, & aliis subsiditis, lumen intelligendi Prophetica. Dimitiat itaq; Jesuita dubia, & in manifestis nostris probationibus hæreat, ne judice Hieronymo, habeatur pro mendaciorum artifice. Quod dicit, Glossatores agere contra propriam legem, quidlibet pro quolibet ponere, ac alia comminisci, somnia proponere, &c. Sunt flosculi Jesuitici, quibus trophyæ veritatis Divinæ ac Evangelicæ a p̄is Doctoribus erecta, exornare solent. Stat pro nobis verbum Dei, quod manet in æternum: ringentibus in inferno, vel in purgatorio suo, Jesuitis. Videamus reliqua Erbermanni ad locum Propheticum: Solum quæro, qua ratione vel auctoritate audeant illa verba, (Et veniet ad summitem ejus) si vernaculae ponant, (bis mit ihm ein Ende werde) Certe S. Hieronymus, Hebraicæ lingvæ callentissimus, conceptis verbis interpretatur de summitate montis sancti & incliti. Verum qvid S. Hieronymum curant Glossatores, qui nec Danielem curant. Hiulcus ab initio sermo, nolo tamen quicquam mutare. Videtur hoc Jesuitæ aliqui jussi esse momenti, sed nullius esse, infra toto Cap. III. ostendetur. Ubi simul videbimus pondus verborum B. Hieronymi. De excidio Antichristi, non de summitate montis, auctoritate veritatis originalis, & ratione desumpta a proximis sequentibus verbis, interpretantur non solum B. Lutherus sed doctissimi Pontificiorum.

P R A E F A T I O .

Friderici II. Imperatoris filii, postridie S. Michaelis, secundo abbinc
anno, prolusa; inter primos Patres jesuiticos considente Erber-
manno. Mirabar cum illam videbam, nondum puduisse Roma-
nenses Tragœdiarum Papalium cum Henricis & Fridericis vivis,
sed quod de illis, jam mortuis, tragœdias adhuc cum pueris
suis fingerent jesuite. Tu Lector Benevole, qui nosti, nun-
quam perspicue satis veritatem dici Antichristianis, ex his,
prolixitatis necessitatem intelligis. Vale in CHRISTO
JESU.

אַפְרָנוּ חַחְלָה

JUBILÆUS ANTICHRISTI ROMANI, IPSIUS EXITIUM.

CAPUT PRIMUM.

TRADIT JUBILÆI ROMANI ORIGINEM, RATIO-
NEM AC FRUCTUS IMAGINARIOS, EIUSQUE
FUNDAMENTA DISCUTIT.

§. I.

Premittenda aliqua sunt, quæ, quid sit de quo acturi sumus, docebunt, viamque nobis parabunt, ad evidenter loci Prophetici applicationem. Originem anni Jubilæi stato tempore celebrandi, Historicorum unanimis consensu ad Pontificem Bonifacium III, refert. Is A.C. 1294. ipsis natalis Domini vigiliis, Papa creatus, sequente A. 1295. statuit, imminentem tunc annum secularem trecentesimum supra millesimum, primum fore Jubilæum, quo libet deinde centesimo celebrandum. Bzovius Tomum XIV. annal. ita orditur. *Omnibus retro seculis, solenne Pontificibus Romanis fuerat, Natalitios Salvatoris dies, anno seculari recurrente, solennius celebrare, istud cum Bonifacius in mentem revocasset, annum presentem (1300) secularem, illustrem reddidit institutione Jubilæi.* Neque alii, qui, ut & isti solennitati antiquitatem concilient, originem altius repetunt, dicto Pontifici institutionis laudem detrahunt. *Clemens vero Papa VI. A. 1342. ad annum quinquagesimum solennitatem illam reduxit, & A. 1350 secundum habuit.* Sunt Bullæ Papales, quæ Urbano VI. tribuunt institutum Jubilæi quovis trigesimo tertio peragendi, Bzor, ad ann. 1389. §. 2

Sunt & alia, quæ Gregorio XI. idem tribuunt; quod nimirum Christus vitâ tanto temporis tractu egerit & jubilæum sic prænuncia verit. Vid. Voet. part. 3. Disp. select. pag. 1368. Verum illud nunquam usu receptum fuit, fallitq; numerus Jubilæorum, ab Onuphrio Panvino in Chronico positus. Sed quinquegesimus annus bis sacer habebatur usque ad Paulum II. Is intra XXV. annos circumlum jubilæū coarctavit, estq; ejus de hac re Bulla ad A. 1470. §. 7. apud Bzovium; Sextus deniq; IV. A. C. 1473. ad annum 1475. quintum Jubilæum celebrandum indixit, habuitque tempore constituto. Fuere itaque usque in præsentem annum XII. & nunc Tertius decimus Romæ sub Clemente X. agitur Jubilæus.

§. II. Digna tanti instituti origo Bonifacio IX. De quo: intravit ut vulpes, regnavit ut leo, mortuus est ut canis, vulgatum dictum, etiam in Pontificiis scriptoribus, quos vide apud Cluverum Hist. univers. pag. 544. Duo Cardinales familie Columnensis, publicis ad reges & principes literis, scribunt de arrogantia, de ambitione Bonifacij, quod contra ius fasque sedem Pontificatus occupasset; referente Platina in ejus vita, ubi plurima legantur, quæ allati elogii comparationes illustrant: Inter alia Historici de eo judicium: *Moritur autem hoc modo ille, qui imperatoribus, regibus, principibus, nationibus, populis terrorem potius quam religionem injicere conabatur; quiq; dare regna & auferre, pellere homines ac reducere, pro arbitrio animi conibatur, aurum undiq; conquisitum, plus quam dici potest, sitiens.* Et ut sciamus, quam comemode nomine regis describatur AntiChristus, ab initio vaticini de eo prolati, Dan. XI. 36. juvat observasse ejus acta cum Imperatore & Rege Francorum. Imperator Albertus cum pro more, electionis sua confirmationem à Bonifacio IX. per Oratores peteret, sanctus pater, accinctus ense, coronaque imperiali ornatus, in publicum prodiens proclamat: *Ego sum Cæsar ac Pontifex;* narrant laudati a Ruperto in Obsrv. ad Besold. pag. 698. Nec minus memorabilis est res ejus gesta cum Philippo Rege Francorum, scribit ad illum in hunc modum: *Bonifacius Episcopus, servus servorum Dei, Philippo Francorum Regi;* *Deum time & mandata ejus observa, scire te volumus, quod in spiritualibus & temporalibus no-*

bis subes &c. Sed rege dignum responsum reddidit alter: *Philippus DEi gratia Francorum Rex, Bonifacio se gerenti pro summo Pontifice, salutem modicam sive nullam. Sciat tua maxima fatuitas, in temporalibus nos alicui non subesse, &c.* Postmodum, Rex Episcopos suos & viros doctos, Patios convocat, & ex eorum decreto Bonifacium II^X. de his capitibus accusat; *Quod sit Simoniacus, homicida, usurarius, idque esse manifestissimum; Quod credit animam esse mortalem, quod habeat duas neptes concubinas, & ex utraque filios progenuerit, plura de eo, in compendium ex gravissimis historicis, collegit Osiander Hist. Eccles. Cent. XIII Lib. 4. C. 7. B.* Lutherus in præfat. Proph. Daniel. Bonifacius VIII. der Grunschalek/der die Welt zum ersten mit dem guldene Jahr genarret/vnd verföhret hat. Certe, non sine infelicitatis omne sub tali Pontifice, tale fuit feralis seculi initium, & quasi consecratio. Visa auditaque circa id tempus plurima prodigia, quæ strictim recenset Hottinger. ad sec. XIII & XIV. Et quod tunc pii metuebant, nunc certius interpretantur eruditorum plurimi, cum illo Jubilæo cœpit seculum, quo solvendus erat Satanæ. vide commentarios nostratium in Apoc. XX. 4. 7. 8. nominatim B. Gerhardum Disp. 3. contra nov. Fanat. § 15. Unus quippe annus, primus erat & seculi decimi quarti, & Jubilæi Romani, & regni Turcici; Annus enim Hegiræ 699. quo Ottoman primus Sultan salutatur, maximam partem incidit in A. Christi 1350. quod patet ex Celeberrimi D.D. Pocockii, præceptoris mei colendi, collatione ærarum ad Hist. Dynast. Abulpharagii, ejusque supplemento, pag. 42. Ita pæne dixeris, Draconem, qui antea dedit bestie potestatem suam, Apoc. XIII. 2. 12. & jam solutus exhibat ut seduceret gentes, congregaretque adversus sanctos, C.XX.7.8 sic voluisse Jubilæo Romano nunciari, novæ tyrannidis exordia, & utriusque AntiChristi vires, contra Ecclesiam unitas. Nec male hue quadrat historia ap. Petrum Mattheum scriptorem Gallicum: lib. 3. Bonifacium II^X. primo Jubilæi die sibi præferri curasse in triumpho duos gladios, ubi acclamatum fuit. Ecce duo gladii bic! Non nisi in circumstantia temporis variant scriptores Osiandro laudati c. 9.

§. III. Veram Jubilæi caussam optime expressit B. Lutherus noster in articulis Smalcaldicis: *Hac ratione (per indulgentias) cum accresceret pecunia, & nundinatio bullarum eſet fructuosa, excogitavit annum aureum, Jubilæum vere auriferum, (Jubeljahr / Guldenjahr) quem Romæ celebrari voluit.* Hunc appellabat remissionem omnis culpæ & pœnae. Accurrebant igitur plurimi, quia ab onere molestissimo liberari unusquisque cupiebat. Hoc erat effondere & conquirere thesauros terræ. Mox Papa annos aureos multiplicabat, & alium super alium accumulabat, & quo plus auri devorabat, eo plus fauces ejus appetebant. Form. Conc. p. 324. (edit. Stregnes, p. 331.) Prætextus vero, qvibus vel instituti vel mutati Jubilæi, egregie exposuit adm. Rev. D. D. Varenius in append. not. ad Exod. pag. 460. Ne turpitudini species deſſet, seculi solennitas a Bonifacio; Jubilei Israëlis & magni sabbathi sanctitas a Clemente: Christi etas - ab Urbano; humana mortalitas vite que brevitas, - propter quam contrahendus erat character, a Sixto prætenderetur. Turpitude autem revera erat, ab Ethnicismo & seculari anno characterem temporis sumere; Quomodo veteres Romani Ludos seculares peragebant, centesimo qvoq; anno, qvem ab urbe condita numerabant, fuse ex antiquis Rosinus antiquit. Rom. lib. V. C. XXI. Nec Platina in vita Clement. VI. diffitetur, inde sumptum esse morem in Papatu: probatqve ulterius Vossius in Etymologico ad voc. *Jubileus*: Qvod autem vir magnus existimat, Pontifices characterem qvinqagenarium non a Judæis sed a Romanis accepisse, repugnat expressis verbis Clementis VI. sic primum ordinantis: *Nos attendentes qvod annus quinquagesimus in lege Mosaica Jubileus remissionis & gaudi, sacerque dierum numerus, quo lege fit remissio, censebatur; -- de fratrum nostrorum consilio prædictam concessionem indulgentie--ad annum quinquagesimum duximus reducendam.* Extat bulla integra ap. Bzovium ad A. 1342. §. 4. Romanis quinquagesimus nunquam hac ratione sacer. Nec bene sibi constat ratio Vossii, quam qvoqve urgent Belge in scholiis ad Lev. XXV. 10. aliique, videlicet quadragesimum nonum, & non quinquagesimum fuisse Judæis Jubilæum. Nec qvarenda fuissent profanorum aucto- rum

rum loca, ut obtineret in Levitico more numerandi & loquendi
 vulgo usitato, qvinqvagēsum positum esse ; firmior auctorita-
 tas Legislatoris & validiores rationes eorum qvi proprie de anno
 Jubilæo inchoando post XLIX. completos, legem interpretantur :
 Hujus sententiæ defensores & rationes, ex Poli Synopsi Critico-
 rum exhibet max. Rev. D. D. Calovius Tom. I. Bibl. Illustrat. p.
 1308. B. Lutheri versionē optimā h.l. esse ostendit D.D. Varenius I.
 c.p. 474. Manet nihilo minus turpe , Qvod Papa abrogatum Ju-
 bilæum Judaicum in Ecclesiam Christianam reduxerit, cum op-
 probrio, per Salvatorem nostrum acqvisitæ libertatis perpetuæ
 Esaj. LX. 21. & LXI. 2. Luc. IV. 19. Turpissimum erat Paulo II.
 ad tam angustum terminum jubilæas solennitates restringere,
 nulla ex gentilibus ludis occasione , nulla ex Hebræorum statutis
 accepta auctoritate. Cornelius a lapide ad Lev. 25. dicit illum
 qvinqvagenariū vere jubilæum fuisse , quia in lege veteri fun-
 damentum habuit. Cur ergo mutaret? Duo ad hoc Paulum mo-
 visse, ex ejus vita, prout a Platina, qvi sub eo vixit, describitur, collig-
 gere licet: *Libidinem innovandi & cupidinem habendi. De priori te-
 stantur ipsius verba ad Platinā: Nescis omnia jura in scrinio pectoris
 nostri collocata esse? Pontifex sum, mihiq; licet pro arbitrio animi,
 aliorum acta & rescindere & approbare.* Objiebat alio tempo-
 re Paulus Platinae ingratum ejus animum, de hoc ipse Historicus
 pag. 338. *Si spoliare homines emptione sua incognita caussa, si
 carcere, si tormentis, si ignominia, si calumnia afficere beneficium
 est, certe erga me beneficus & liberalis dici potest Paulus; & ego in-
 gratus, qvi tantorum maleficiorum immemor, ab urbe non discesse-
 rim, suis mandatis obtemperans, suis pollicitationibus toties frustra-
 tus.* Attulimus hæc verba, qvia in compendio exhibent crude-
 le & astutum ingenium Pauli. Avaritiæ labe, communi Ponti-
 ficum morbo, insignem & illum fuisse patet ex eo , qvod cum
 ejus Camerarius Cardinalis, vir ditissimus, hæredes ex testamen-
 to reliqvisset duos fratres, cognomento *Scarampos*, Omnes fa-
 cultates Paulus, ei licet testandi facultatem ultro permisisset, si-
 bi vindicavit. Et ad finem historiæ tale elogium illi ponitur:
In colligendis - pecunias ita diligens fuit, - Omnia enim officia suo

tempore venalia erant : quam ob rem factum est , ut qui episcopatum aut beneficium vellet , officium aliquid emeret , quod lenocinio quod vellet , consequeretur ; superatis competitoribus omnibus , doctrina & probitate vitaq; curvis magistratu & honore dignis . Et Nonne hoc ex infallibilitate Papali , quam quoque Jesuitæ ad res facti extendunt ? Verum annum aureum illum non attigit Paulus , sed fatis præventus cogitur lucrum reliquere Sixto IV qui , qvini & propter illud , breviorem periodum jubilæam retinuerit , dubitare nos non sinit Onuphrius Panvinus in vita Sixti : Primus vendidit officia (certa ut loqvuntur , taxa ,) vectigalia nova inventit , vetera auxit ; Plures a sacris hominibus decimas , non sine miximi auritiae nota exegit . De Clemente ita Crantzius lib . IV. Histor . cap . 26. Clemens VI. dubium , an amore pecunia , an desiderio salutis hominum , sancivit Jubileum celebrari anno quinqueagesimo .

§. IV. Quæ sit ratio Jubilæi Romani abunde docent bullæ Pontificum & multi doctores Pontificii , qvos longa serie enumerat Voët , part . 3. Disp . select . p . 1376 . Nobis sufficit ex illis pauca de ejus forma exhibere . Incipit annus Jubilæus vigiliis nativitatis Domini , sive qvod eo die Pontifex creatus Bonifacius , instituti auctor ; sive ut sanctissimi festi veneratione Jubilæi initium reddant augustius . Tunc post meridiem , Pontifex magnæ ædis Petrinæ portam adit , summa cum pompa , sanctamq; portam argenteo malleo ter pulsat . Illam post , summus pœnitentiarius cum duobus aliis pertundunt eodem malleo , cuius denique murum prorsus disjiciunt cœmentarii , ut lapides lateritii (res pretiosa !) colligi possint . Pœnitentiarii vestibus sacris ornati , aqua benedicta omnem illam partem , qua nitebatur paries , abluunt . Ingreditur sic Papa per portam sanctam , vespertinæque preces maxima solennitate inchoantur . Eodem temporis momento , tres Cardinales ad alias tres portas sanctas , S. Pauli , S. Johannis Lateranensis & S. Mariæ majoris , aperiendas mittuntur , qvæ pari ritu aperiuntur , quo porta S. Petri manent que aperte omnes quatror , totius anni sancti curriculo . Sequenti natalis Domini vigilia , a Papa & tribus Cardinalibus , magno

gno cum cæmoniarum splendore, iterum clauduntur. Quicquid vero in Ecclesia Romana, est superstitiosi cultus, sive in Basilicis sive in templis aliis; quicquid est processionum & religiosi apparatus, diebus festis aut profanis; hoc anno plus solito splendet. Solennitatem in primis augente maximo hominum confluxu.

§. V. Verum ut hæc institutio contra simplicitatem Christianam pugnat, (mox gravius dicemus;) ita maximam animadversionem meretur *plena*rum *indulgentiarum* concessio, quæ alias freqvens, anno Jubilæo liberalissima: Dicunt Pontifici datam potestatem illas dandi ex pretiosissimo Ecclesiæ thesauro, in quo recondita merita, ut loqui solent, Christi superabundantia, quibus accedunt merita Sanctorum, in primis B. Mariæ virginis, quippe dum in hac vita fuerunt sancti, multa ipsis ad salutem non necessaria egerint, adeoque plura supererogasse; plura etiam & graviora sint perpetui; quam pro peccatis suis debuerunt. Illa omnia tanquam in cistam quandam congesta Ecclesiæ thesaurum constituere; cuius claves traditas existimant Pontifici Romano, ut is vel per se, vel per alios, visitantibus Basilicas Romanas, aliisque licitantibus & redimentibus, indulgentias concedat; quæ ad id per eorum sententiam valent, ut fiat remissio penarum temporalium, vel in hac vita vel in purgatorio luendarum. Sic cum caute volunt loqui, egregium thesaurum institutione arte exponunt: ante tempora B. Lutheri crassius decipiebant. Ejusmodi, quas retulimus rationationibus, conflatae sunt Bullæ Pontificum, & in primis Clementina ap. Ezovium ad A. 1342. multisque modis illas arcas disruptas, resarcire student posteriorum temporum Canonistæ, & aulae Romanae advocates. Quidam vero fiant homines anno Jubilæo participes indulgentiarum, præstat verbis primæ de illo Bullæ declarare. Ita Bonifacius: *Nos omnibus ad Basilicas ipsas accendentibus reverenter, vere penitentibus & confessis, non solum plenam, sed largiorem, imo plenissimam omnium suorum concedimus veniam peccatorum: Statuentes, ut qui voluerint hujus indulgentia a nobis concessæ participes fore, si fuerint Romani, ad minus triginta diebus continuis vel interpo-*

terpolatis, & saltem semel in die; se vero peregrini fuerint aut fo-
renses, modo simili diebus quindecim ad Basilicas easdem accedant.
Unusquisq; tamen plus merebitur, & indulgentiam efficacius conse-
quetur, qui Basilicas ipsas diutius & amplius frequentabit. &c. Ad
hoc præscriptum plebē ordinariis Bullis remittunt Pontifices re-
centiores; Basilicarum numerum auxerunt quoque & in rebus
minoris momenti aliqua immutarunt. Fructum illum Jubilæi
imaginarium, mire extollunt Romanenses. Osorius ap. Ger-
hard. L. C. de poenitentia §. 135. Jubilæum dicere possumus ter-
tium Baptismum. Sicut Baptismus dicitur indulgentia plenissima,
quia in eo omnis culpa & pena deletur, ita Jubilæum dicere possu-
mus Baptismum, cum in eo simile quid fiat. Voetius l. c. p. 1370
ex celebri Casuista Pontificio Diana part. I. Tr. II. resol. 16. se-
quentia citat: Qui peccat ob spem absolutionis obtinende virtute
Jubilæi, quamvis enormia quæc sceleris committat, Jubileus illi
prodest: quia nulla sit hujus confidentiae exceptio in Bulla. Passim
his affinia occurunt. Quadenique ratione, ubique indulgen-
tiarum concessione lucrabatur Papa credulorum nummos &
animos, ex ipsa consuetudine & praxi Romanæ curiæ tradit B.
Chemnitius in Examine Concil. Trident. de indulgent. pag. 736.
Plenitudinem potestatis profundendi plenarias indulgentias, Ro-
manus Pontifex ita sibi soli reservatam voluit, ut pro expila-
tione eorum, qui non adirent Romam, vel negotiationem i-
stam per alios exercearent, eam facultatem certis limitationibus
aliis venderet, & per legatos plenarias indulgentias concede-
ret, adinstar Jubilæi. addit - Sed ecce iterum novam imposturam,
ne enim ideo, quod ubique plenaria indulgentia prostarent, Jubilæi
nundinationes Romæ frigescerent, Pontifices imminentibus Ju-
bilæis, venditas prius facultates & concessiones, suspenderunt usq;
post Jubileum vel ad beneplacitum; sippius etiam posteriores Ponti-
fices privilegia indulgentiarum a prædecessoribus vendita, revo-
carunt, & irrita fecerunt, ut de novo & carius redimerentur. Ex-
tant hæc in extrayagant, Pauli II. & Sixti IV. & in Gravaminibus
Germaniæ. Qvodque durante Jubilæo omnes aliae indulgentiæ
cessent, auctoritate Gregorii XIII, Clementis IX. & Urbani IX.
probat Voet, l. c. p. 1372.

§. VI. Hisce de origine, forma ac fructibus Jubilæi Romanī, in antecessum cognitis, transitus faciendus esset ad applicationem loci Prophetici, quæ ex vero ejus intellectu & nexu vaticinii, collato deinde utroq; cum eventu ipso, evidens & comoda omnino apparebit; Verum cum non satis *justa* fortassis videatur, nisi prius quoque probatum fuerit, esse hoc institutum AntiChristianum; ac ut tale, a Divina sapientia Ecclesiæ Christi prænunciatum, cumque exitio AntiChristi per justitiam Omnipotentis conjunctum. Proinde parabitur nobis sic quoque via, ad *justissimam* vaticinii applicationem, cum ostenderimus: *Jubileum Romanum, quantum in se est, evertere fundamentum fiduciæ ac libertatis Christianæ:* Et ob hoc, præter respectus alios, summe AntiChristianum esse; quandoquidem miseris Ecclesiæ Romanæ ciyibus, jugum imponit, illisque Christum, unicum omnis salutaris remissionis fontem; & fidem veram, solitarium percipiendæ remissionis peccatorum, & quod idem est, gratuitæ justificationis æternæq; salvationis obtinendæ medium, Rom. III. 28. c. IV. 6. 7. 8. Lib. Conc. p. 381. 707. vel impie aufert, vel perverse contaminat. Sunt autem *Tria* in primis dogmata Papistarum, quibus tanquam fundamento nititur utilitas jubilæa: quæ ut semper detestanda sunt, ita nunc nobis diruenda in gloriam Salvatoris nostri Jesu Christi, ac honorem pretiosissimi ejus meriti. Toti negotio Jubilæo ista substernunt, I. *Suscipiendas esse visitationes Basilicarum Romanarū, spe merendi indulgentias.* II. *Theſaurum peculiarem Ecclesiæ esse, ex quo depromantur illæ indulgentiae.* III. *Ex illo theſauro per Pontificem, vel per quos ipse voluerit, visitantibus plenissimas concedi indulgentias.* Hæc ordine jam discussiemus.

§. VII. *Primum* dogma de meritoriis visitationibus Basilicarum, magna arguitur convinciturque impietatis; Generatim, tum omnibus scripturæ locis, quæ rejiciunt cultum a Deo non præceptum, sed ἐν ἀδελφοσεια suscep̄tum ab hominibus, Deut. XII. 8. Matth. XV. 9. & quod apprime huc quadrat, Coll. II. 22. 23. tum universis verbi divini ponderibus, quibus omnis merendi mediandiique dignitas, derogatur humanis operibus quibusli-

bet in percipienda remissione peccatorum, & impetranda salute æterna, quippe quæ a parte hominum, soli fidei in Christum unice adscribitur. Act. X. 43. Rom. III. 24. IV. 2. 4. 8. 9. Gal. III. 16. 21. Luc. I. 45. &c. &c. Qvæ pietas orthodoxa, horribili Pontificiorum de merito dogmati, fortiter opposuit & feliciter vindicavit. *Speciatim* vero rejicitur ex eo, qvod in Novo Testamento, ex natura libertatis Christianæ, & requisito colligendi Ecclesiam per universum terrarum orbem, non velit Deus uni loco præ alio, peculiarem ejusmodi sanctitatis opinionem concedere, sed jam ante sustulit locorum, qvoad hoc privilegium, differentiam. *Mulier, crede mibi,* dicit Christus, *quia venit hora,* qvando neq; in monte hoc, neq; in Hierosolymis adorabitis Patrem, Joh. IV. 21. *Sed in omni loco volo viros orare, levantes puras manus sine ira & disceptatione, similiter & mulieres &c.* docet Paulus I. Tim II. 8. 9. idqve auctoritate Apostolica v. 7. Grandis & periculosus necesse est laqueus conscientiis simplicium; nam si Romam eunt, confidentia merendi peccant; si impedimentis aliis retinentur, putabunt se excludi beneficio merendi. Tollitur præterea illo dogmate, omnis consolatio ex promissione præsentiae Christi, æqualiter gratosæ apud omnes fideles in nomine ejus congregatos, Math. XIIIX. 20. Et, ut sunt homines in Papatu ad alendam superstitionem educati, & tantum non stupidi, facile inducentur hac ratione, ut negent Dei omnipræsentiam aliaque attributa, qvibus excitandus in nobis verus Dei cultus. Deniq; totum illud locorum discrimen, & ex illo nata visitatio meritoria, provenit ex idololatrico principio circa venerationem Sanctorum & reliquiarum; Imo ad hanc firmandam & augendam, tam operose defenditur suscipiturqve religiosa qvævis, apud illos peregrinatio. B. Patres primorum seculorum ridebant, satisq; improbabant superstitionem hanc molestiā, vid. Chemnitius Exam. Concil. Trid. pag. 670. Elegantissima sunt verba Nysseni in epistola de iis qvæ adeunt Hierosolymam: *Quid vero plus est habiturus, qui loca illa adit? Quasi vero in locis illis Spiritus Sanctus abundet, & gratia Dei amplius sit ibi?* Orthodoxam antiquitatem in hoc argumento, variis scriptis contra Pontificios vindicavit Heideggerus,

§. IIX. Verum in hoc miserandi ~~δεισιδαιμονες~~, qvod putent se sanos. Et, qvod mireris, tam gravem rem, & sibi & aliis imponunt, absqve omni mandato divino, absq; omni notitia certa de divina voluntate talia approbante, ac denique sine aliquo exemplo urgente. Dicunt Paulum Act: XX. 16. *Festinasse, ut si possibile sibi eſet, diem Pentecostes ageret Hierosolymis.* Non urgeo qvod id egerit in honorem Synagogæ, nondum penitus sepulta. Certe v. 24. ipſe causam festinationis exponit: *Ut expleret ministerium qvod accepit a Domino, testificandi Evangelium gratia Dι* qvod opportune fieri existimavit tempore Festi, ut & fratres confirmaret, & advenientes Christo lucrifaceret. Unice studium gloriae Divinæ profitetur v. 21. 22. 23. & hypocriteos arguitur, qvando in exemplum allegatur ab iis, qvi studio mercedis & remissionis poenæ, Romam ipsiusqve sepulcrum & Basilicam adeunt. Ridicula sunt qvæ ex miraculis; corrupta qvæ ex antiquis; quæ ex Vet. Test. petuntur, aliena prorsus sunt, ad commendandas visitationes Pontificiorum religiosas & meritorias.

§. IX. Majores impietatis numeros complectitur alterum illud dogma, de *Theſauro coacervato ex meritis Sanctorum, in primis B. Virginis, additis superabundanti merito Christi, ex quo theſauro depromantur indulgentiae.* Qvæ major in Divinum Redemptorem nostrum excogitari poterit blasphemia? Quid apertius contradicit verbo Dei? *Torcular calavi ſolus ego, dicit Filius Dei,* & de populo non eſt quisquam mecum, Efaj. LXIII. 3. Et ex ejus plenitudine nos omnes accepimus, Joh. I. 16. *Sanctificati sumus per oblationem corporis Jeju Christi ſemel,* Heb. X. 10. Hic autem unam pro peccatis offerens hostiam v. 12. Una enim oblatione consummavit in ſempiternum sanctificatos v. 14. adde. Efaj. LIII. Joh. I. 29. Tit. III. 5. 1. Joh. I. 7. & II. 2. & alia perplurima, qvibus Scriptura prævidens malitiā Pontificiam, de ſufficientiſſimo ac unice ſalutari merito Christi, nos certos reddere voluit. Nonne fabula illa de theſauro ex meritis Sanctorum, vim infert modestiæ Beatorum? qvi Sancti esse nequeunt, niſi memores fuerint verborum Magistri ſui: *Vos cum feceritis omnia qvæ præce-*

pta sunt vobis, dicte, servi inutiles sumus, Luc. XVII. 10. δέλος ἀχρεῖος ex usu Scripturæ, non tantum privative, qui nullū dat commodum, sed & positive qui dat damnum & molestiam: Rom. III. 12. voci ἀχρειώδησιν, respondet Psal. XIV. 3. & LIII. 4. Hebræum

וְאֶלְאָהָן nœlachū (elata) putidi, abominabiles facti sunt.

Et Matth. XXV. 30. οὐ ἀχρεῖον δέλον, servum non frugi, servum nequam vocandum, ex poena apparet. Vult itaq; Christus hanc a suis exigere confessionem, agnoscant se propter imperfectiō nem actionum suarum, servos nequam ; ut id fuse ostendit max. Rev. D.D. Seb. Schmid. præceptor meus venerandus, Disp. Miscell. XIX. B. Petrus, cuius fidem jactant Pontifices & successionem, sed utrumque falso, apertissime condemnat impiam illorum sententiam, Act. IV. 12. B. Paulus ne ex enumeratione magnorum pro Ecclesia Dei laborum, 2. Cor. XI. illi qvicquam tribuerent meriti, intempestivi meritorum æstimatores, subjunxit : *Pro me ipso non gloriabor, si non in infirmitatibus meis*, c. XII. 5. In quo autem sua & omnium fidelium gloriatio sit, optime expressit ad Gal. VI. 14. *Mibi autem absit gloriari, si non in cruce Domini nostri Iesu Christi*: In hujus vere Christianæ gloriae opprobrium, confictus est mixtus ille thesaurus ; In tanta Evangelii luce illum defendi etiam ab iis qui diligenter nostrarium scripta legerunt, deplorandum voluntariæ cæcitaris documentum est. Mirari convenit Illustres fratres de Walenburch, qui inter modernos scriptores Pontificios, sinceritatē aliquam præ se ferunt, passim in operibus suis, in his admodum sibi placere ; *doctrinam Ecclesia Romanae, etiam in articulo justificationis, non dare Protestantibus justam caussam separationis.* Cum ex præscripto verbi Divini, certissima sit sententia : *nullo modo cum Ecclesia Romana conveniendum, postquam illa, ab Ecclesia Christi se ipsa separaverit, impuris illis in negotio salutis dogmatibus, factaque per illa & innumera alia AntiChristianæ.* quod jam ultra sesquiculum Pontificiis demonstratum est, verum illi, ut implerent dictum Apoc. XVI. 9. & tuaverunt & blasphemaverunt, & non egerunt pœnitentiam, ut Dœ gloriā darent.

§. X. Provocant ad diētum Col. I. 24, ad quod B. Clementius

I.c. p. 717. & alii apud Collectorem vindiciarum Bibl. sufficienter respondent. Omnes detorsiones refellit paraphrasis, fidei & contextui analoga. *Gaudeo*, inquit Paulus, l. c. *in passionibus meis pro vobis*, non meritorii, sive ut vos redimam, susceptis : nunquid Paulus pro vobis crucifixus? *I. Cor. I. 13.* sed quas occasione prædicationis Evangelii, tanquam minister *Col. I. 23. 25.* sustineo, in illis preferendis cum gaudio pergo *Act. XX. 24.* & adimpleo ea quæ desunt afflictionum Christi ; non illarum passionum quas pro redimendis hominibus subivit, perfectissimæ illæ erant & consummatissimæ, *Heb. VII. IX. X. &c.* sed illas afflictiones Christi appello, quas in ministerio ejus mihi ab illo impositas novi, ipse enim Dominus meus dixit : ostendam Paulo quanta oportet eum pati pro nomine meo, *Act. IX. 16.* In illa quantitate mihi admensa ostensa que, sunt adhuc ὑπερήματα, sunt aliquæ reliquiae, adimplenda per reliquam partem cursus mei in munere Apostolico, *Phil. I. 24. 25.* Quæ passiones etiam Christi appellandæ, quatenus patiendo reliquit nobis exemplum, ut sequamur ejus vestigia, *i. Pet. II. 21.* has, inquit Paulus, reliquias perfero *in carne mea*, adhuc mortalis & terrestrem circumferens domum, *2. Cor. V. 1. &c.* *pro corpore ejus quod est Ecclesia*, cujus minister sum *Col. I. 23. 25.* & cujus gratia omnes has passiones Christi sustineo, *2. Cor. I. 5. 6.* Et in illis tolerandis magna mihi consolatio a Christo, dum ejus Ecclesiæ, ministerialem operam lubens præsto. *v. 7.* Hunc esse sensum dicti *Col. I. 24.* ex contextu aperte evincit celeberr. Theologus Argentinensis jam §. præced. laudatus, in Collegio Mss. exegético ad illam Epistolam. Locum *2. Cor. VIII. 14.* minus urgent, haud dubie a nostris edocti, agi ibi de communicatione Evangelii, facta Corinthiis ab Ecclesia Hierosolymitana, circa illa tempora; conf. *Rom. XV. 26. 27.* *1. Cor. IX. n.* Solent quoque articulum de communione Sanctorum, in subsidium vocare sententiae, de communicatione meritorum in mortales derivatorū; verum svavissimo articulo sic abutuntur vehementer, & aliter intelligendum esse, pietas charitasque orthodoxa monstrat : Perspicue declaratur incomunicabile omne meritum humanum, sive ex opere, sive ex passione aestimandum, *Gal. VI. 5. 6.* Delabuntur tan-

dem ad ratiocinationes: *Satisfactio Christi*, inquit, fuit infiniti pretii, & pro omnibus hominibus praestita. Cum igitur non omnes salventur, sequitur non totam satisfactionem applicari, sed illam non applicatam reservari in thesauro, per indulgentias dispensandam. Egregium certe specimen subtilitatis Scholasticæ, quod auctoritate Papali, Clemens VI. primum Jubilæis indulgentias substravit. Verum si est, ut omnino fateri coguntur, infiniti pretii meritum Christi, ad quid ergo adjungantur operum aliorum estimationes? Et annon per infinitū pretium suum satisfactio Christi tollat omnem culpam & poenam? ad quid ergo indulgentiae? At quomodo dividunt in applicatum & non applicatum? si est infinitum, utique indivisibile est pretium redemptionis nostræ. Et certe non una ratione, pugnatilla satisfactionis disceptatio contra gloriosissimam Personam & officia Christi; imo contra proprias Pontificiorum hypotheses. Et cum Clemens ille aliquique, ita partiuntur divinum λύγον, se ipsi indignos reddunt pretio sanguinis redemptorii.

§. XI. Restat tertium, ad Jubilæum commendandum a Pontificiis celebratum dogma: *Ex Thesauro isto, per Papam Romanum, vel ejus in hoc negotio vicarios, concedi indulgentias plenissimas visitantibus majora tempora Romana, quibus indulgentiis liberantur a poena temporali, vel in hac vita vel in purgatorio subienda.* Languesceret studium adeundi Romanum & frustra esset thesaurus, nisi illa indulgentiae concessio accederet. Est itaque in hoc ultimo omne malum quod in prioribus duobus, accedunt quoque præterea alia absurdâ, quæ illius pravitatem augent: *Singularis potestas Papæ; indulgentiarum concessio; poena temporalis, sublata culpa & poena æterna, remansentia; denique purgatorium.* Sunt hæc infallibilia axiomata Romanensium, a nostratis ut impia & falsa jam dudum rejecta, neque nobis propositum singula hac vice excutere. Sed corruet facile tota jubilæa structura, si dirutis duobus prioribus fundamentis, eversum quoque fuerit tertium, videlicet, indulgentias concessas a Pontifice liberare a poena, quam temporalem vocant. Nulla hic nobis necessaria prolixitas, quandoquidem totum illud negoti-

negotium indulgentiarum, jam ante a Theologis Orthodoxis feliciter profligatum. Et in primis a B. Chemnitio, qvi post B. Lutherum in eo optime meruit de Ecclesia Christi, qvod Roma-næ Ecclesiæ vanitatem in illo articulo, piis omnibus execranda, tam distincte & nervose ostenderit. Torquebimus itaque buccinatores Jubilæi Romani iisdem argumentis, qvibus beatus ille vir, decretum Tridentinum de indulgentiis, nullius pretii esse clarissime demonstravit. Illa adhibemus, (non ignari qvod alii aliter illam controversiam tractent:) cum jam per centum annos nihil ad justam sui excusationem, vel erroneæ doctrinæ & consuetudinis emendationem, attulerint Pontifici. I. Tota illa indulgentiarum nundinatio nullum habet in scriptura fundamen-tum; adducit verba Durandi de sancto Portiano, Anthonini Epi-scopi Florentini, Roffensis, Sylvestri Prieriæ idem sentientium, addunt alii Alphonsi de Castro, Gregorii de Valentia confessiones: Et in primis hoc facit Cajetani assertio, Opusc. 15. cap. 1. Nullas scripturas S. nullam priscorum Doctorum, Græcorum aut Latinorum, authoritatem scriptam, indulgentiarum ortum ad nostram notiti-am deduxisse: sed a trecentis tantum annis hoc scripture commen-datum esse de vetustis Patribus, qvod B. Gregorius indulgentias stationum instituit. Hic Cajetanus, inter primos Lutheri adver-sarios erat, & hoc ipso meruit ante triennium, cum terras Ponti-ficiorum transirem, sanctorum numero solenni Canonizatione inseri. Erunt itaque illa verba apud indulgentiarum patronos, omni exceptione majora. Observari item meretur Cardinalis hujus discursus cum Adriano VI. de indulgentiis, ap. Pet. Suav. Polanum, Hist. Concil. Trid. lib. I. p. 22. II. Doctrina, praxis & usus indulgentiarum, præcipuos & summos fidei nostræ articu-los, insidiosè convellit, turpiter confurcat, & funditus evertit: Pugnant indulgentiae, 1. Contra meritum & satisfactionem Chri-sti. 2. Contra gratuitam & plenariam remissionem peccatoribus a DEO factam. 3. Contra usum verum clavium cœlorum. 4. Contra fidem. 5. Contra doctrinam orthodoxam de bonis operibus. Qualis corruptio in singulis per indulgentias innecta sit, perspicue docet examen, p. 709. III. Scriptura nundinationes illas indul-gentia-

gentiarum, Prophetico spiritu, quasi intento digito, ante & notavit & damnavit 2. Pet. II. l. 3. Et in vobis erunt magistri mendaces, qui introducent sectas perditionis - Et in avaritia fictis verbis de vobis negotiabuntur. Deniq^u IV. Quomodo purior Antiquitas indulgentias illas Papales ignoraverit, & quomodo post illarum introductio- nem semper a viris bonis illis contradic^tum fuerit, prolix Catalogus testimoniū veritatis, B. Chemnitius in Examine passim, B. Gerhard. in confess. Cathol. & L.C. de p^{re}nitentia, Heideggerius & alii recensent. Non tantum privati multi, sed junctim Concilium Lateranense, & aliud Viennense, tota Academia Pa- risiensis sub Clement VI. indulgentiis Papalibus se opposuerunt. Et natio omnis Germanica Anno 1510. in gravaminibus ad Maximilianum Imperatorem, de indulgentiis conqvesta est.

§. XII. Non fert ratio exercitationis nostræ, ut ad singula subterfugia Papistarum digrediamur; adferendum unum alterumve ex Tom. II. Operum Fratrum Walenburchicorum: quos in hoc negotio nunc refutare placet, quia inter recentiores sunt, qui alicujus momenti scriptum a parte adversariorum ediderunt, & quia ipse in fratre adhuc superstite, Petro de Walenburch, Suffraganeo Coloniensi, doctrinam & modestiam il- lorum, coram expertus sum. Ita autem illi l.c. in compend. controvers. partic. Cap. 27. de indulgentiis. Indulgentiae versantur circa penas temporales, quas Deus peccatoribus infligit, post remissam culpam peccati & penam aeternam. Protestantes b. l. solent altum clamare, improbantes quod nesciunt, & facientes quod im- probant. Miror quam incogitanter hæcce scribunt. Certe Fra- tres in lectione Theologorum nostrorum occupatissimi, non ne- sciebant quam bene Protestantibus, ut nos appellant, nota sit do-ctrina Romana de indulgentiis. Et omne id quod Fratres l.c. ad- ducent ad illustrandum controversiæ statum, adeo bene fidei no- stræ Christianæ propugnatoribus innotuit, ut jam ante sesquise- culum, & toties ab illo tempore, ab iis profligatum sit ac confu- tatum sufficientissime. Nam ut occasione indulgentiarum pu- ra Evangelii prædicatio coepit, ita non sine causa Evangelicorum labor in illis examinandis ac rejiciendis, cum cura versatus est.

Ac utut sciam illum articulum inter fundamentales Ecclesiæ Papalis esse, non tamen mihi persvadeo, velle Fratres in illo condere mysterium Babylonicum, Apoc. XVII. 5, qvæsi post tam longas multas que disputationes, res occulta prorsus manserit. Si vero id volunt, nos expedite non scire omnes difficultates, qvas negotium indulgentiarum habet; dicimus nec ipsos patronos illarum, sibi in hac controversia constare. Sutlivius quinqvaginta quaeritorum contradictiones annotavit; Solus Bellarminus de indulgent. ab initio usq; ad pag. 58. plus qvam triginta suggerit. Joseph Angles, in 4. Sent. quæst. de indulgent. quinq; narrat opiniones contrarias de indulgentiarum valore, duas de thesauro, duas de causa efficiente, duas de dispositione recipientis, duas de tempore, qvo incipit esse sub gratia, duas de sufficientia eleemosyna pro bello sacro datæ, vid. Heideg. anat. Conc. Trid. pag. 1104. Quidam vero alterum probatum dare conantur, videlicet, Protestantates id facere quod improbant, res observatione dignissima est: Ipsi sibi persuadent, de nobis illis sermo est, unum actum fidei, quo apprehenditur Jesus Christus, cum omnibus suis meritis, efficer Jubileum & indulgentiam plenariam, tum culpe tum poenæ temporalis. Ita dicimus credimusque, non ex mera presumptione, sed fide, verbo divino firmissime nixa. Huic (Jesu Christo) omnes Prophetæ testimonium perhibent, remissionem peccatorum accipere per nomen ejus omnes qui credunt in eum, Act. X. 43. In Filio habemus redemtionem, remissionem peccatorum, Col. I. 13. Ab omni eo, ad quod per legem tanquam ad poenam obligabamur, ab eo nos liberavit Christus, Rom. IIIX, 1. 2. 3. Gal. IV. 4. 5. & V. 1. Col. II. 13. 14. &c. per legeim obligamur non tantum ad poenam æternam sed & temporalem, Deut. XXIX. &c. adeoque non solum ab æterna, sed ab omni poena cui per transgressionem legis sumus obnoxii, liberamur per Christum, Rom. IIIX, 1. Utinam sic quoque sentirent Romanenses! Longe vero aliter de suis docent Fratres his verbis: Nos autem in meritis Christi remissionem culpe & poenæ æternæ invenientes; querimus in iisdem meritis, per opera penitentialia, remissionem poenæ temporalis. Descendunt nonnihil a reliquis Pontificiis, cum in meritis Christi di-

cunt se qvarere remissionem, ac forte omiserunt *Sanctos*, ut tanto similiora nostris proferrent, qvod unicum fere studium est Walenburchicum. Male autem dicunt, *per opera pœnitentia-
lia queri remissionem pœnae temporalis*, majorem remissionem dicunt se *invenire*, quasi plus esset in altera temporalium malorum remissione. Removimus autem quamcunque remissionem per opera; & operariam illam, nunc quoque simpliciter remitteremus ad Pontificios, remissionem, nisi voluissent doctrinæ nostræ puritatem, istius fermenti suspicione conspurcare; ita enim in seqventibus: *qualia (opera pœnitentialia) apud ipsos (Protestantes,) ad advertendas eas pœnas, post ejusmodi actum fidei, essent inutilia, nisi nobiscum tenerent, esse facienda opera pœnitentialia, per quæ vi meritorum Christi, pœnae temporalis remitteretur.* Pervertitur sic doctrina nostra, & quatenus relinqvitur a Fratribus sana, eatenus nihil illis prodest, nec quicquam decedit efficaciæ argumentorum nostrorum contra indulgentias. Quis unquam Evangelicorum dixerit: *Opera pœnitentialia esse utilia ad remissionem pœnae temporalis?* Alius certe usus operum necessariorum a nostris traditur, & in Libro Concord. ipsaq; Aug. Conf. Art. VI. inculcatur. Familiare Pontificiis est objicere ex V. Test. varia exempla post remissionem peccati afflictorum; verum ex B. Chemnitii Examine, p. 714. & seqq. disce-re potuissent, qvod ejusmodi afflictiones in veris fidelibus, non sunt pœna sed castigationes paternæ, qvarum caussas longe di-versas esse ostendit ab onerosa pœna obligatione; Verum sic non habuissent Walenburchici, in quo convenientiam quærerent, si bona fide nostram proposuissent sententiam. Adducunt post, *Molinaeum Calvinistam*, sed nec ille id dicit qvod volunt; nec ad nos pertinet; nec magis illi nomen *Protestantium* competit, ex historia impositionis illius nominis, quam Hodier-nis Romanis competit titulus Ecclesiæ *Catholice*, quam immerito sibi rapiunt. Sed ne aliquid dissimulare videamur, adduce-mus locum, quo nullus in libris nostris majorem habet speciem illius, cuius nos insimulant: In Apolog. A. C. pag. 137. *Fatemur
Et hoc, qvod sape testatis sumus, (p. 96. & 135.) qvod etsi justificatio &*

vita æterna ad fidem pertinent; tamen bona opera mereantur alia præmia corporalia & spiritualia, & gradus præriorum. At ut diximus, speciem habet convenientiæ, sed non nisi præjudicio occupatis, revera autem nihil pro merito Pontificiorum, vel pro remissione pœnæ temporalis. Liberant locum istum ab illo sensu omnia dicta, qvibus remissio omnis mali pœnalitatis, Christo soli in libris nostris adscribitur, qvæ remissio unice per fidem nobis confertur. Et si qvis vellet ex illo loco aliquid obtinere pro temporalibus; pariter pro æternis & spiritualibus argumentaretur, ac tum manifestum foret nos ullam remissionem operibus non adscribere. Nulla est consequentiæ ratio: si præmia dantur respectu operum, Ergo & pœna illorum intuitu tollitur; nam præmia sunt prorsus gratuita, & ex promissione Dei consequuntur fidelium perseverantiam. At ut tollatur pœna, interveniet necesse satisfactio. Illa vero satisfactio, vel a nobis; hæc autem nulla est: vel Christi; qvæ quia perfecta est non semiplena, nostraqve facta per gratiosam Dei imputationem, Rom. IV. 5. 2. Cor. V. 19. 21. nihil pœnale vel condemnabile relinqvit, Rom. IX. 33. 34.

S. XIII. Pergunt Walenburchici l. c. & alia methodo disputant, qvam hactenus in illo negotio Pontificii: nihil de thesauro, nihil de potestate dispensandi indulgentias soli Papæ reservata; qvæ utramqve paginam apud alios faciunt. Sed ita ajunt: Convenit igitur inter Catholicos & Protestantes, esse in Ecclesia potestatem remittendi peccata, non tantum qvoad culpam & pœnam æternam, sed etiam qvoad temporalem; hoc enim fundatur in textibus S. Scripturae, Matth. XVI. 19. Joan. XX, 23. Convenit in hoc, an ergo de indulgentiis idem sentiamus? an modus & media per qvæ remissio fiat, utrinque eadem tradantur? An Protestantes idem faciunt qvod improbant? qvod tamen probandum sibi sumserunt. Convenit inter omnes Politicos ac Ictos, habere summas potestates in reb. publ. jus exigendi pœnas; An ergo qvoad modum & media convenit inter Pseudo-politicos, tyranorum adulatores, qui injustissima qvæqve laudant; & inter veræ prudentiæ civilis doctores, qui modum aliaqve ex fundamen-

tis justitiae ac cuiuscunqve reipubl. tradunt? Tyranni sunt Papistæ quando ex generali clavium potestate inferunt quæstuarias, visitatorias, Jubilæas, & quascunqve demum indulgentias, & indulgendi vocabulo decipiunt simplices, qui ligantur dum solutos se existimant. Non placet Walenburchicis loca ista. Scripturæ de potestate clavium directe pro indulgentiis allegare; dubium an ex illa animi integritate, quæ Durandus aliique supra dixerunt, nulla ex Scriptura haberi pro iis fundamenta; an vero ex eo, quod responsionibus nostratrum convicti, viderentur verbis Salvatoris sic abuti; Volebant itaque gratiam apud suos non perdere, sicut illa in capite de indulgentiis adferunt; & ne absurdæ allegationis accusarentur, saltem remissionem quamvis inde inferunt. Notum satis est præterea, quæ ex priori loco integro, tanquam ex petra, excidere solent Pontificii, *saxa* ut firment ruinæ Curia Romana fundamenta; Verum illa nostri tam fortiter contuderunt ac comminuerunt, ut arenoso pulvere occæcati quidam illorum, ex hoc quoque loco patrocinium indulgentiis suis quererent. Nam vix alius magis illis repugnat, vel potius, vix alium indulgentiis suis magis pervertunt quam hunc. Dat Christus potestatem solvendi; illi solutos culpa & poena æterna, ligant obligatione ad pœnam aliam, quam vocant temporalem: Jubet Christus ligare impénitentes, illi solvunt plene, pleniū, plenissime, nulla habita ratione alterius rei, quam superstitiosi a se prescripti cultus, visitationis, pecuniæ &c.

§. XIV. *Antiqua Concilia*, ajunt Walenburchici, pro qualitate peccati, pénitentia tempus imposuerunt; quod etiam ex variis causis abbreviarunt: Illæ autem pénitentia non tantum imponebantur ad satisfactionem Ecclesiae; sed insuper pro compensatione pœnae temporalis, vel in hac vita, vel in purgatorio, pro peccatis ferenda. Prius de mitigatione pénitentia actionum, nihil pertinet ad Ecclesiam Romanam. Dùdum, quando originem indulgentiarum inde petebant Romanenses, illis respondebat B. Lutherus: *disciplina antiquæ Ecclesiae apud vos est obsoleta, & vestra hodierna est commentitia.* Sed quia Lutheri se non admittere dicent judicium; damus judicem Serenissimum auctorem Tractatus Germanici

manici, cui titulus, *Verus, sincerus & discretus Catholicus*; qui integrum caput, a pag. 136. seqq. compendii sui, insumit tractando, *Von der respectu primitivae Ecclesiae, gewesenen / nunmehr aber lehner!* gar zu sehr zerfallenen Kirchen-Disciplin bei der Römisch Catholische Parthen. Scio amicissimos fuisse Fratres Walenburchicos eruditissimo Principi, quod item ex p. 93. scripti allegati patet; *Qui nunc quoque ab eorum partibus stans, Walenburchicis infelicem mutationem non parum debet.* Posteriorius de merito pænitentia non tantum ad satisfactionem, sed & compensationem; penitus erroneum est & falsum. Id B. Chemnitius in Examine a pag. 720 ad pag. 731. evidenter ostendit, ubi non simplex appareat Pontificiorum dolus in corrumpendis trahendisque veteribus in partes suas. Et quomodo veteres de compensatione in purgatorio, qui ipsum purgatorium ignorarunt? Addam reliqua Fratrum: *Remissis vero illis pœnis Canonicas, remittebatur pœna temporalis, peccatis debita; aliquoquin enim Ecclesia indulgentiam concedens, remisisset fideles ad pœnas a Dœo expectandas; neque illis attulisset commodum sed potius detrimentum.* Negamus antecedens. Et jam ante falsum esse demonstravit B. Theologus, quod remissio pœnae Canonicae, apud antiquos, idem esset ac remissio pœnae temporalis apud Pontificios: Sed quia illi indulgentias nunc concedendo, pœnam temporalem non remittunt; ut antea probavimus fieri non posse: proinde Ecclesia sua membra decipiendo, remittunt ad pœnas a Dœo expectandas, neque illis commodum sed potius detrimentum adferunt. Verbis quæ sequuntur: *Quapropter, patentibus Protestantibus, esse in Ecclesia potestatem remittendi pœnas pro peccatis temporales, omnino dicendum est, antiqua Concilia eas pœnas per indulgentias remisisse: his, inquam, verbis Walenburchicorum abunde jam satisfactum.* Et vanam esse absurdamque ex illa nostra concessione, collectionem hanc, simili prorsus illatione ostendam. Quapropter, patentibus Protestantibus, esse Ecclesia caput (Christiū,) a quo membra habent felicitatem temporalem (cum illa aeterna;) omnino dicendum est, antiqua Concilia illud caput de Pontifice Romano intellexisse. Pariter hic inferunt; nam id quod

nos de plenaria remissione omnis pœnae propter Christum, Pontificii trahunt ad indulgentias; Qvod antiqui de pœnis Canonicis, ac disciplina Ecclesiastica, illi de omni pœna temporali, in hac vita, in purgatorio, & ubi non?

§. XV. Pro se porro ita loqvuntur: Cujus (remissionis per indulgentias,) quidem non obscura extant vestigia in processu Apostolico, quando dicit: sufficit illi, qui hujusmodi est, objurgatio hec quæ sit a pluribus, 2. Cor. II. 6. Et infra v. 10. cui autem aliquid donatis, & ego. Nam & ego quod donavi, si quid donavi, propter vos in persona Christi. Non condonandum est Pontificis, ut justissimum exercitium potestatis Ecclesiastice, in excommunicatione, disciplina, & subsequenti absolutione, interventu pœnitentiae incestuosi, ostensum, ad palliandas indulgentias suas trahant. Nullum illis præsidium in Ecclesia puriori post tempora Apostolorum, & adhuc minus in Ecclesia Apostolica. Omnino ille processus nihil habet convenientiæ, cum modo nundinandi dispensandi que indulgentias Papali; id sine dubio viderant Fratres, proinde non directe indulgentias illi fundamēto superstruere volebant, quod alii Pontificii a B. Chemnitio refutati l. c. p. 711. sed in processu dicunt extare illarum vestigia, illaq[ue] non obscura, quod quidem sic obscure ponunt, ut nesciat lector, an ad antiquorum Conciliorum praxin sive decreta referant illa vestigia? an vero ad hodiernum processum Romanum? Si illud, concedimus; sed sic nec nobis obest, nec Romanensibus prodest, argumētandi ratio. Si hoc dicunt, manifestæ rei veritati contradicunt; quæ immane quantum discrimen ostendit, inter Ecclesiam Apostolicam & hodiernam Romanam. Hæc quidem existimamus, sic finiunt, sufficere non contentiosis. Sufficerint ne ista ad probandum: Protestantes improbare quod nesciunt & facere quod improbant? vi fundatorum sententiæ nostræ convicti, videbant hæc non sufficere, nec ulterius progrediendo causæ suæ se inservire posse; proinde volunt adversarios non contentiosos, hoc est; quibus perinde est, detur ne omnis gloria remissionis unice Christo, ejusque sufficientissimo merito; vel pars remissionis Christo, pars satisfactionibus humanis, operibus penitentialibus, meritis Sanctorum, &c. Si tales natu-
ri fue-

cti fuerint, partis sibi adversæ patronos, dicta ista non modo sufficere credant, sed plura esse quam opus habeant. Verum nos quibus unica spes Christus, de satisfactionibus, de indulgentiis, ac de Jubilæo Romano, id dicimus, quod de primo scriptum reliquit Apologia Aug. Conf. p. 185. Hæc tota res est commentitia, recens conficta, sine auctoritate Scripturæ & veterum Scriptorum Ecclesiasticorum. Et nostrum hic facimus quod B. Lutherus in concione de indulgentiis, pag. 58. Tom. I, Wittenberg. Nobis major facultas est, istiusmodi nugamenta contemnendi, quam ipsis excogitandi.

CAPUT SECUNDUM.

**DOCET LOCUM PROPHETICUM DE INSTITUTO
JUBILÆO INTELLIGENDUM ESSE.**

§. XVI.

Hæc autem extat Prophetia apud Danielem, Capite Undecimo, versic. quadragesimo quinto:

וַיְתַע אֶחָלָי אֶפְרַנּוּ בֵּין יִמִּים לְהַר צֹבֵי קָרְשׁ
וּבָא עַד קָצָו וְאֵז עֻזּוֹתָךְ:

Vetus Interpres Latinus,

Et figet tabernaculum suum Apadno inter maria, super montem inclytum & sanctum, & veniet usq; ad summitatem ejus, & nemo auxiliabitur ei.

Damus hic in gratiam Pontificiorum versionem vulgatam, emendatiorem subjiciemus postea, evoluta suo quoq; loco, vocū emphasi, & diversorum interpretum sententia. Compendium facturi scriptoris, apparatum illum Philologicū aliis usitatum, hic non præmittimus, sed paucis eum ad singula momēta ubi opus fuit, in usum nostrum adhibebimus. Circa Duo v. ad sententiam nostram ex hoc textu firmandam, B.C. D. occupabimur. *Hoc capite probabimus: Allatum vaticinum respicere Jubileum AntiChristi Romani. Sequenti offendemus nexum exitii AntiChristi cum ejus fibiles.*

§. XVII.

§. XVII. Assertio I. Certum est prophetiam istam latam esse de AntiChristo Romano. Progrediemur hic ab illis qvę clariora sunt per certas assertiones, ad id qvod nobis propositū est. Erunt forte qvi hanc primam in duas resolvi vellent, adeoqve primum probandum fore, agi hic de AntiChristo; ac sic demum inferendum de Pontifice Romano, qvod sit AntiChristus ille. Verum de primo convenit inter Christianos & magnam partem Judæorum, qvod suo tempore observavit B. Hieronymus, licet recentiores Rabbinorum de aliis nugantur. vid. max. Rev. D. D. Gejerus ad Dan. XI. 36. Convenit qvoq; inter nos & Pontificios scriptores non paucos, agi in posteriore parte Capitis XI. a v. 36. ad finem de AntiChristo. Cornelius a Lapide ad v. 36. *Catholici & jam, & olim, teste Hieronymo & Theodoreto docent, agi hic non de Antiocho, sed de Antiochi antitypo; Ad AntiChristum enim more Prophetico avolare bic Angelum, nam de eo agit diserte v. 1. & 2. cap. seq.* Et quamquam cum Cornelio Maldonatus & multi alii, aliqua invaticinio de Antiocho capiunt, fatentur tamen, describi iisdem AntiChristum, ejusq; mores, & solum ad gesta Antiochi quasi ad typum alludi parabolice, non autem ea exakte describi; uti Christus, Matth. XXIV. 25. ab excidio Jerusalem per Titum, transit & evolat ad orbis excidium, conf. max. Rev. D. D. Calovius ad Dan. XI. v. 42. Sunt tamen inter veteres Porphyrius, inter recentiores plurimi, qui quoq; simpliciter illa de Antiocho Epiphane, ut præcedentia interpretantur. Nec pauci de Antiocho ut typo AntiChristi; verum neutrum admittunt textus & eventus. Nam v. 35. fit transitus ad tempus aliud diversum ab eo quod antea datum gestis Antiochi. Neq; alicuius momenti rem suscepit, quæ non sub præcedentibus ad v. 35. comprehendi queat. Neq; cultum idololatricum unquam mutasse legitur. Quæ Porphyrius odio Christianorum excogitavit, refutavit B. Hieronymus; quæ Grotius ut Romanensibus gratus esset, ex ejus sententia assumxit, vana esse ostendit jam laudatus Theologus Wittebergensis. Certe quæ v. 42. & 43. prædicuntur de bello Ægyptiaco, eventus non comprobavit in Antiocho, qvod etiam Belgæ in suis Scholiis ad v. 36. observant, contra opinionem multo-

multorum Calvinianorum. Omnino brevius vitæ tempus Antiochi, quam ut ejus gestis annesteretur finis mundi, quod hic sit c. XII. 1. 2. seqq. Fuit in precedentibus que literaliter de Antiochi gestis, unum alterumve quod per typicam adumbrationem referri poterit ad acta Antichristi; At v. 35. & 36. ut eleganter notavit Lucas Osiander ad h. l. delabitur Angelus ab Antiocho, Antichristi typo, ad Antichristum ipsum, sicut Deus Gen. III. 15. a serpente naturali, sermonem vertebat ad serpentem larvatum, Satanam: talem transitum verba Jesuitarum modo allata, admittunt & exigunt. Et cum ita planum ac evidens sit primum; assertiōnē de Antichristo Romano formavimus. Est & hoc in Ecclesia nostra adeo certum, ut in Apol. Aug. Conf. Imperatori oblata, jam diu expressum habeatur. Recensentur ibi aliquā de plenitudine potestatis in res omnes publicas & privatas, quam Papa in spiritualibus & temporalibus sibi tribuit; post addit Apologia: Atque haec definitio non Ecclesie Christi, sed regni Pontificii, habet auctores non solum Canonistas, sed etiam Danielem cap. XI. vid. Form. Concord. p. 149. Respicit ad initium vaticinii, de quo agimus v. 36. Et faciet juxta voluntatem suam Rex, & elevabit se, & magnificabit se super omnem Deum, & contra Deum Deorum loquetur mirabilia. Consensum Theologorum Orthodoxorum, exhibent Magni Theologi Saxonici, D.D. Gejerus, & D.D. Calovius l. c. evidenterque probant: Omnia praedicata & gesta que ab Angelo superbissimi Tyranni persona adscribuntur, Pontifici Romano attribuenda esse. Rem extra controversiam apud saniores ponit Apostolica allegatio versiculi 36. quae extat 2. Thess. II. 4. & 1. Tim. IV. 3. ex vers. 37. Nec aliter salva veritate coelesti, illa interpretari licet; leg. Scholiaſtæ Vinarienses ad loca citata. Accedit quod Christus Matth. XXIV: 21. ultimorum temporum angustias praedicturus, verba quæ nostrum textum sequuntur, adhibuit, quo ipso docere nos voluit, proxime praecedentia quadrare in illum, quem interficiet spiritu oris sui, & deſtruere illustratione adventus sui, 2. Thess. II. 8. Frustra sunt Pontificii, dum Spiritui Dei in prophetiis loquenti resistere conantur. Judæi verum Christum non agnoverunt, nec hodie adveniſſe

nisse credunt; ita nec Pontificii Antichristum agnoscere volunt, similes illis, ut impleantur de utroque Prophetia. At hi Judæis pejores, qui ex gemino, quod recipiunt Testamento, non patiuntur se convinci. Judæi unum tantum recipientes, pauciores contra se argumentorum fontes admittunt, & satis tamen impii sint. vid. Joseph. Medus *de apostasia ultim. temporum.* Absurdi sunt Romanenses, quando tot de Antichristo prædictiones, & durationem a temporibus Apostolis proximis, usque ad finem mundi, putant attribui posse *Utopico suo Antichristo, annos tantum tres cum dimidio, regnaturo.* Profecto eventus, certissimus Prophetiarum interpres, tam evidentem facit in Pontifice Romano explicationem Characterum Antichristianorum, ut necesse sit, præjudicio grauissimo laborare, qui alium querat. Monstrent alium Pontificii, nisi vanas velint, per summam impietatem, dicere prophetias Divinas, in quem notæ Antichristi tam concinne quadrent. L. ab Alcasar Jesuita, quo vix nullus inter illos, majorem collocavit operam in expositione Apocalypses, manifestum dedit argumentum desperatae causæ Papalis, dum omnia quæ de Babylone spirituali prædicuntur, de Hierosolymorum excidio interpretatur. Bene namque perspiciebat, a Roma declinari non posse, si illa mala, ut futura metuenda essent. Verum hac ratione facit Apocalypsin historiam rerum præteritarum, & non futurarum revelationem, contra manifestam literam Apocal. I.i. & XXII. 6. &c. contra revelantis intentionem; & contra omnium Christianorum sententiam. Applicationem Prophetiae ad præsentia tempora, eludere fortassis conabitur aliquis, laudibus moderni Pontificis Romani: In historia electionis (*Conclave di Clemente X.*) celebratur, ratio ejus vivendi (*il suo tratto*) quod nobilis sit, mores Angelici, quodque totus benignus, humanus, generosus & integerrimi animi sit: pag. 52. & pag. 163. Sanctitate actionum suarum omnino monstrabit se Pontificem, Vaticana sede dignissimum. Poterant ista dici ex genio lingvæ & Curiæ Romanæ, ad adulacionem compositæ; vel suo modo vera esse possunt, comparatione aliorum Pontificum, qui sape sedem Romanam occuparunt. In vulgus notum est, qualia

qvalia hominum monstra , in serie Pontificali comparent. Et sic non infimam gloriam præsentis Jubilæi existimabunt Romani: sub tali Pontifice, Romano qvoqve , ac ætate pæne seculari, binis qvoqve seculis, in minori periodo Jubilæa peractis, celebrari. Hæc licet nunc sint materia omnium fere gratulationum Romæ ; iustissima tamen manet applicatio vaticinii. Et hic verba B. Hulsemanni Brev. c. XXII. §. 22. de Urbano IIX. optime locum habent. Nulla omnino cauſa est, ob quam benignius sentire oporteat de moderno Romano Episcopo Clemente X. quasi is vel non sit Antichristus , vel non omnibus Antichristi notis sese maculaverit. Quamdiu enim decessorum suorum decreta , quibus in theoria & praxi hec note insita sunt , publice non abrogat, sed exsequitur, (concedendo indulgentias Jubilæas, excommunicando dissentientes, crudeles piorum Evangelii confessorum persecutions approbando, urgendo, juvando, &c.) Antichristus est. Negat vero necessum est ad demonstrationem Antichristi, ut hec note in singulis succendentibus individuis, paris auxiliis aut evidentiæ sint; Quemadmodum etiam summi sacerdotes tempore Christi & deinceps, alius alio fuerunt sceleratores, &c.

§. XIX. Assertio II. Designatur qvoq; ista prophetia locus commorationis Antichristi. Idq; tum generaliter בָּן יְהֹוָה יְהֹמֵם benjamim , inter maria, tum specialius לְהֹרֶב צָבֵב קַדְשׁ lebar tzevi Kodesch, super montem decoris sanctum. LXX & Arabs, hic nomen montis proprium Sabain faciunt. Sunt qui volunt non tam locum habitationis, quam locum sive terminum ad quem diriget castra sua rex, his verbis indicari : Verum nondum satis prægnantes pro hac opinione vidimus rationes, quin contra firmum est argumentum: in præcedentibus versibus agitur de bellis ejus, etiam in terra decoris , v. 41. At prius de castrametatione quam de bello dicendum foret; Nec vox apadno, de qua mox, nec plantatio tentiorum, militum castra nobis præfigurant. Certe phrasis Lebar non nos cogit ut reddamus: versus montem , nam 2. Par. XIII. 4. lebar Zemaraim , in monte Zemaraim, omnino vertendum esse docet præcedens parti-

cula meal, desuper. Merito pro nobis urgemus stylum Spiritus Sancti, qvi ejusmodi topographlia nos ducere solet in Antichristi notitiam: simili valde ratione, Apoc. XVII. 9. 18. Quod hoc loco plane omissum fuisse, haud verosimile est, postquam tam multa de illo tradita erant. Major vero est discrepantia sententiārum, quem terrarum locum hic nobis describat angelus? Indefinite qvibusdam videtur dictum *inter maria*, nam nulla regio est, qvæ non habet a lateribus maria, licet remotiora: inde fit, quod unusquisque interpretum, qvalemcunque demum sibi sumserit regem in vaticinio indicatum, semper novit vel maria, vel flumina, vel paludes nominare. At sic non sequuntur vim phraseos ex Scriptura hauriendam. Nostrum nunc non est propositum, singulorum opiniones examinare. Omnes enim qvi extra Europam ponunt locum istum, per priorem assertionem refutantur. Qvi vero intra ponunt, non solum illa juvantur, sed & inde robur accedit sententiae illi, qvod Europa *insularum* nomine venit, Gen. X. 5. In illa vero propter angustiorem continentem, quæ coarctatur inter mare Thyrrenum & Adriaticum, facilime & commodissime *stū inter maria*, designatur *Italia*: in hoc capite v. 30. nomine *Chittim* insiguitur, at Chittim alibi *inter insulas*. Sufficit maria dixisse, nec necessum addere duo maria, nam inter plura nisi remota, vix ulla regio sita. Rectissime itaque se habet glossa Vinariensis, qvam nostri plerumque, qvoad hoc, probant. Per montem decoris sanctum vel sanctitatis, ex phrasl Vet. Test. qvid intelligatur, non erit obscurum, conf. D. D. Gejer. in h. l. *Terra (tzevi) ornamenti sive decoris*, de terra sancta Israēlis, Dan. IIX. 9. & XI. 16. 41. mons sanctitatis de Zione, Esaj. XXVII. 3. Jerem. XXXI. 23. Sic hoc loco junctim, de *Ecclesia Nov.* Test. capiendum, qvæ simili nomine describitur, Esaj. II. 2. 3. & LII. 7. Syrus h. l. *Sanctuarium ejus* reddit. Estqve ille titulus *mons sanctitatis & decoris*, per *templum Dei* expressus, 2. Theff. II. 4. AntiChristum extolli ait Apostolus, ita ut, εἰς τὸν τόπον θεοῦ, in *templum Dei*, tanquam Deus sedeat, semet ostentans, qvod sit Deus. Ναὸς θεοῦ est Ecclesia, 2. Cor. VI. 16. &c. *Roma vero montana*, Apoc. XVII. 9, ex mente Theologorum

gorum, encomio montis decoris & sancti ornatur, quoniam quondam ibi Sancta Dei Ecclesia, Rom. I. 8. ab Apostolis, in primis S. Paulo plantata. Beatorum Martyrum, sub Imperatoribus Gentibus, Theatrum & sepulcrum. Et semper aliqui in medio Antichristi, per semen sanctum Christo servati. Maresii rationem cur Roma vocatur mons sanctus, rejicere non possunt Pontificii, nec velint Calviniani; ita ille Tract. de Antichristo pag. 60. Sedere in Ecclesia Dei, proprium est Pontificum Romanorum, quorum quisq; tamdiu sedisse dicitur, quamdiu in illa permanxit dignitate. Imo sedent cum suis in Ecclesiam Dei, hanc enim semper crepant, & illius nomen, privilegia, officium, auctoritatem omnem ad se trahunt.

§. XIX. Assertio III. Neque tamen exortus aut domicilium Antichristi nude hic describitur. Faciles concedent omnes, prium illius ortum, hic non describi, cuius in praecedentibus tot facinora enumerantur. Nec difficile dabunt plurimi: *longe magis quam domicilium nude hic indicari*: magno enim labore interpres & commentatores amplius aliquid querunt. Sunt tamen qui malunt simpliciter reddere: *Et figet tentoria domicilii sui inter maria*. Non urgemos, quod viri eruditissimi, ipsi hic tentoria castrensa Antichristo tribuant, sic ultra commorationis statum progrediuntur. Verum ipsam verborum vim iis opponimus, sequentibus assertionibus plenius evolvendam. Nunc saltem dicimus, *rationes eorum infirmas esse*. Ajunt Jeremiæ XLIII. 10. poni אֹהֶל & אַפְרָנָא Obel & apadna ut æquipollentia, Prius vero indubie tentorum significat, ergo & hoc. Textus sic habet: *Et ponam thronum ejus (Nebuchadresaris) super lapides istos, quos abscondi, & tendet שִׁפְרֵו (Schaphriro) tentoriū suum super eos*. Hic non extat vox אֹהֶל Obel, nec in textu Hebr. אַפְרָנָא apadna, sed in paraphrasi Chaldaica Jonathannis extat, & respondet voci שִׁפְרֵו Schaphrir, quod certe non nude tentorum significat: nec, si tam obvia esset vocis illius notio, LXX, Syrus & Arabs *arma* interpretati fuissent. Vulgatus solium. Schaphrir a radice Schapbar, summa elegantiæ ornamenti

menti splendorem reqvirit, ita Abarbanel ad h. l. Salom. Ben Melech in Michlal Jophi; Arias Montanus emendavit versionem Pagnini, addens tentorium suum elegans, qvod jam ante in Thesau-ro monuit Pagninus. Vatablus in annotationibus tentorium regi-um. Grotius ad h.l. in Hebreo & Chaldeo dicit notari augustale, sic quoqve Buxtorfius. Interpres Anglus & Gallicus royal pavillon.

Qvod omne evincit, non idem esse **אֶחָל** Obel & **אַפְרָנָה** apadæn. Sine dubio Chaldæus, cum de curia regia Nebuchad-resaris sermo esset, post mentionem throni ejus; usus est voce **אַפְרָנָה** apadna, propter cingendi notionem: **אַפְרָנָה** apad enim cingere est vel amicire. Quippe auleum ejusmodi quiddam est, quo locus cingitur & velut amicitur ac vestitur, sunt verba Fulleri, Miscell. Sacr. lib. V. c. 18. Et qyamvis verba ejus se-quentia, loci nostri apud Danielem, plenum non asseqvantur sensum, illis tamen valide contradicunt, qui domicilium tan-tum, voce Obel nominandnm, hic formant. Ita enim Fullerus **אַחֲרֵי אַפְרָנָה** Obole apadno i.e. tentoria aulæi sui; non quælibet & vulgaria tentoria sunt habenda, sed splendida & magnifica, superbis & pretiosis aulæis, undiq. suspensis, ornata, & intus circunda-ta. Quid si Græcus studio exprimendi illam expansionem in circuitu, illud **שְׁבָחָרָה** schaphrir Jeremiæ, reddidisset per σειματα vel σειματουατα, æq; bonus fuisset interpres ac Chaldæus, reddens **אַפְרָנָה** apadna? Non tamen sequeretur idem esse σειματα Græcum, qvod **אַחֲרֵל** Obel Hebræum. Minus adhuc contra-nos valet auctoritas Lexici Baal Arueb, qui apadna exponit **חַצֵּר** Chazer, atrium & tentorium, David de Pomis ex illo in Tzemach David reddit: Il cortile della casa, il padiglione: Nos non qværi-mus significationem vocis **אַפְרָנָה** apadæn Rabbinicam, sed Biblicam, qvæ ex etymo vocis & usu analogo Scripturæ petenda, non vero ex Rabbinis vel Thargumicis, qvando hi etymon non attendunt, vel usum sacrum non asseqvuntur. Sic ex etymo & u-su proprio vocis Pesach orthodoxam interpretationem loci Exod. XI. II. restituit D.D. Seb. Schmidius. Judæi ipsi qvando **אַפְרָנָה** apadæn, per **חַצֵּר** Chazer, atrium reddunt, fontes erro-

erroris indicant. Derivant a פָּדָן padan, qvod Syris & Arabibus *terra plana*; At fallit illa etymologia. Et cum *tentorium* significare dicunt *apædæn*, respiciunt unice ad Jerem. XLIII. 10. qvem locum jam illis eripiimus. Denique adferuntur loca, in qvibus duo *Synonyma combinantur*, qvod & hic fieri volunt illi, contra qvos assertio nostra, transferentes: *Et plantabit tentoria domicilii sui*: Cur non dicunt *tentoria tentorii sui*, si pro *Synonymis* habent? Verum vocabula non dicenda *Synonyma*, priusquam talia esse aliunde certo constat: Id qvod hic loci desideramus. Minuit alias facile ratio ista emphasin: & propter tautologias propinquitatem non sine urgente caussa admittenda. Imo in exemplis qvæ adferri solent, semper vox una ab altera diversi nonnihil habet.

§. XX. Assertio IV. *Sed nec probabile est expansionem tentiorum palatii, per plantare אַפְּדָנוֹ אֲחָלָה אַפְּרָנָה* Obole apadno indicari: Hoc prius dictis subjungimus, *tum* qvia illorum sententia, contra qvos hæc est assertio, illis qvoqve contradicit, qvos in præcedenti non admisisimus; *tum* qvod sic utraqve opinione destructa, seqventis assertionis V. fundamentum firmius sit. Omnis oritur difficultas ex voce אַפְּדָנוֹ apadno, qvæ alibi in Scriptura non legitur. *LXX. viralis*, qvam hodie habemus, *interpretatio* vocem Hebraeam fere retinet: καὶ πήξεται τὸ σκηνὴν αὐτῆς ἐφαδάνω, MSS. Alexandrinū ἐν Φαδάνω Editio Complutensis, qvam sequuntur Tetrapla Vatabli & Polyglotta Parisiensia, legitā φαδῶ, male; absq; dubio fuit a pro π, & ita Theodosio & Aquila a φαδῶ. De Syro & Arabe post videbimus. *Vulgata Latina* pariter Apadno, servare sic student vocem originariam, qvæ ut nunquam fallit, ita nec quicquam omnino significat (non intelligentibus:) qvod recte in oratione quadam judicat D. D. Edm. Castellus Prof. Ling. Arab. Cantabrigiæ, cuius humanitati ego non minus debeo, qvam magno ejus labori in lingvis orientalib. omnes debent. *Porphyrius*, qui Apadno & Sabi putavit esse nomina loci propria, partim *ignoratione sermonis Hebraici & Syriaci*, partim nimio quodam studio in Paganismum, fæde hic lapsus est. Idoneum est judicium Hug. Grotii, ipse de cetero in hisce parum sa- nior

niior Porphyrio. Certum est regulas Grammaticas non admittere, qvod capiatur *apadno* pro nomine loci proprio. Omittimus alios ex recentioribus interpres, qui, referente Pagnino in Thesauro, vertunt, *tabernacula ornamenti sui*, vel *thalamii sui*. Major eorum numerus & auctoritas, qui vel *tabernacula palatii sui*, vel *prætorii sui* reddunt. Exigua inter hos est differentia, si regem in castra collocamus. *Veteres omnem magistratum*, cui totus pareret exercitus, *Prætorem* appellabant, unde *& prætorium tabernaculum ejus*. Observante Fullero l.c. ex Asconio, addit *Hoc peculiariter eximio nomine a Quintiliano vocatur Augustale*. Doctissimus Patrum Hieronymus, sententiam suam ad h.l. ita tradit: *Apadno verbum compositum est, quod si dividas, intelligi potest, θέραν αὐτὸς i.e. solium suum. Et est sensus, & figet tabernaculum suum & thronum suum inter maria*. Alii fortassis dicent, *vocabulum constructum*, pro eo qvod Hieronymus dicit *compositum*, nam in Hebraeo vel pauca vel nulla sunt vocabula composita. Ex recentioribus, *Pagninus*, *Vatablus*, *interpretes Anglii*: *tabernacula palatii sui*. At in notis *Vatablus*, *figet tentorium prætorii sui*, qvod & *Grotio* magis placet. *Arias Montanus*, & plæriqve *Latini*: *tentoria palatii sui*. *Lutherus* utramqve vocem numero singulari, das Gezelt seines Pallasts/ nec ab eo discedit *Svetica*, neqve *Danica*; retinent *Belge*, & nihil fere mutant *Junius* & *Piscator*. *Gallica*: *les tabernacles de sa maison royale*, ita plenius, *domum regiam* vocat, forte qvia *palais palatium*, vel *quæcumque domum magnificam* nunc illis notat, vel nomen factum proprium *aulæ regie antiquæ Parisorum*. *Italica Diodati*: *i padiglioni della sua reggia, aulea regiae sue*. Recentissima omnium *Fennica*: *Ta hänien pitä Majans asettamian cahden Meren wälille*. Et collocabit tugurium suum inter duo maria. *Præuentem* non habet iinterpretē, nisi LXX & *Apollinarium*, si credimus B. Hieronymo, qui ita ad h.l. *Soli LXX. omni se nominis quaestione liberantes, interpretati sunt: Et statuet tabernaculum suum tunc inter maria, & montem voluptatis sanctum;* Et veniet hora consummationis ejus. *Quos Appolinarius fecutus, de nomine apadno omnino conticuit*. At hodierna LXX. aliter, ut supra notatum.

Primus, nisi fallor, qui פָּדָן apadno, palatum suum interpretatus est, R. David Kimchi habetur, in Schorschim, sive in libro suo de radicibus Hebreis. Ejus mentem sic exponit R. Salomon ben Melech, in Michlal Jophi, ad. h. l. *Apadno*, (אֲלֵף) aleph adventitum est, quia radix ejus פָּדָן paddan, absolutum vero, (sine constructione) apaden cum tzere, est, interpretatio ejus, armono, palatum suum. Nam in verbis (sive scriptis) patrum nostrorum, b. m. אַרְמוֹן armon, palatum vocatur apadna. Rabbi vero Joseph Kimchi, placet alia interpretatio, secundum radicem פָּדָה aphad, cingere &c. Auctoritate R. D. Kimchi, apadæn in concordantiis reddit armon palatum, R. Nathan, & cum eo Buxtorfius, ad radicem פָּדָן paddan, refert. Bene vero est, quod dicunt ita significare in scriptis patrum suorum: ulro damus, in Thalmude & aliis scriptis Rabbinicis, אַפְּרָנָה apadna, palatum notare. Sic quoque locum nostrum ἡγεθεῖται Jacobias: Et figet tentoria apadno vhecalo, palatii sui & aulam suam, quemadmodum latine reddidit Constantinus l' Empereur. Verum iam supra occupavimus dicere: Quæritur hic significatio sacra & Biblica, non Rabbinica. Nihil attinet dicere, quam inconveniens aliis videri poterit: palatia ex tentoriis extruere; non ego nuda peripetasmata intelligo, quæ certe per Hebræorum אַחֲלִים oblatim, tentoria, h. l. non exprimuntur. Tentorium unum, si regum est, palatum poterit dici, vel in bello prætorium. Verum, contra Rabbinum urgebimus mox aliam, vocis פָּדָן apadæn originationem, patri ejus Josepho Kimchio quoq; receptam. Nunc dicimus, ipsum male priorem improbasse, & aliam prorsus ineptam, a voce פָּדָן paddan, substituisse. Paddan, duo tantum habet significata: vel par boum sive jugum boum; vel terra sativa & compascua. Prius, ex usu Chaldaico non Hebræo, Judæis familiare paddana dethorin, jugum boum, & inflexione Chaldaica, in Thargum edit. Venet. pedan thoriah, 1. Sam. XI. 7. 1. Reg. XIX. 21. vide tamen Pagnini thesaurum. At quid jugum boum ad palatum regum vel Antichristianum? Nisi quis forte dicat, quod respexerit vaticiniū ad id quod Monachi Papales non nisi per bigas, foras progrediantur. Multum desudat in ostendenda

34 *Non a paddan quatenus jugum boum.*
denda convenientia inter palatium & bigas, Fullerus Miscell.
lib. V. cap. 18. Verum id agit, magis ut ostendat ingenium
suum, quam sententiam propriam. Dicit Hieronymum ver-
sionem Symmachii; ἵτε σκηνὰς τὰς ιπποστούς αὐτῆς, latine reddidisse:
Et plantabit tabernacula prætorii sui; ιπποστού vero, synecdochic-
a locutione, speciei pro genere, poni pro quovis animalium ju-
go, foretque sic versio: Tentoria bigarum ipsius, Et אַחֲרָה

אַפְרָן Obole apadno, stabulū bellicū currulum equorum, qui in
bigas aut quadrigas, (h. e. geminas bigas) dispositi, currus regales
trahebant. Verum post tot ambages, cālide addit vir doctissi-
mus: Ceterū, an hic ex parte intelligendo totum, Equile regium, (quæ
quidem res præclara est ac sumptuosa,) pro regia ipsa, sive tentorio
regali, satis commode sumi queat, in medio relinquam; Illud tantum
afferō, ita statuisse Rabbinos, quos secuti sunt deinceps paraphrastæ, si-
quidem ex Rabbinismo, אַפְרָן אַפְרָן apadna, Kimchius (David)

אַרְמָן armon, i. e. palatium, valere tradit, Idemque vocem e-
andem ad vocem פַּדָּן paddan, h.e. jugum revocandam judicat,
Id quod alia ratione effici non posse putamus, nisi ea quam modo atti-
gimus. Verum Fullerus, nec feliciter nec serio Rabbinū juvat, ipse
namq; veriorem originem querit & probat. Alterum significatū
vocis פַּדָּן paddan, terra sativa compascua, majori specie se
commendat; sed de eo nihil cogitavit Kimchius. Respexit ta-
men Syrus ad illud, & in primis Arabs, qui locum nostrum ita red-
dit: Uayansebo mathallatabo, Et plantabit tabernaculum suum,

فَمَكَانَ فِي si machanin sablin, in terra plana, baina-lbobi-
buri, inter maria. Parum ab hoc discrepat Syrus: Et firmabit tento-
rium suum בְּאַתְּרוֹ בְּאַתְּרוֹ baathro schaphio, in loco depresso
vel plano. Quod cum reddiderit Vir magnus: in loco circoso
vel eminente, mirū non est quod ait: vix liquet quid Syrus intende-
rit; nam revera intendeba: Syrus animum, ad etymon vocis apad-
no ex paddan terra plana. Sic schaphio, locum planum, vertit Sio-
nita in Polyglottis Parisiensibus, & retinuerunt viri doctissimi, qui
Polyglottorum Anglicorum editionem curabant; imo in N.
T. Syriaco, bis, Luc. III, 5. & II X. 15. schaphio non nisi de humili vel
depresso,

depresso, capi potest. Et forte ad hanc vocis פַּדָּן paddan significationem respexit Baal Aruch, quando apadna per atrium exponit. Certe Joseph Kimchi, Aben Esra & Sal. Jarchi ex illa, partem Syriae qvæ Paddan Aram vocatur, sic nominatam volunt. Octies Paddan Aram ita conjunctim reperitur in S. textu, & semel nude פַּדָּן paddan, Gen. XLIX. 7: Bochartus Phalegi sui lib. II. c. 6, ex Strabone, Xenophonte & Polybio, duas facit partes Mesopotamiæ, fertilē unam, alteram incultam; illam a Mose Paddan Aram, Hosea c. XII. 13. optime Hebr. vocatā, שְׁדָה אַרְםָם Sede Aram; שְׁדָה Hebreis, ager sativus & compascuus. Sed qvid planities ad palatium regium? non magis qvam ager ad arcem, & humus ad domum. Repugnat adhuc magis, qvod observat Bochartus I. c. a פַּדָּן paddan, in significatu posteriori, esse padna Chaldæis & Syris, nec non phaddan Arabibus, aratrum; & phedad Arabibus agricola vel rusticus. hinc in vita Tamerlanis: Erat tum ipse, tum pater ejus e phedadinis (rusticis,) & ex eorum fæce, qvibus nec est intellectus nec religio. In explicatione vaticinii nostri, nulla ratio commendat derivationem a פַּדָּן planicie; qvin potius obstat, qvod tentoria super montem, & Roma montana & septicollis. Dicemus tamen aliquid, qvod neqve David Kimchi, nec forte alii, qvi tentoria palatii transferunt, pro se hactenus attulerunt: Sicut אַרְמֹן armon ab Aram, Syria. ita apædæn a פַּדָּן paddan, qvod & Syria nomen, idqve eo fine hic adhibitum, qvo magis obvium foret, vaticinium de Syria rege explicare. Verum enimvero, de Syria rege hic sermo nullus per Assert. I. nec probabile est אַרְמֹן armon, palatum, ab אַרְםָם Aram, quatenus nomen est regionis proprium, Pagninus in Tabula Heemanticorum etiam ad פַּדָּן Rum, altum esse, exaltari, refert. At si quis urget (א) aleph esse radicale, urgebimus & nos pari, imo majori jure, (א) aleph in פַּדָּן apædæn esse radicale; qvod nunc sequitur.

§. XXI. Assertio V. Vox פַּדָּן apadno peculiariter Anti-christo tributa, referenda est ad amictum religiosum. Illud jam ex superioribus relinqvitur. Probamus vero id ipsum in primis ab etymo, qvod est פַּדָּן aphad, accinxit, superinduit, amixit, &c. Esse vero hanc vocem, vocabuli apædæn פַּדָּן radicē, syader

svadet analogia formationis, cum (נ) nun, longe frequentius heemanticum sit a fine, quam (א) aleph ab initio, nec non, qvod datur cognata vox Biblica, quæ a fine crescit, ad nullam aliam radicem referenda, ut, **אֲפָדָה** apyddah, Exod. XXIX. 8. & XXXIX. 5. &c. Postulat vero hanc originationem manifesta ratio; Ex peregrina lingva non accersendū esse etymon, vocis Hebreæ, quando idoneum in eadem lingva habetur, sed in illo, ex analogia formationis manendum. Quæ ratio R. Joseph, R. Davidis Kimckii patrem, movit, dum ab aphad derivat apædæn, quod supra ex Michlal Jophi, vidimus. Idem facit excellens inter Ju-dæos R. Saadias in Danielem, his verbis: *Obole apadno, est phrasis αφιδαθ εφόδ*

(אֲפָדָה אֲפָדָה aphidath ephod,) amictus amiculi sacri, estq; significationis operimenti picti (picturæ,) sicut ephod, linteum estimatum, s. pretiosum inter vestimenta, sic Obole apadno, tentoria apædæn vel amictus ejus, pretiosa inter tentoria illorum: Qvem locum nonnihil aliter reddit Heideggerus, in anatom. Concil. Trid. pag. 1268. ubi per errorem quoque, Kimchius filius David, pro patre nominatur. Non obscure inclinant ad hanc derivationem Pagninus & Mercerus. Probat illam max. Rev. D. D. Gejerus in h. l. & pro eadem allegat Fesselii adversaria, & Marinum in Arca. Nec alia mens Grafero, in historia Antichristi, qvem seqvitur Heideggerus, l. cit. Fulleri in nostram partem, verba attulimus qvædam §. XIX. qvibus gemina sunt apud eundem l. c. p. 88. Nec minus, (egit in antecedentib. de Symmachî versione,) qvin etiam magis fortasse probabilis est deductio, ut (א) aleph, sit radicale, (נ) nun vero adventitium, & **אֲפָדָה** apædæn, ut ab **אֲפָדָה** aphad proficiatur: Itaq; redditur a doctis aulæum. Et paulo post: Qvod si non libet apædæn, aulæum interpretari, esto ejusdem omnino significationis cum ephod, vertatur q; aut amiculum, aut vestis, aut tunica; res eodem redibit. Et tentorium cinctus suis sonabit. Probamus assertionem nostram secundo, ex usstatissima in scripturis voce **אֲפָדָה** ephod: Genus erat ornameti religiosi. Qvod vocabulum, licet proprio de pretioso illo & aureo, quo summus insigniebatur Sacerdos, Exod. XXIX. 6. &c. tamen per analogiam amictus & externæ formæ, nomen dedit amiculo sacer-

sacerdotali lineo, vulgari, i. Sam. XXII. 18. &c. item amiculō li-
ni, qvo puer adhuc Samuel accinctus, sacrīs ministravit i. Sam.
II. 18. nec non illi vestimento, qvo David amictus ante arcā
saltavit, 2. Sam. VI. 14. Hinc certe plus quam probabile est ad
illum amiciendi usum in nostro qvoque vaticinio respexisse di-
vinum Vatem. Sed tertio, sententiam nostram valide confir-
mat, qvod Spiritus S. in describendo cultu idololatrico, divinæ in-
stitutionis, ut dici solet mimico, vocem ephod adhibeat. Infra
plura loca videbimus. Suffecerit nunc Judic. XVII. 5. *Viro au-
tem Michah, fuit domus Dei, fecitq; ephod (superbumerale) & Te-
raphim, & implevit manum unius de filiis suis, & fuit ei in sacer-
dotem, c. XIIIX. 14. Num nostis, qvod est in domib; istis ephod &
Teraphim, & sculptile & conflatile? Et nunc scitote quid faciatis.*
Ad priorem locum Belgæ & Galli Calviniani, & ante illos Va-
tablus annotarunt: *nomine ephod omnem vestem sacerdotalem*
(tout l' equipage de l' habit sacerdotal,) *subintelligi posse.* Dictis
allegatis, qvoad voces prorsus non eit dissimilis ap. Hof. III. 4.
*Qvia dics multos manebeant filii Israël, sine rege, sine Ephod & Te-
raphim, LXX. καθησούσαι οἱ γοὶ ἱεραγόν, ἐν ὅντος βασιλέως, ἀδὲ ιε-
ρείας, ἀδὲ δηλώσεως.* Sic vocabulo ephod comprehen-
dunt totum sacerdotium. Etiam in lingua Hebræa, Judic. IIIX.
26, 27. *Et fuit pondus inaurium aurearum, quas postulaver-
at, mille & septingentorum aureorum, -- Et fecit ex eo Gideon
Ephod, & fornicati sunt omnis Israël post eum ibi.* Augustinus,
Theodoreetus & ex utroq; ad h. I. D. D. Calorius, fecisse Gideo-
nem Ephod sacerdotale existimant, & reliq; vestes Pontificis,
qvæ sub primaria intelliguntur. Tanta namq; vis auri, in u-
no Ephod portari non poterat. Sic quoque Angelum in vatici-
nio nostro, *ad amictum religiosū retulisse vocabulum אֲפָדָן*,
apæden, pro certo habendum, maxime ob hanc causam,
quod v. 37. 38. 39. de cultu idololatrico Antichristiano tam ex-
pressus sit sermo, & qvod, etiam post truculenta bella, rex ille
de quo prædictitur, ad cultus sui apparatum principaliter omnia
referat, ut eventus docet. Diximus vocem אֲפָדָן apadno, pecu-
liariter Antichristo tributam, id clare docet pronomen suffixum,

suum. Voluit angelus hoc ipso indicare , non in honorem Dei , sed *suum* , plantaturum tyrannum tentoria *apæden* *sui*: Nec in hoc quoque caret emphasi , phrasis ista *obole apadno*, quemadmodum *Obola* dicta Samaria, scortationis rea spiritualis, quia *tentorium suum* sibi fecit. Sic Antichristus *tentoria apeden* *sui*. De Jerusalem vero dicit Deus, *Oboliba, tentorium meum in ea*, Ezech. XXIII. 4. quamvis & illa Ecclesia , ejusdem criminis tunc esset convicta cum Samaria. Certe, inter cultum idololatricum *Samaritanum* & *Antichristianum Romanum*, haud inevidens est *parallelismus*: cuius fundamentum hoc est , qvod Romanenses ceremonialibus Judaicis, aliisque ex Gentilismo desuntis, in quibus eminet Jubilæus , purum Nov. Test. cultum fœdarint, suoque Deo Mausim tribuerint, non aliter ac Samariani, cultum V. T. sacrum, Deo soli, certo loco & tempore destinatum, suis idolis exhibuerunt, ac aliorum quam Deus volebat, traxerunt.

§. XXII. Assertio VI. *Vocabulo* ☰ ☱ ☲ ☳ *apæden*, qvod significat habitum *religiosum*, comprehenduntur in loco nostro, ea quæ amiciuntur. Nam aliis non dari potest sensus verborum , *plantare tentoria amictus sui religiosi*; Ipsi amictui tentoria non destinantur, nec proprie dicitur amictus religiosus, nisi quatenus referatur ad usum suum. Unde evidens est, illa amicta hic spectari, quorum gratia est amictus religiosus. Poteramus , dum sic adjunctum de subjecto interpretamur, urgere morem loqvendi in omni lingua & de re quavis; ubi necessitas id postulat, & nulla indea ratio in contrarium militat. Dicimus vero pro re nostra, voluisse Sapientiam divinam in stylo propheticō, qvi longe plurima habet a plano dicendi genere diversa, ejusmodi loqvendi modos adhibere, ut obtineat id qvod sibi propositum habet, in admirabili illa ratione revelandi futura. Cujus Divini consilii singulare documentum apud Esajam c. XLIX. 5.6.7.8. Et ut admirandus ille character sermonis prophetici , nullo modo minuit lumen sanctissimi verbi cœlestis, puro mentis oculo hau riendum , in iis quæ ad salutem sunt necessaria ; ita mirum in modum auget venerationem sapientiæ Dei nostri, in piis Scripturæ

pturæ scrutatoribus, Apoc. I. 3. & XIII. 18. &c. Hoc locum habere in vaticiniis, quæ ultima, hoc est nostra, respiciunt tempora, Angelus docet in prophetia, cuius partem nunc tractamus: *Et tu Daniel, claude verba, & signa librum, usque ad tempus finis, discurrent multi & multiplicabitur scientia,* Dan. XII. 4. Qvia vero lectioni Ecclesiæ Judaicæ & Christianæ, semper expositus erat hic liber, non minus ac alii Canonici; non aliter ad tempus finis signatus dici potest, nisi qvod tali conscriptus sit stylo, quem intelligere iis demum datum, qui per eventum, aliaqve notitia pia inservientia, scirent qvomodo capienda essent verba. Et cur non dicemus Angelo, voce tam propinqva *apæden*, ipsa amicta indicaturo, idem adfuisse Divinum consilium, qvod fuit, cum vocabulo **Μαύσιμ** *Maysim*, missam Antichristianam indicaret? De hoc a.B. Lutherus in præfat. ad Daniel. & locum nostrū. Und sonderlich röhret der Engel mit dem Wort Mausim/ das große und höchste Stück / den ärgesten Kirchengrewel im Papstthumb/ die Messe: Wolte wol gerne deutlich sagen; seinen Gott der Messe / und thut/ als verbreche er das Wort Messe/ im reden williglich/ das ers für großen Unwillen/nicht mach recht nennen Messe/ sondern spricht Mausim. Certe qui talem, qvalem nos hic urgemos vocabulorum significationē, in propheticis exponendis non admittit, nihil ex illis explicabit, nec illi unquam comprobabit eventus prædicta: Et sic nulla prophetia; qvod Divinæ intentioni prorsus contrarium. Iterum optime B. Lutherus noster l. c. ad v. 42. 43. *Diß und alles ander/ muß man weiter durch die Rhetorica außstrecken; so kan man sehen/ welch ein Greuel der Pabst ist.* Ipsi Pontificii, qibus res qvævis sacra est, propter rei sacræ contactum, qibus quoqve pileus coccineus, pro eminentia Cardinalitia, & pallium pro Archi&Episcopali &c. dignitate, hunc vocis *apæden* sensum non rejiciant; imo existimamus Angelum adhibendo ejusmodi vocabulum, modum loquendi Pontificiorum exprimere voluisse; Idq; hic contigisse, qvod cum aliis, in voce **Μαύσιμ** *Maysim* notavit B.Gesnerus: singulari qvodam fato factum esse, qvod Theatrica actioni Missifica apud Romanenses, impositum sit nomen, ad vocem *Maysim* qvā proxime accedens,

§. XXIII. Assertio VII. Ea quae amiciuntur, ductu antecedentium in vaticinio illo, intelliguntur esse, tam res quam personae religiose amictæ, utrumque admittente vocabulo מִשְׁתָּחַת apædæn. De rebus amictis dici posse apædæn, dubitarem, nisi esset locus expressus, Esai XXX. 22, ubi apyddah quod in Exodo ad personas, hic ad res relatum legimus: Et contaminabis, (tanquam impura rejiciens,) oportunitum sculptilium argenti tui, וְמִשְׁתָּחַת apydath mæscheth zehaveca, oportunitum conflatis auri tui. Conjunguntur quidem Judic. XIIIX. 14. 17. 18. Pæsel (sculptile) Teraphim & Ephod; Verum, quoniam & illic mention fit Sacerdotis, qui v. 20. dicitur accepisse אֵתephod, & reliqua ad cultum spectantia; in illo loco ephod, pro amictu persona, non rei habendum, quod ulterius probatur ex Judic. XVII. 5. Satis firmum nobis erit nihil minus jus, ex loco Esajæ, de rebus amictis vocem cognatam explicandi. Videamus nunc quid in antecedentibus vaticinii de Antichristo, rem religiose amiciendam, denotet, ac quomodo illam hic esse intelligendā, ipso eventu doceamur. Verba prophetiæ ista sunt v. 38. Et Dœum, מִזְבֵּחַ Maysim (fortitudinum & munitionum,) super sedē sua (regia) venerabitur, וְDœum, quem non noverunt patres ejus, venerabitur auro, argento, ו lapide pretioso, ו in desiderabilibus. Hæc ex mente B. Lutheri & communi nostratiū sententia, ipse eventus interpretatur de missa Pontificiorum idololatrīca ו Antichristiana; prout ab ipsis in praxi, & decretis, canonibus & sessionibus Concilii Tridentini separatur a sacra Cœna. Rationes sententiæ Theologorum nostrorum, ita colligit B. Dorscheus, cap. II. μυσταῖς Missæ; Præcipue cultus Missaticus per nomen illud Maysim, intelligitur, quod docet, tum consonantia quedam ו collusio vocabulorum; tum radix vocis a confirmando descendens, robur enim Antichristianismi est Missa; tum quia loco βάσεως in basibus altarium, destructa vera basi sacerdotalis honoris, instituta; tum, quia singulari veneratione in divinum transfertur, ו virtutem ו existimationem; tum, quia sub colore, quo a Romanensibus cincta, nova est, ו sanctioris sincerioris que fidei Patribus ignota; tum, quia auro, argento ו aliis ejusmodi electitiis

lectitiis ornamentiis, pene est obducta; tum, qvia cultores suos multipli ornamenta gloria, constituit Dominos super multos, destinat terrae, loco pretii, possesores; tum, qvia clam colitur, &c. Hac quoque notavit D. D. Gejerus in h. l. Qui novum istud Numen **Μαύσιμ** Maysim, ad plura quidem extendit, quod sit idolum cerebri Antichristiani novum, patribus S. Scripturæ in solidum adherentibus, antehac penitus ignotum; -- Dum scil. divinitatis quodammodo participes redduntur sancti, cum suis reliquiis, panis item Eucharisticus, extra suum usum, & quæ sunt alia Papatus, quæ talis, fragmenta similia, quibus sua muniri vident aut credunt munita terrena: In ipsa vero formalitate ratione idoli Antichristiani describenda, parum vel nihil differt a B. Luthero, qui omnino legendus in præfatione citata: Darumb so ist der Gott Mausim nichz anders/ denn ein falscher Dünckel und Zuversicht des Papsts und der seinen / das die Messe und Kircken-Wesen oder Stifte / seyn ein solch großer Gottesdienst / solch groß Werck/ solch groß Opffer / desgleichen nicht ist noch sein könne: Auff diesen Dünckel lassen sie sich; Und trösten sich sein/als wehre es der rechte Gott selbst/ &c. Quomodo vero res illis in cultu isto sacra, nomine rei religiose amictæ veniat, vel unus actus asservationis satis superque ostendit. Describemus illum ex Rituali Romano Pauli V. pag. 64. edit. Antverp. Curare porro debet Parochus, ut perpetuo aliquot particulae consecratae, (hæ enim sunt extra usum Sacramentalem, objectum cultus Maysimici,) conserventur in pyxide ex solida decentique materia, eaque minima & suo opere bene clausa, albo velo cooperata, & quantum res feret, ornato in tabernaculo, clavé observato; Hoc autem tabernaculum conopœo decenter operatum, atq; ab omni alia re vacuum, in altari majori sit collocatum, -- Lampades coram eo plures vel saltem una, die noctuq; colluceat, &c. Prolixum foret, in reliquis quoque aetibus, v. g. circumgestationis, exaltationis, quibus cultum adorationis, dictæ rei sacrae conciliare student, amiciendi curam & superstitionem describere. Atque sic interprete eventu, & duce Angelo in prophetia, monstrata nobis est res religiose amictæ, ad quam plantata tentoria referantur. Vocem **TER** apud eam amictus

42 Personæ amictæ, sunt qui in Papatu ephodico habitu ornati.
amicus religiosi, tribui posse ac debere personis religiose amictis,
ex vocis אֲפָדָה ephod, & in alia forma אַפְּדָה apyddah, fre-
quentissimo usu jam supra exhibito, evidenter patet, nobisque
assentientes habemus, Judeos & Christianos linguae sanctæ ma-
gistros, vid. §. XXI. Prædixit divinus Vates de ministris Anti-
christiani cultus perspicue v. 39. Et operabitur in fortalitiis mu-
nitionum, cum Deo peregrino, & qui illum agnoverit, ejus glori-
am multiplicabit; & dominari faciet eos in multis, & terram divi-
det in pretio. Esse in fortalitiis munitionum Papalibus, immen-
sum numerum ministrorum religiosorum: Esse illos multo ac
plus quam Christiana admittit doctrina, conspicuos honore: res
est omnium oculis exposita, & adeo manifesta, ut de eo jam ipsi,
cum Christianos se appellari cogitarent, per plurima secula con-
questi sint. Sed & hoc notissimum est, receptæ superstitionis ad-
ministros, ut ad sublimem istum venerationis gradum evehantur,
peculiari amictus genere præ aliis ornari, in quo mirum, quan-
tum ponunt prærogativarum, eminentię, imo sanctitatis; vid.
Cæremoniale Episcoporum, iustu Clement. IIX. editum. Du-
cimur nunc indice Angelo, & significatione vocis אַפְּדָה apæ-
den, ad videndum quānam personæ amictæ, in Papatu hic desi-
gnentur? אַפְּדָה Ephod, ait Vatablus ad Exod XXIX. 4. LXX.
ἐπωμίδα vertunt, quod significat superhumeralē; Hebreis autem e-
phod est cinctorium, sive pallium, אַפְּדָה aphad enim cingere
aut constringere significat. Vestis erat extima brevissima, quæ
manicis carebat, & quodammodo arctabat & constringebat laxita-
tem interiorum vestium. In hac descriptione omnes fere Judæi
& Christiani conveniunt. Convenit & illa forma cum habitu
Pontificis & Cardinalium extimo. Dicit Pagninus in Thesau-
ro ad hanc vocem: Ego puto, scapulari Monachorum nostrorum,
quod appellant, potius simile fuisse, quam peplo: Sunt & Monachi
inter ministrantes cultui Maysimico. Quia vero אַפְּדָה e-
phod in significatione propriissima, ad primi ordinis sacerdotes il-
lorumque habitum spectavit, & antea vidimus, in illa quoque ac-
cipiendum vocabulum, cum de cultus idololatrici habitu, sermo-
nit: Promtius omnino erit dicere; Angelum voce אַפְּדָה-
peden

pedēn, peculiariter tributa Antichristo, per pronomen possessivum **אַפָּדָן** apadno, apadēn sui indigitasse eminentiores in Ecclesia Romana, habitu religioso amictos, Pontificem ac Cardinales, de qvorum superhumeralibus & palliis coccineis, sive purpureis, multa in libris de *Curia Romana*, Italice editis: Et ut primi ordinis amictos, in hoc vaticinio cogitemus indicatos, svadet versus 39. jam allatus, & phrasis in nostro, *plantare tentoria*, quæ ut a rege plantata, non vulgari usui destinantur. Non dicimus primam ordinationem de tali habitu hic prædicti, nam præcedunt multa in prophetia de cultu Maysimico, in quo sine dubio adhibitus *amictus religiosus ministrantium*; & in dicto nostro vaticinatur Propheta, *dé plantatione tentiorum illis amictis*, vel *illo-rum amictorum*. Observatione autem dignum est, qvod non diu ante Jubilæum a Bonifacio institutum, *Cardinales* cum Pontifice, peculiari illo habitu, facti sint conspicui: A. C. 1243. (vel secundum calculum Onuphrii Panvini in annot. ad vitam Innocentii IV. a Platina conscriptam, A. C. 1254. Sed ex Chronico patet esse A.C. 1244;) In concilio Lugdunensi, Innocentius IV. constituit, ut *Cardinales rubris galeris & palliis uterentur, & equis phalera-tis per urbem veherentur, scilicet honestandi ordinis cauffa: Deo sic disponente, ut meretrix Babylonica in coccinea ueste melius agnoscetur*, Apoc. XVII. 4. Luc. Osiand. Epit. Hist. Eccles. Cent. XIII. lib. IX. c. 5. Nec frustra erit hisce observatis, in nostrum usum accommodare illa, qvæ doctissimus Fullerus, Miscell. lib. V. c. 18. de *tunica Romana coccinea*, instituto licet a nostro diverso, annotavit. Dicere possumus, vocabulum **תְּבָשֵׂר** apadēn, tunica notionem continens, consultò adhibitum, ut esset monumentum multo illustrissimum, aliquot ante seculis, ad definite distincte que designandam Ecclesiam, cuius tentoria, *nobilissima tunica coccinea Papalis & Cardinalis indicio*, de vernaculo & consveto ejusdem Ecclesiæ more, longe lateque conspicua existent. Qyod Fullerus de tunica imperatoria conjectat, Assertio I. & hæc VII. per eventum confirmata, ostendunt de tunica si-*ve ephodico, h. e. extimo habitu Papali ac Cardinalitio*, intelligendum. Et qvis dubitet ita intelligendum esse, cum manifestam

habeamus applicationem, Apoc. XIX. 16.? *Ue, Ue, civitas illa magna, amicta byso, & purpura & coccino.* Vulgata Pontificis authentica, & optimi illorum interpretes, voce prophetica *amicta, Græcam στέβεται ημένην* reddunt. *Civitas magna, pro primariis in urbe magna Roma;* Non enim vulgaris habitus describitur. Huc pertinet, qvod jam ante in describenda forma exordiendi Jubilæi, observatum est, *Basilicas circa quas Jubilæa solennitas, nonnisi a Papa vel Cardinalibus aperiri.* Objiciat aliquis, per singularem Papæ clementiam & dispensationem, etiam ad alia loca Jubilæas peregrinationes aliquando institutas; Dicimus hoc fieri præter vim primæ institutionis Bonifacii IX. vel mutationis a Clemente VI. Paulo II. & Sixto IV. factæ, qvorum omnium Bullæ, *ad Romanas Basilicas Jubileam prerogativam restringunt, illisque ordinariè adhuc servatur.* Et ubi aliter evenit, expresse ponitur discrimen, qvod fiat illa solennitas *ad instar Jubilæi.* Et si aliquva vis allatæ objectionis, per illam saltem cogimur comprehendere voce *apædæn*, etiam *pallium Romanum*, ArchiEpiscoporum & paucorum aliorum insignie; qvod haud inviti facimus. Sunt namque & illi inter dignissimos, & *pallium illud* in non paucis habet formam *ephodiam*, estqve ejus præcipuus usus in sacrificiis & *Missis*, vid. Onuphrius de sacrarum vestium genere p. 72. & Sleidan. Commentar. lib. IV. pag. 88. & lib. XIII. p. 377. Certe, ut in dicto nostro conjunguntur, *plantare tentoria amictorum Antichristi religiosorum*, ejusq; exitium; & cap. seqventi monstrabitur, quomodo per *indulgentiarum impietatem commota Divina patientia*, per B. Lutherum volebat exitium Antichristi inchoari, ita omnino meretur observari, qva ratione etiam *pallium Archiepiscopale Romanum*, inter *amicetus religiosos* hic indicatos habeatur. Prolixa extat Epistola B. Lutheri, qva respondet Henrico Brunsvicensium Duci, a Sleidano Latine redita, lib. XIII. ad annum 1541. In illa, Beatus vir multis de impudentia Tecelii, ab Alberto Archiepiscopo Moguntino impunita, eo consilio ut opera Tecelii indulgentiarum lucrum magnum haberet, cuius partem mitteret *Basilicæ S. Petri Romanam, partem pro pallio Archiepiscopali daret*, qvod dicebatur

constare triginta fere millibus aureoruni. Hæc cauſſa erat, cur nihil Albertus responderet, ad querimonias Lutheri primas de Teceilio; Sic publice B. Lutherus indulgentias Tecelianas cogitur aggredi, ac per Dei omnipotentis gratiam, subsecuta est felix Evangelii prædicatio: sed ab initio varii motus, de quorum omnium origine volebat in allegata epistola agere, & ad finem hæc subjunxit. *Hæc est origo prima cauſſaque motus, quem non Fridericus (Saxoniae) princeps, verum Moguntinus per suum emissarium & peculatorum Tecelium concitatavit: --- sic adeo litis cauſſam præbuit filum lineum, unde pallium constat; & illud quidem nunc ita est condensatum, ac tale robur assumſit, ut ab eo periculum sit Pontifici, ne stranguletur.* Est præterea pallium istud, res admodum sacra apud Pontificios: In Cæremoniali Episcoporum ius-
ſu Clementis II. reformatum, pag. 91. edit Paris. 1633. Current
igitur Archiepiscopi, ut pallium, in quo tanta est antiquitatis ve-
neratio & auctoritas, digne & honorifice aſſervetur, puta, ſerico ob-
volutum, ac in capsula intus & extra pulchre ornata, vel ſerico ob-
ducta inclusum, tanquam venerabile ipsius Archiepiscopi inſigne,
mysticis ſenſibus plenum. Sic pallium non modo res amiciens,
ſed & amicta, apud Romanenses. Ex quibus omnibus, cuivis
obvium erit cognoscendi, quas res, quasque personas vocabulum
¶¶¶¶ apædæn designet. Nec eft quod duplē ſic inferri
ſenſum literalem metuamus, ſi vaticinum de rebus & personis
amicis, interpretari velimus; a Pontificiorum hypothefib⁹
nillic ſic infringitur ſententia noſtra, qui ſenſum non unum ad-
mittunt directum: ſed & illos, qui rectiſſime aliter ſentiunt,
ſperamus non improbaturos Assertionem noſtram; manet nam-
que per illam ſenſus unus: conueniunt res & personæ amictæ in
plantatione tentorium, illorum gratia facta, & adhuc magis in
una amictus notione. Sic in alia re Antichristiana Apoc. XVII. 4.
in uno poculo, quoad dolosum propinationis modum, meretrici-
bus familiarem, & quoad infelicem ebrietatis effectum, conve-
niunt & credenda impura, & actiones ſuperflitioſæ.

§. XXIV. Assertione IX. Per tentoria religioſe amictorum
Antichristi, intelliguntur Basilicæ, circa Curiam Romanam. De vo-

ce אַפְּדָנוֹ apadno jam satis egimus ; Imposita nobis fuit in illius significatione evolvēda, necessitas aliquā prolixitatis, ex interpretum de illa discrepancy , & propter multiplicem veræ interpretationis usum, ad probandam sententiam nostram de Jubileō. Facilius itaq; nunc dispicere possumus, qvid sint tentoria, ac demum, qvid integrā phrasis: *Et plantabit tentoria apadno.* Jam supra negavimus, castra militaria hic intelligi posse ; & nunc, cognito vero vocis אַפְּדָן apadn, intellectu, minus id admittendum: arctissime quippe construuntur tentoria, & vocabulum istud amictū religiosa Antichristi, designans. Heideggerus in anatome Concil. Trid. pag. 1269. Hebræis אַחֲרֵי Obole vel Obalim, non tam militum sub dio degentium tūguria , quam togatorum domicilia & Musarum castra notant. Optime ubique fere valet qvod sic de castris negat, at qvod affirmat de togatorum domiciliis, non sic nude procedit, in primis in loco nostro, ubi per vocum constructionem, & posterioris, vid. 78 apadn significatu, evicimus, plus quam domicilium hic cogitandum esse. Ipsi eventu docemur Romæ in quibuslibet domibus cultum Missaticum non peragi , sed in splendidissimis templis ; qvod & inde fortius proba ur, cum ex seqventibus constabit, solennitatem jubilæa ad illa restrictam , per plantare tentoria intelligi ; Nec illæ eminentioris ordinis amictū personæ , ex Assertione VII. in vulgaribus ædibus, vel minoribus templis magnificentiam suam in cultu sacro ostendere velint. Directe vero firmatur assertio nostra exinde, qvod dicit Propheta : *Et plantabit tentoria amictorum suorum super montem decoris sanctum* ; qvarè Roma propter antiquæ Ecclesiæ dignitatem ita appelletur, vid. Assert. II. At qui in Basilicis istis Romanis, divis hominibus sacratis magis quam Deo, ipsi Romanenses ponunt sedis suæ gloriam maximam ; ac propter illas, Romæ, præ omnibus aliis civitatibus in orbe, venerationem adscribunt. Neque Romæ aliud monstrari queat, qvod vim phraseos propheticæ, plantare tentoria regia amictorum suorum, &c. impleat , præter ordinationem illam magnificam Papalem circa Basilicas. Præced. §. vidimus ex epistola B. Lutheri, exitium Antichristi, plantationi tentoriorum in textu nostro

stro adjunctum, cœpisse, cum *Basilicam Divi Petri Romæ* indulgentiarum lucro sine exemplo, impio, exornare vellet Pontifex. Non semel antea observavimus Romanos, sine proposito suo, ut implerent prophetias, recepisse nomina rerum, ac alia, quæ ducunt nos ad vaticiniorum feliciorem interpretationem. Ita quoque in hoc valde sententiam nostram juvarunt, appellando templo sua majora *Basilicas*, quo constaret certius, quænam essent tentoria a *REGE* plantata super montem, &c. Isidorus in originibus: *Divina templo Basilicæ appellantur, quia ibi Regi omnium Deo, cultus & sacrificia offeruntur.* Verum rectius ex Ausonio, alicubi docet Gerh. Joh. Vossius, hoc nomine primum appellata *templa*, quod *Basilicis dirutis*, earum spatum occuparent; & integræ etiam in Ecclesiæ converterentur. Ipse Onuphrius Panvinus interpret. vocum obscur. Eccles. pag. 66. Dicebantur etiam Dominica, sive *Basilicæ*, sive *templa*, *Judaico & Gentili more*, quod ad templorum & *Basilicarum Gentilium similitudinem edificata essent.* Respiciendum quoq; nobis est ad v. 39. Prophetiæ Angelicæ de Antichristo: *Et operabitur (lemivzere,) in fortalitiis munitionum, cum Deo peregrino.* ita reddit D. D. Gerjerus, & addit: *hoc est in templis, contra vim aliam adversam insigniter munitis, multisque privilegiis ornatis.* Non proprie fortalitia sunt, sed quatenus in illis sic bene munitis, se quoque munitam putat Ecclesia Romana. & tentoria amictorum religiosorum vocantur, quatenus in illis cultus Mausimicus, *amictu rerum & personarum, magnifico & regio splendet.* Rem totam planam facit B. Lutherus in præfat. Dan. c. XI. Propter cultum idololatricum, *Ecclesia Samaritana nomine tentorii sui Ohola*, a Deo appellata; Et jam deficiens in multis Hierosolymitana, *tentorij vocabulo*, tamen a Deo denominata, propter primam institutionem. Ezech. XXIII. Sed & id, quod habent tentoria expansa ratione formæ, haud parum habet convenientiæ cum *Basilicis, in altos fornices fastigiatis calatisq.* Et illis & his, in eo saltem similes arbores, quod *basi innixæ in altum surgunt, & per undique prominentes ramos, ope rimentum adstantibus præbent: ab arboribus tamen translatum ad tentoria, plantandi verbū propter*

pter illam similitudinem, cur non tentorii nomen ad *templa* per eandem transferatur? Illa v. *templa*, in monte olim sancto designata, *Basilicas Romanas* distincte nobis indicant.

§. XXV. Assertio IX. *Plantatio tentiorum*, in dicto quod tractamus, non est prima *Basilicarum extreūio*. Patet id ex antecedentibus locum nostrum. *Ante plantationem*, v. 45. multa prædicuntur Antichristi gesta, at ante illa rursus de munitis **טְמִזֵּן** *Maysim*, quæ sunt *tentoria* **אַפְלָתָן** religiose amictorum. Erat quoque primus *Basilicarum usus*, vel tempore Gentilium, & sic diu anteqvam Roma sedes Papalis facta; vel tempore primi ac purioris Christianismi, anteqvam characteres Antichristianos indueret Romana Curia, & sic innocens *Basilicarum*, vel potius templorum usus, Deoqve gratus, qvemadmodum hodie apud nos, *templa* in usu vere Christiano sunt, a superstitione Romanensium repurgata. Neqve verbo *plantandi* cogimur, primam hic admittere *extreūionem*, vel primum usum templorum; cum & *plantare* in propria significatione de vineis hortisque adhibitum, primam herbarum vel arborum seminationem non notet. In lingua Latina *planta* olim dicta, non quævis *stirps*, sed ea *fruticum genera*, quæ pangerentur, obserante Julio Scalig. ad lib. I. Theophrast. de plantis. Qvod pariter de verbo *plantare* tenendum. In lingua Hebræa manifestum est discriumen inter *plantare* & *seminare*, Esaj. XVII. 10. *Propterea plantabis plantationes pulchras*, & *germen alieni seminabis*. Hanc vim esse vocis **עֲנָתָה** nata, *plantare* patet ex inductione exemplorum, ubi de vitibus arboribusq; aliis, simili modo propagabilibus, usurpatur. Ac etiam si de diverso fruticum genere aliquando usurparetur, non tamen tenemur propriam relinqvere, quando illa huc magis quadrat; ipsa certe *tentoria* prius confecta else oportet, qvam figi possunt, qvod *plantandi* notioni respondet. Stat pro nobis, freqvens verbi translatio ad *homines*, vix unqvam de illorum creatione vel prima productione adhibitum, sed ad explicandum *singularem curam Dei pro eorum felicitate*. Sic Psal. XXC. 9. respiciens Exod. XV. 17. Homines fideles ac felices non nascuntur: ideoqve post accedat illa gratia,

gratia, pér qvam plantati dicendi, Esa. LX. 21. *Et populus tuus, omnes illi justi in seculum, hereditate accipient terram, virgultum plantationis meæ, opus manuum mearum ut glorificer*, adde c. LXI. 3. Jerem. XI. 17. Apprime phrasin *plantare tentoria*, illustrat Esaï. LI. 16. *Et posui verba mea in ore tuo, & in umbra manus mee protexi te, ad plantandum cœlos, & fundandum terram, & ad dicendum ad Zion, populus meus tu*. Locum hunc de ministerio Evangelii in Novo Test. pii & orthodoxi Theologi exponunt, Illo enim Filius Dei cœlos, hoc est, cœlestes cives plantat: & per illud quoque terram fundat, vel propter Ecclesiam, terram conservando, qvod Vinariensibus placet; vel regna terrena propter eandem, hoc ministerio constituendo, ordinando ac etiam transferendo, qvæ Brentii est expositio. Nostri instituti est obserbare, qvod quemadmodum Christus, colligendo Ecclesiam suam dicitur *plantare cœlos*, ita Antichristus suum augendo cultum, *plantare tentoria apadno*. Est & alter nobis nunc usus ex loco isto Esaïæ, qvod verba *fundare & plantare*, ita de terra cœlisq; prolatæ, aliam nobis suppeditant comparationem inter cœlos & tentoria; fundari de terra elegantissime dictum, Psal. XXIV. 2. & CV. 5. cœli cum tentoriis comparati, Esaï. XL. 22. Sedens super globum terræ, & habitatores ejus ut locustæ, extendens velut tenue cœlos, & expandit eos sicut tentorium ad habitandum. Ex hoc loco aliisq; max. Rev. D. D. Calov. Bibl. Illustr. p. 225. colligit, cœlum antea velut convolutum in massa primigenia latuisse; tunc a verbo illo omnipotenti; *FAT & EXPANSUM*, id evolutum & expansum fuisse. Adfert in hanc sententiam B. Justini, & B. Lutheri verba, hujus ita habent: *Istam rudem massam nebulae primo die ex nihilo creatae, apprehendit Deus per verbum, & jubet ut extendatur in modum Sphærarum, - Sicut castrum (nos hac vice tentorium appellamus,) complicatum, explicatur & figuratur in agro, ita tu Domine (Psal. CIV. 2.) expandis & quasi evolvis verbo tuo rude cœlum*.

S. XXVI. Assertio X. Sed plantatione tentoriorum **נְבָרֵךְ** apadno, designatur renovata destinatio, & solennis apertio Basiliacarum Romaparum, qua illis confertur vis singularis, ut recipiantur

50 Apertio & consecratio Basilic. jubilea, est h.l. plantatio.
tur cum beneficio, adventantes, in illis fructum cultus quæsturi.
Negata prima extirpatione, hoc de Basilicis dicendum: Renova-
tam destinationem infert vox plantare, quæ ut in communi usu
refertur ad arbores ac vites, ita illæ plantari dicuntur, quia ante-
tea suam essentiam quoquo modo habent, & per illam actionem,
novam patiuntur ordinationem, qua destinantur ad majo-
rem usum. Sic & tentoria, quæ ante convoluta, paxillorum fixi-
one expanduntur, ut fiant hominum receptacula; Sunt vero tento-
ria illæ regia amictorum Antichristi, Basilicæ lapideæ & prægran-
des, adeo ut optime de iis interpres Syrus: (venekush maschneho,) Et indurabit tabernaculum suum, proinde videndum, qvid in illis
respondeat plantationi; Quemadmodum tentorium convolu-
tum, quasi clausum manet, nec homines ambit, sed expanditur,
ut plurimos capiat: ita & Basilicæ Romanæ, quæ, quia denuo a-
periuntur, antea quasi clausæ habentur, per illam solennem a-
perturem, tanquam recenter plantata tentoria, omnibus pan-
duntur. Non datur ulterior in propheticis progressus, quam
postquam aliunde constat, de qua re lata sit prophetia, in verbis
hanc querere ex eventu in re ipsa convenientiam. Est aperire
solenne vocabulum in argumento quod tractamus, ex magni-
fici portarum sanctorum, Romanas Basilicas ante claudentium, a-
perture, de qua §. IV. De thesauro qui tunc aperitur, habemus
expressa verba in Bulla Clement. VI. ap. Bzovium §. 4. ad an-
num 1342. Inconsumptibilem thesaurum hujusmodi, pro excitan-
da & renovanda devotione fidelium, voluit APERIRE Bonifacius IX.
Et paulo infra in eadem Bulla dicit Clemens, populum Roma-
num supplicantem ad se venisse ac dixisse: Domine APERI eis the-
saurum tuum; fontem aquæ vivæ. Qibus verbis deduciniur ad
aliam rationem comparationis, inter institutum Jubileum & plan-
tationem tentiorum; plantatoris intentio est, plantando no-
vum vigorem plantis, vitibus, &c. conferendi; pariter Clemens
primarius institutor Jubilæi commodi, dicit thesaurum & fontem
aquæ vive aperiri, quæ vis indulgentiaria, per Basilicas rite vi-
sitatas, adventantibus communicatur. Vulgaris quoque est lo-
quendi formula, plantare urbes, societas, manuaria opicia, &c.
quæ.

quæ locutio, plantandi notionem habet, per singularem destinationem ad usum ex illis proventurum, & per collatam privilegiorum, aliorumque bonorum vim, qua crescant. De Ecclesia elegans canticum parabolicum hujus generis, ab Esaia prolatum cap. V. Recipiunt vero tentoria illa plantata, cum beneficio adventantes; Hoc vult solennis & sacra portæ apertio, hoc vis thesauri aperti; hoc tentoria, quatenus a rege plantata, promittunt: pluralitas tentiorum, non unitus plantatio, importat invitationem receptionemque pluriū; sed & beneficium ex cultu provenire debere, in genere ostendit locus, cum & hodie montem sanctum, sedem sanctam se jactat Roma, qvod olim fuit, ac propter id sic ab Angelo describitur: speciatim vero iunxit, vocabulum ΠΕΡΙ apædæn, propter cultus Antichristiani res & personas religiose amictas in Basilicis Romanis, conjunctum cum tentoriis regis, in qibus fructus sperant, & pompam illam amictorum vident diligentes Romipetæ; ut a qibusdam vocantur. Id forte ex superioribus amplius probandum, quod per plantare tentoria, magnifica actio vel institutum splendidum circa illa, exprimatur. Jam ante dictum vocem ΠΕΡΙ nata, plantare, in sacra lingua singularem curam & ordinatatem indicare; conf. Jer. II. 21. XI. 17. &c. Egregii doctores scriptoresve, comparantur clavis plantatis, Ecclesiast. XII. n. Verba sapientum sunt tanquam stimuli; & tanquam clavi (tentiorum) plantati, auctores collectionum: Si hoc de clavis plantatis, quanto magis res magnifica censenda, qvæ plantatione tentiorum prænunciatur? Multa feliciter post Josephum Medium, recentior Apocalypses elucidator, qui se Peganum nominat, assumpsit ex modo interpretandi visiones & imagines Orientalibus familiari; Qvod si hoc in Apocalypsi usum habet, habebit majorem in Daniele, qui non solum visionum ac divinorum insomniorum interpres ac consignator, sed qvilingyis orientalibus scripsit, & ex divina adgubernatione illa adhibuit, qvæ ex scientiis ac linguis orientalium, in ipso eventu intelligerentur. Magnam fecit ejusmodi interpretationum collectionem, ex antiquissimis & sapientissimis Ægyptiorum, Persarum atqve Indorum, Achmet

Ebn Seirim Arabs, ex cuius cap. CLI. huc non nihil pertinet, qvod seqvitur: *Quando Rex, per insomnium videtur sibi plantare arbores, id significat illum novas potestates instituturum: Quando quis videtur sibi irrigare arbores, vel curare easdem, significat illum virum fore insignem & populi benefactorem.* Ex his orientales, si *institutum* respexerint Bonifacii, & verba Clementis VI. noverintqve præterea, de *Pontificibus ac Basilicis Romanis* sermonem esse, levi facta mutatione, in favorem Assertionis nostræ interpretabuntur phrasin, *plantare tentoria amictus sui.* Verum his omnibus antiquior locus, Num. XXIV. 6. magis meretur nostram attentionem, tum qvia id fere omne continet, qvod in *plantationis* comparatione cum *ordinatione* tentiorum, qværimus, tum qvia unicus est, qui, qvoad phrasin, cum nostro convenit, neqye hoc tamen ab omnibus conceditur. Sic ait Bileam: *Quam pulchra sunt tentoria tua Jacob, tabernacula tua Israël, sicut torrentes extensa sunt, sicut horti juxta flumen,* **כָּהֲלִים נְתַעֲנָה** caabalim nata Jehovah, *sicut tentoria quæ plantavit Dominus, sicut cedri juxta aquas.* Certe omnia magnifice de filiis Israël prædicare voluit Bileam; mentio fit horti, arborum, fluminis, sed qvod in primis notandum, *tentoria plantata dicit a Domino*, qvod elegantissimum situm tabernaculorum ordinemque, nec non protectionem diuinam exprimit: Cui curæ ordinanti & protegenti, respondet in textu nostro, *destinatio tentiorum solennis*, quæ tentoria ab amictis Antichristi religiosis jam ante denominata. Nec vitio nobis vertatur, sic, propter phraseos vim & identitatem, conferre loca, qvæ de diversissimis plantatoribus agunt. Deus ipse *plantandi* verbum adhibet in interdicto de non *plantandis lucis*, idolatriæ officinis, Deut. XVI. 21. Bileamicam locutionem cum Prophetæ nostræ, ita componere vetant interpretum plurimi, qvorum alii *santalos*, alii *arbores aloës*, hic plantari volunt, & non tentoria. Prius Kimchius, qui idem lingva Arabica tueretur, qvem seqvuntur R. Nathan & Buxtorfius, versio item Italica Diodati, nec dubitant alii sic melius reddi; Verum erudite ostendit ex Avicenna D. D. Castellus, Arabibus *Alsandalon* arbo-rem

rem esse , cui in Hebræo respondet Almyggim i. Reg. X. ii.
Algymmim 2. Par. II. 8. Hodieqve apud Judos illis inservire u-
 sibus, de qvibus in sacra historia agitur. *Posteriorius, sicut arbores*
aloës, Anglus, Belga, Gallus, Vatablus, quos prævit Aben Esra, qvi
ex Chaldeo putat אַהֲלָם abalim, conferendū cum אַהֲלָת abaloth ; Psal. XLV. 9. Cantic. IV. 14. Sed Chaldæum *bysemaja,*
 Num. XXIV. 6. omnino reqvirit arborem svavem & odoriferam,
 verum, qvid hoc ad aloën? Imo miratur doctissimus Castellus
 consensum tot Interpretum , qvi in allegatis sanctissimi amo-
 ris canticis, tam constanter abalotb, per aloën reddunt , cum illa
 nihil svavitatis, multum autem amaritudinis habeat, ipse ex
 lingva Arabica, Chaldaica, Syriaca & Thalmudistis evincit aba-
 lotb, crocum notare, qui adhuc Jndis Aloth, & sic LXX. & Aethi-
 opica versio Cant. IV. 14. Nostra vero ex Pagnino & AriaMont-
 tano interpreatio : *Sicut abalim, tentoria, quæ plantavit Do-*
minus, consentientes habet Codicem Samaritanum, LXX. Vul-
gatum, Syrum, Arabem, B. Hieronymum, B. Lutherum, Sveti-
cam, Fennicam, Danicam, &c. Eleganti paraphrasi illam declarant
 Vinarienses & Osiander, Pagninus ex excellenti Judæorum Do-
 ctore R. Saadia defendit , nec alia mens R. Salom. Jarchi , qvi
 expresse Bileaini phrasin confert cum Dan. XI. 45. Et tanquam
 optimam, primo loco ponit R. Salom. ben Melech in Michlal
 Jophi. Nec obstat diversa punctatio, primaria aliorum ratio,
 qvod hic non legitur cum Chatephchametz, qvod alias in plu-
 rali אַהֲלִים obalim, tentoria, sed cum Chatephpatach aba-
 lim; nam & illud Chatephchametz, non tam ordinarium est ac
 Chatephpatach loco τὸς Scheva , gut uralibus in plurali. nec
 in obalim ubique obtinet, aliquando enim cholem adhibetur:
 Prov. VII. 17. abalim, non Santuli sunt , neque arbores aloës, sed
 crocus, & ita LXX. & Arabs: Verum nec crocus, Num. XXIV. 6.
 locum habet. Ergo manet, qvod diximus, illam phrasin cum
 nostra coincidere.

§. XXVII. Assertio XI. Solennis illa destinatio Basilicarum,
 secundum ordinem prædictionis Angelicæ, v. 40.-45. cœpit post ex-
 ortum bellum Antichristi cum Rege Austri; h.e. Saracenica potesta-

te. Hactenus vaticinii verba explicuimus ac vindicavimus ab incommoda interpretatione. Ostendemus nunc, & antecedentia & consequentia plantationis nos cogere, ut illi ea assignemus tempora, in quæ refertur institutio Jubilæi. Validum hoc pro nobis argumentum, quandoquidem non licet ea, quæ certo ordine in una visione coherent, alio modo invertere, verum tandem est singulis *initium impletionis* suæ, prout se mutuo in prædictionibus consequuntur. Diximus *initium impletionis*; Non enim omnes unius rei prædictæ eventus expectabimus, priusquam ad alterum fiat transitus. Nihil enim hoc modo in prophetiis expeditum redditur. In Apocalypsi exponenda, *Medus* per mutuam visionum combinationem & consecutionem, plus lucratus est, quam omnes fere ante illum. Secus qui agit, ordinatam obscuritatem introducit. Sit nobis in prophetia nostra exemplum: Oportet ex coharentia textus, Antichristum ante bellum cum Rege Aultri, cultum Mausimicum jam habuisse, quamvis post illud bellum, adhuc magis magisque augeat impietatem & superstitionem in illo cultu cœptam. *Rex Austri* est *Caliphæ sive Rex Saracenorum*, ejusque successores, quibus annumerandi Imperatores Turcici, qui per Asiam & Africam imperium suum extenderentes, conatus Antichristi Romani, primatum in Oriente affectantis, represserunt; ita D. D. Gerh. Gravius in Tab. Apoc. quam sententiam quoque D. D. Calovius adfert in h. l. licet ipse aliam fovet, concludit tamen; de cetero elegans & satis commoda, nostro judicio, est illa de Turca, Antichristo orientali, *interpretatio*. Singulari opera illam adstruit D. D. Gejerus, allegans in eandem Wigandum, Alstedium, & Jacchiam, additque: *mutato solum plagarum nomine, unus hoc loco vocabitur Meridionalis, alter Septentrionalis, re tamen utrobivis manente eadem*. Qvod si illa plagarum commutatio, non placet sine exemplo, damus Matth. XII. 42. Luc. XI. 31. ubi Regina Saba a Christo vocatur *Regina Austri*, non qvod Saba meridionalis prorsus sit Judææ, magis enim versus orientem vergit, sed quia ad mare sita: Hebrais ad mare, ad austrum quoque sonat, & sic Arabibus *Aljeman*, vid. Bochart. Phaleg. I. II. c. XXVI. Et *Rex Austri*

Austri per mare a Rege Aquilonis petitur, v. 42. Orientales v. Turce, & magis Saraceni, non solum ratione situs sed & nominis, *Sharkion* enim *orientalis* & *Sharkiun* *orientales*, inde *Saracenicum* nomen: quam originationem erudite tractat D. D. Pocockius spec. Arab. pag. 34. seqq. & illam rejicit quam Bochartus l. c. lib. IV. c. 2. amplectitur. Optime quoad tempus pugna cum Rege Austri coincidit cum bello, quod sacrum vocant, contra Saracenos. vers. 40. Et in tempore finis cornupetet se cum eo Rex Austri. Receptissima est in Ecclesia Christiana sententia, hunc jam currentem millenarium, finem mundi continere: in tempore itaque finis, hoc est, *absoluto primo a Christo millenario*, initium habebit pugna duorum istorum Regum. Id ita factum. Seculo XI. auspiciis ac consiliis Papæ Urbani II. (A. C. 1084.) *saci belli primordia*. A. C. 1096. tam nobilis expeditio contra Saracenos, qualis vix unquam alia in Europa. Sub Duce Godofredo Bullioneo sexcenta millia peditum, eqvitum centena milia in orientem missi. A. 1099. ab illo capta Hierosolyma, sed rursum A. 1187. perdita. Nostri instituti jam non est belli subsequentia, prout vel in vaticinio praedicta, vel in eventu conspicua sunt, perseqvi; satis est nobis ostendisse belli initium v. 40. ante illa tempora colloquendum, in quibus v. 45. *plantatio tentiorum* ab Antichristo facta. Et quia tempus nunc respicimus unicé, nobis non oberit, si quis Regem Austri de melioris note Principibus intelligat, nam & ante rumores v. 44. & ante plantata tentoria v. 45. multi boni principes Papali auctoritati contradixerunt.

§. XXIX. Aſſertio XII. Solennis illa Baſilicarum definitio, facta est post exortos rumores Antichristum perterrentes, tempore Waldensium; & postquam exiverit ad perdendum pios confessores v. 44. Conjunguntur haec duo, quia in uno commate propheticō connexa. Ex ordine narrationis angelicæ haec quoque Aſſertio firma, saltem de tempore & ministris ſacrorum rumorum diſpiciendum. Et rumores terrebunt eum ab oriente & aquilone, v. 44. Per illos, noſtrates intelligunt ſonum Evangelii Christi, patui oppofitum, probantque ex 2. Thess. II. 8. in primis vero huic facit

facit nexus secundæ partis cap. XIV. Apocalypſ. *Evangelium iſtis temporibus renovatum, comparatur rumoribus ab oriente, ratione causæ principalis, qvia cœlitus a Deo, & Christo qvi est oriens ex alto, Luc. I. 78.* Ab aquiloni, qvia ab Europæ parte, *Italæ aquilonari, cauſæ ministeriales Papam perterrentes.* De Ecclesia Græca & qvibusvis testibus veritatis, ante bellum commemoratum, non adeo bene intelliguntur illi rumores propter nēxum propheticum. Nec multum illis territus Pontifex. Verum illos eum terruisse rumores recte existimamus, *qui ultimum Papæ & Ecclesiæ Romane exitium, cum præcedentibus malis minati sunt ex verbo Dei:* dum, qui eos proferebant, per certissimos characteres in eventu & re ipsa monstratos, cumqve vaticiniis collatos, ostendebant, *Romam esse Babylonem in Apocalypſi descriptam, Ecclesiam Romanam esse meretricem spiritualem,* &c. At hoc primum dixere *Waldenses* post bellum Saracenicum, qvantum certior Historicorum fides tradit. Illorum vox contra Papam cœpit A. C. 1160. cum maxime flagraret bellum in oriente, vid. Catalog. test. verit. Centuriatores, Osiander & ipsi Pontificii: Walemburchici, quanqvam summo studio conentur sinceram antiquitatem Ecclesiæ nostræ eripere, plurimos tamen articulos Waldensiū recēsent, ex scriptore coævo Reynerio, Tractatu de unit. Eccles. Lib. V. c. IIIX. §. 3. Fatentur hunc fuisse *primum ordine, Waldensem articulum: qvod, Romana Ecclesia, non sit Ecclesia Jesu Christi, sed sit Ecclesia malignantium, meretrix in Apocalypſi.* Nullum dubium est qvin multa Waldensis in reliqvis affluixerint Romanenses, conf. Catalog. Test. verit. pag. 1525. seq. ut redderentur similes piis Christianis sub imperatoribus Gentilibus, vid. Hottinger. Hilt. Eccles. ad sec. XII. pag. 294. Veriora de illis Historiarum monumenta produxerunt Illustris Morlandus, Anglus, & Dn. Leggerus ipse Waldensis. At sana Waldensiū dogmata, præpostere ad se trahere Calvinianos, demonstrant Catalog. Test. Verit. pag. 1528. & plenius egregia dissertatio *de Ecclesia Waldensi*, Argentorati præside B. Danhavero habita, ab Hamburgensi qvodam; consilia subministrante Viro Theologo rarissimæ eruditionis Historicæ. Itaq; *rumori-*
bus

bus illis sacris, v. 44. seculum post millenarium, secundum assigne-
mus. Alterum in commate eodem sequitur. Et exhibet cum furore
magno ad perdendum & internecioni devovendum multos. Ex hoc
loco cum Grasero, D.D. Gejerus asserit: abunde colligi sanguina-
riū tyranni bujus animū, qui indiscriminatim internecionem sitij
omnimodam, plurimorum adeo hominum, quoscumq; modò sibi ob-
sistere, aut regimini suo se subducere velle, ex (Schemyoth) ru-
moribus, supra memoratis cognovit; Id quod semper videre licuit
ex persecutionibus Waldensium, nec non ceterorum veritatis con-
fessorum, quos inquisitio Papalis delere semper studuit acerrime.
In Waldenses primus desævit furor Antichristi gravior, & qui
plures corripuit. Puduit Papistas illorum temporum, crude-
litas illius, & sic de ea parcus, quam de dogmatibus sibi ad-
versis. Utrumque vero ex fide dignissimis documentis ostend-
erunt alii ap. Hottinger. l. c. Catalogus testimoniū veritatis bene
lib. XV. in hunc modum colligit, pag. 1501. Amplissimum vero
numerum fuisse jam olim Waldensium, gravissimasq; contra eos
persecutiones institutas, facile ex predicta trium Archiepiscopo-
rum Gallicorum consultatione, ante 340. annos (h. e. sec. XII.)
scripta, appareat. Nam sub finem ejus ita scribunt: Quis enim
est solus ille peregrinus, qui condemnationem Waldensium heretico-
rum ignorat, a longis retro annis, tam justissime factam, tam
famosam, tam publicam &c. Ex quibus verbis facile appetat, --
magnam tetramque lanienam Antichristum cum suis exercuisse.
Refert. Osiand. Cent. XII. Lib. IV. cap. 13. quod muli in Flandria
combusti fuerint, quos Pontificii vocarunt hereticos; Adde
qua Morlandus & Leggerus, occasione crudelis in Waldenses
persecutionis Sabaudicæ, ante XX. circiter annos, recensent.
Et quis credat, in maxime barbaris illis seculis, ubi per summam
insolentiam quicquid audebant Pontifices, fuisse illos remissio-
res in trucidandis comburendisq; piis confessoribus; quam
fuerunt post redditam, nostro & patrum nostrorum ævo, Evange-
lii lūcem? Immanis crudelitatis exemplum refert Sleidanus
commentar. de statu relig. lib. XIII. & XVI. A. C. 1541. sub
Francisco I. Rege Francorum lata in judicio Aquensi sententia in

Waldenses, ut omnes promiscue opprimerentur, ut dirutis ædificiis, æquaretur vicus (Merindolum dictus) solo, resecarentur etiam arbores omnes, & locus redderetur desertus omnino. Post aliquot annos crudelissime hoc executioni datum, procurante ex auctoritate Papali, Tornonio Cardinali, per Minerium senatus Aquensis Præsidem: Qvam horrenda illa persecutio, legas ap. Sledanum ad annum 1545. unicum tantum adferam in propudium Bestie Romanæ, ex pag. 465. Post multam cædem & funesta incendia in oppido Waldensium Cabriera, ad unum fere omnes trucidantur, non viri tantum, sed & mulieres, pleræq; gravidae. Minerius etiam ad XL. circiter feminas, in horreum straminis atq; fæni plenum includit, post ignem subjicit & incendit: cumq; istæ vestibus exutis, conarentur flamمام nascentem restingvere, neque possent, ad majorem fenestram, qva fænum recondi solet in horreum, advolant, ut se se ejiciant; sed ibi repulsa telis & bastis, conflagrunt omnes: fuit hoc Aprilis die XX. Vid. Catalog. Test. verit. L. XV. pag. 1503. seqq. ubi multa de crudelitate Romanensium in Waldenses. Percurrat qvis annales aliquot retro seculorum, & millena inveniet tyrannidis Romanæ documenta, non in Gallia solum, sed in omni fere Europa, imo extra, in remotissimis orbis partibus, ubi terras volebant & divitias, homines sub specie religionis propagandæ, prius occidendi erant qvam crudelissime. Artis hujus magistri sunt Jesvitæ. Hoc omne egerunt Pontificii, ut in ultimo excidio digna sit Roma, inscriptione jam ante intimata: In ea sanguis prophetarum & sanctorum inventus est, & omnium mactatorum (Τῶν ἐσΦαγμένων) in terra, Apoc. XIX. 24. Et ut seculo XII. rumores sacri, terrentes Antichristum, initium suum habuerunt, & post, maxime tempore B. Lutheri, cum exitio Romano suum acceperunt incrementum; ita & furor Antichristianus, qvi sec. XIII. vehementer accensus, & per continuatam usq; ad nostra tempora tyrannidem auctus, in illis verbis propheticis v. 44. cum omni sua extensione intellegendus est.

§. XXIX. Assertio XIII. Facta denique est solennis ista Basilarum destinatio, antequam per prædicationem Evangelii illu-

ſtriorem, tempore Hufſi Martyris, & B. Lutheri, cœpit ire ad exitium suum Antichristus. In gratiam praesentis Jubilæi decimi tertii, in hunc numerum excreverunt Assertiones. Reqvirit vero hæc ultima pleniorē capite ſequenti tractationem. Ex verbo Dei certissimum eſt, *exitium Antichristi initium suum habere*, in singulari Evangelii Christi maniſtatione & prædicatione, oppoſita falſæ & mendaci doctrinæ Antichristianæ. Hoč vult cohærentia viſionum Apocalypticarum, in primis c.XIV. XVI. XIX. Verum expreſſiſſime, 2. Thess. II. 8. Καὶ τὸ ποναλυθήσεται ὁ ἄνομος, ὃν ὁ Κύριος ἀναλόσει τῷ πνεύματι τῷ σόματος αὐτῷ, καὶ κατέργησε τὴν φανεῖαν τῆς παροσίας αὐτοῦ. Et tunc revelabitur ille iniquus, quem Dominus consumet Spiritu oris ſui, & deſtruet illustratione adventus ſui. Plena Antichristi deſtructio, in adventu Christi glorioſo expectanda; Verum anteā per partes conſumetur ſicut ſenſim crevit; hæc eſt emphasis vocabuli ἀναλίονειν, alibi quoqve a Paulo oſtenſa, Gal. V. 15. indicat conſumptionem ſuccedaneam: Inde recte dicunt Belgæ & Galli in Scholiis ſuis ad h. l. ſignificare analogei, conſumptionem, que fit per partes & per gradus: Et ſic de rerum materialium ſucceſſiva conſumptione, a Græcis ſcriptoribus adhibitum. Aethiopicæ versionis ſenſus eſt, quem ejiciet *Spiritus Domini noſtri Iēſu*: Ejectus omnino Pontifex cum ſuis ē variis regniſ & civitatibus. *Spiritus oris Domini eſt verbum Christi*, omnem conſumens falſitatem, & robur Antichristi mi- nuens, Eſa. XI. 4. Hebr. IV. 12. Apoc. I. 16. & II. 16. & XIX. 15. 21. Sic & Igni conſumenti, comparatur testimonium fidelium Docto- rum contra Antichristum, Apoc. XI. 5. & de igne conſumente, ver- bum ἀναλίονειν Luc. IX. 54. Erant qvidem ante Huſſum & Lu- therum rumores ſacri; ſed illi terrebant magis quam conſume- bant. Illis perterritus, excogitavit novas ſuperſtitioſasque ratio- nes augendi auctoritatem & potestatem ſedis ſuæ, inter quas e- minet *plantatio tentoriorum amictus ſui*, hoc eſt, *inſtitutio Jubi- lai*, per illos ad fuorem, malitia ſua, conuersus, & ſic accerſivit exitium ſuum, quod ſeculo XV. & XVI. cœpit. Tunc enim vali- diſſima regna avulſa, in quibus ante ſedis Pontificiaſe robor. Tunc magis magisque denudata falſitas Ecclesiæ Romanae. Et ſic ad

exitium suum ire cœpit, post institutum Jubilæum. Prædicatio Evangelii a Joh. Husso facta, non tantum integrum fere regnum Bohemicum a Romanensibus alienum reddidit, sed & multas alias regiones; Ipsi Pontifici fatentur, nullam ante Husitas sectam Romæ adversam, tam late grassatam fuisse. Vid. Bzovius passim ad sec. XIV. & XV. Et in illis temporibus, ex mente B. Lutheri, *cœpisse ruinam Sedis Romane*, apparet ex præfat. in Danielem, licet ad aliam partem vaticinii Hussum refert. Gleichwol hat der Stoß (vom Joh. Hus) zwei unüberwindliche Wunden dem Papstthumb gegeben; Die erste / das die Päpste aus dem Himmel gestossen sind / und die Pfeissen einziehen müsten; nicht mehr solche Bullen und Gebot über die Engel aufzugehen lassen. Und Gott hat denselbigen übermachten Hochmuth / und Frevel darnach bald angefangen heimzusuchen. Die ander/ daß nach S. Johannes Hus/ das Papstthumb in große Verachtung kommen ist; und S. Joh. Hus Nahmen und Lehre/ mit keiner Macht haben können wehren/noch zu Grund dämpfen. In rem nostram observandum, qvod, cum tertius Julilæus A. C. 1400. Romæ celebraretur, incepit B. Joh. Hus prædicare. Qvod si quis Bohemica Ecclesiæ prædicationem, ad rumores sacros v. 44. referri velit, nec nostrum calculum sic turbabit; nos nunc urgemos, exitium curia Romanae inchoatum post institutionem solennitatis Jubilæe. Et, qvod non minus pro nobis, notandum est, Lutherum natum esse, octo annis exactis post introductam periodum Jubilæam XXV. annorum, quam immobilem nunc servant: & bis octo exactis post secundum in illa sub Alexandro VI. Jubilæum, impietati indulgentiaræ sese opposuit, quæ per Jubilæi celebrationem, jam ad summos evecta erat gradus.

§. XXX. Et, ut magis obvia sit applicatio vaticinii ad Jubilæum, in diagrammate exhibebimus collationem istorum, quæ ex loco nostro per Assertiones probata, cum iis, quæ in Jubilæo ex historia, & concessione Pontificiorum requiruntur. Vide si-

**

Qvod

Ad pag. 60, §. XXX. Sign. **

Prophetia Dan. XI. v. 45.

Per Assertiones hactenus positas,
Concernit magnificum institutum
Antichristi Romani,
Romæ conspiciendum.
Diversum a prima sedis collocatione;
Et ab edificatione palatij:
Quod omne referendum ad peculiares
Ædes, (Assert. IX. & X.) in quibus
spectatur amictus religiosus,
Quo ex ordinatione Antichristi, a-
miciuntur, & res & personæ, cultus
Mausimici in illis tunc splendidissimi.
Quæ ædes (tentoria regia, hic vocan-
tur) Basilicæ sunt;
Per illud institutum renovantur, quod
h.l. plantari est; non enim primum
extruuntur:
Sed quia ab Antichristo, per solennem
destinationem & apertione, accipi-
unt novam vim, ut tanquam tentoria
regia, excipiant magno cum bene-
ficio, cultus Mausimici fructum in
illis quarentes.
Factum post exortum bellum cum Rege
Austri, b.e. Saracenica potestate.
Post rumores Evangelij per Waldenses;
& in illos susceptas persecutiones:
Antequam vero per B. Joh. Huff & B.
Lutherum, ad finem suum veniret.

PER
ASSE-
TIONEM

I.

II.

III.

IV.

V.

VI.

&

VII.

VIII.

IX.

X.

XI.

XII.

XIII.

Solennitas Jubilæa Romana,

Per ea, quæ concessa ab ipsis Pontificiis.

Est institutum magnificum

Pontificis Romani,

Romæ conspiciendum.

Diu post sedis Rom. primâ collocationē;

Et post palatiorū Papalium ædificationē:

Quodque omne referendum ad peculia-
res ædes divorum; in qvibus

Spectatur amictus religiosus;

Quo ex ordinatione Pontificis, amici-
untur, & res & personæ, cultus Mis-
satici in illis tunc splendidissimi.

Quæ ædes divorum Basilicæ Romane
sunt, &


In solennitatem jubilæam renovantur,
non quoad hoc, ut denuo extruan-
tur; sed

Accipiunt a Pontifice per solennem de-
stitutionem & apertione, novam
vim, ut cum plenissime indulgentiæ
beneficio, excipiant adventantes, fru-
ctum cultus Missatici in illis qvæsi-
tuos.

Quod institutum cœpit post bellū, quod
vocatur *sacrum*, contra Saracenos:

Post tempora Waldensium, & in illos
susceptas animadversiones:

Antequam vero Johannes Huff vel Mart.
Lutherus, Papæ contradicere cœperunt.



Qvod si quis mallet cum ipsa Jubilæi definitione, nostras Assertiones contendere, formabimus hic talem, qvalem ut suam agnoscant Pontifici. *Jubileus*, vel, *Ordinaria solennitas Jubilæi Romana*, est institutum Pontificis, a Bonifacio IX. A. C. 1300. primo introductum, certo anno Romæ celebrandum, cui Pontifex Basilicas Romanas singulari pompa aperiendo destinat, ut qui tunc juxta regulas devotionis Ecclesiæ Romanæ, illas ædes frequentaverit, & cultui Missatrico interfuerit, plenissimas consequatur indulgentias. Dabimus qvoq; nunc, qvod supra promisimus, loci Prophetici interpretationem, qvæ ex hactenus dictis fluit:

וַיְשַׁׁחַט אֲהָלֵי אֶפְרַתּוֹ בֵּין יְמִים לְהַר צְבֵי קָדֵשׁ וּבְאֶצְרָן קָצֵן אֲזִז עֹזֶר לוֹ

Et plantabit (Rex Antichristus v. 36.) *tentoria amictus sui*, (h. e. religiose amictorum,) *inter maria, super montem decoris sanctum;* & *veniet ad finem suum, & non erit ei opitulator.*

§. XXXI. Displicebit fortassis nonnemini *specialis hæc applicatio vaticinii*; non qvod dubitet, qvin latum sit de *Antichristo Romano*; nec qvod rejiciat vocabulorum emphasis, quoad omnia a nobis prolata, nec qvod *nexus prædictionis Angelicæ neget*: sed qvia nolit aliter capere, qvam *generaliter de statu & sede Antichristiana*. Verum enimvero pro nobis stat vis ac genius locutionis, qvod non certe simpliciter de habitatione sermo sit: illa enim per *sedere exprimitur*, 2. Thess. II. 4. Apoc. XVII. 3. &c. Objiciat nobis magna interpretum & commentatorum Nomina; nos illa veneramur, & simul dicimus, nos omnne id. qvod illi hic ajunt, accipere: Si exercitium cultus, si temporariam felicitatem ac splendorem, si Cleri ac regiminis magnificentiam: hoc omne nos admittimus, ac dictum *de tali instituto, ubi omnia ista summis viribus concurrunt*, interpretamur. Tuebimur nos porro, consveto more interpretandi prophetias qvæ de Antichristo. Supra vidimus non pugnare inter se, qui **מעוז ים Maysim**, generalius, & qui specialius intelligunt. Pariter admittenda gloria, Dan. XI. 39. de *omni præmio*, qvod conferat Antichristus cultoribus *Maysim*, at emphasis verbo-

rum pro se habet, qvi intelligit specialiter de *eminentia Cardinalitia*, & aliorum in supremis gradibus. Sic quando Apoc. XIII. 13, ultra ordinarium Antichristi zelum, & studium augendi miraculorum opinionem, aliud monstratum fuerit, qvod magis conveniat cum *ignis descensu*, omnino applausum merebitur. Adhuc magis perspicuum exemplum Apoc. XVI. 13. Nemo, qvi præjudiciis Romanis vacuus est, negat ibi sermonem esse de *falsis Doctoribus, administris impictatis & tyrannidis Papalis*. At, qvi singulari ratione quadrare volunt prædictionem in *Franciscanos, Dominicanos & Jesuitas*, pro se habent numerum ternarium, & qvod illorum maxima sit copia in Papatu, sibiique attribuant negotium, de qvo v. 14. Verba, qvæ locum nostrum in Daniele proxime præcedunt: *Et exibit cum furore magno, ad perdendum & internecionem devovendum multis, omnem plurimum seculorum crudelitatem prænunciant*. Verum ex obseruatione Graseri, prius (*lehaschmid*) ad perdendum, feralis furoris effectus, poterit optime exponi de *truculentia*, qva tollere voluit pios confessores, cum non haberet potestatem Evangelicorum sibi aduersam ac metuendam: posterius (*lebacharim*) ad *devovendum internecionem, de furore coniuncto cum serpentina astutia, zeli quandam speciem habente*; qvo post tempora B. Lutheri saeviit. Poteramus pluribus exemplis applicationis nostræ modum commendare; Verum id opus non est, cum nec ista prorsus necessaria. Sunt enim in vaticinio a nobis explicatio, quæ non patiuntur illud feliciter intra *generalia circumscribi*.

§. XXXII. Mallet forte & alius, ad *speciale institutum Antichristi*, ea referre, sed potius ad *festum*, qvod vocant *Pontificii, corporis Christi*. Celebratur illud die XIII. post Pentecosten; Pompa & splendore, qvo nihil majus esse poterit in pomposa illa Ecclesia. Pro hac sententia *stat temporis convenientia*. Nam etsi Urbanus IV. A. 1264. de festo illo ptimum statuerit, secutus revelationem Leodiensis cuiusdam mulieris, cui nomen *Eva*, cum qva ante Pontificatum familiariter vixerat, de qvo Boltius & Petrus Præmonstratensis apud Balæum in actis Urbani IV. extat- qve adhuc hujus ad illam epistola de hoc festo, vid. Chemnit.

Exam.

Exam. Concil. Trid. pag. 181. Gerhard. L. C. de S. cœna §. 199.
 & alii qui superstitione Pontificiorum reprehendunt. Attamen
 constanti observatione non receptum illud Festum ante Cle-
 ment. V. A. C. 1311. Et sic quoad tempus, coincidit cum instituto
 Jubilæo, ac pari jure in illa circumstantia, ad se trahit plantatio-
 nem tentiorum. Verum illud festum non Romæ tantum cele-
 brandum, sed per totam Ecclesiam Romanam. Nec in illo pe-
 culiaris restrictio ad templæ, per plateas enim circumgestant pa-
 nem Missaticum: At in loco nostro Roma, & in illa, templæ sive
Basilicæ spectandæ. Et quidquid est additum in cultu Missatico,
 id, ut vi præcedentis partis prophetæ de **בְּעִזָּה** *Maysim*, pre-
 nunciatum, ad posteriorem partem vaticinii non trahendum.
 Qvia vero hanc opinionem in nomine vidimus, illam non refu-
 tare, sed prævenire paucis voluimus.

§. XXXIII. Fortius vero nostram sententiam impugna-
 bunt, quibus placet Graferi applicatio, Dan. XI. 45. ad Concili-
 um Tridentinum, in historia Antichristi, Exerc. IV. Favet nobis
 illa sententia non parum, dum ad speciale factum vel rem singu-
 larem vaticinium applicat. Et ut verum fatear, ivi primum in
 partes ejus, at consideratis amplius illius argumentis, non so-
 lum dubitare de illorum pondere, sed & occasione præsentis Ju-
 bilæi, de illa, quam hoc capite probavi, sententia, cogitare co-
 pi. Erit itaque id nobis negotii propter illos qui Graferi am-
 plectuntur applicationem, ostendendi, quod nec verba prophetica,
 nec series prædictionis illam commendent. Proponeamus vero ar-
 gumenta illorum, prout brevibus exhibentur ab Heideggero, in
 Anatome Concil. Trident. ad Bullam Pii IV. de auctoritate Con-
 cil. Trident. pag. 1268.

§. XXXIV. Concilium istud δακτυλοδεῖκτως notari volunt ab
 Angelo, Primo, voce **ΒΑΣΙΛΙΚΩΝ** apudno, quod illis vel Clerum va-
 luptuarium, vel potius simpliciter Clerum suum, notat: in ety-
 logia nobiscum sentiunt, de qua Assert. V. & VII. pluribus; In-
 de inferunt, Notatur voce hac fastus ille in regulari vestitu, puta in-
 fulis, galeris, palliis -- & universo personato Cleri in Concilio con-
 dentis habitu. Est hoc nimis generale, & tamen ex supra probatis
 puta-

putamus apparere, nos vocem **תְּפִלָּה**, felicius pro nobis adhibuisse sive explicuisse, cum *& ad res, & ad primarias in cultu idololatrico personas amictas*, retulerimus; Non observavit doctissimus Graserus Angelum haud loqui de peculiari re circa clerum vel re amicta, sed de tentiorum plantatione, qvæ, qvia per religiose amicta, veneranda reddituntur, ab illis amictis accipiunt denominationem, qvod sint tentoria amictorum. Tridenti non sunt splendidae ædes, vel Basilicæ augustæ, cum tentoriis regiis comparandæ. Plura post militabunt contra hanc applicacionem. Profecto novum non erat Antichristo Concilia cogere; hic vero tanquam res nova, plantatio prædicta. Et qvia per illa Concilia vice-Deatum & summam auctoritatem in Ecclesia, vel acquisivit vel conservavit, merito Antichristiana Concilia qvævis indicata dicimus v. 36. toto. item v. 37. ex parte, & v. 38.

§. XXXV. Alterum sententiæ suæ fundamentum in situ loci qværunt. *Ipsa vero urbs Tridentina, circumscribitur verbis, quibus ipsi tribuitur situs inter maria, ad montem sanctum & inclytum; Notant maria stylo Prophetico, populos, interprete Spiritu S. Apoc. XVII. 1. collat. cum v. 15. Mons vero sanctus & inclytus, locum, in quo est Ecclesia, Europam puta, quæ alibi venit nomine Insularum maris; Insularum gentium, Insularum Chittim.* Vere Tridentum est inter maria, populos, puta Italianam & Germaniam, duas principes Europeæ nationes, cuius utriusq; limitem constituit: deinde varia dicunt, ut probent esse centrum reliquorum regnum, & addunt Jesuitarum dictum: Tridentum Germanorum sentina & Italorum perfugium est. Pergunt: Est etiam Tridentum, locus ad montem decorum & sanctum, situs in Europe, Ecclesiæ Evangelicæ sedis climate, ad latus meridionale orbis Christiani, qua Roma in regiones transalpinas transitur. His observatis manifestum est, Tridentinum Concilium hoc loco velut stigma te notari; Verum de his optime judicat max. Rev. D. D. Gejerus: *Quæ Graserus de situ urbis Tridentine, deg, rebus aliis, scrupulosa nimis, imo Geographia quoq; non parum adversa.* De situ & loco plantatorum tentiorum ex phrasí Scripturæ & communī nostrā sententia, Assertione II. egimus. Nec ulla caussa est ut minus

minus usitatum loquendi morem arripiamus. Viderat bene Graserus, duobus maribus non claudi Tridentinam regionem, ideoq; cōfugit ad Apoc. XVII.1.15. ibi vero non ~~γαλασσα~~ sed ~~υδατη~~ populis comparantur; *non omnis aqua, maris nomine venit.* Nec ullus monstrabitur locus, ubi *inter maria*, notet *inter duos populos.* Præterea id vel nimis liberaliter dictum, vel limitate nimis: *Italiam & Germaniam, duas principes in Europa nationes esse.* Non constituit Tridentum limites duarum nationum: Illos Alpes faciunt, ad cujus radices meridionales situm. Nec si ad utramque nationem indifferens esset, caussam habuissent Protestantes in comitiis Spirensibus, locum Concilii adeo vehementer rejiciendi, qvod tamen fecisse illos, & merito, constat ex Sleidano, Horlædero & Petro Svave Polano. Prorsus alienum, qvod quasi centrum reliqvarum nationum, dicit. Et qvid hoc ad probandum *situm inter duo maria?* Elogium Tridenti Jelviticum, parum a Germanis laudandum, & cum allusione ad usum Concilii Papalem, Italia in eo ponitur. *Mons sanctus absqve dubio Ecclesia Evangelica; sed & sic olim Roma, & super Romanos montes Papalia tentoria, non super Evangelicos,* hoc est, vere Lutheranos Aug. Confess. Dicit Heideggerus *situm esse Tridentum in Europæ Evangelice climate.* Sed ab illa Alpibus disjunctum est, ad Athesin fluvium, a Venetiis iter tridui, Verona non bidui. Heideggero opponimus ipsius verba in eadem disputatione de auctoritate Concilii, p. 1255. *In Germania, haberí debuit Concilium. At Tridentum civitas est, si situm & idioma spectes, Italica: Episcopo Tridentino, jurato Pontificis clienti obnoxia, Papa ad vim adversus Protestantes, a se excommunicatos, exercendum opportuna; in qua proinde, nec Evangelium tu-to defendi, nec precones Evangelii tuto subsistere potuissent.*

S. XXXVI. Tertium argumentum petunt a serie Prophética: *In præcedenti versu Antichristum rumores territuri dicuntur, ab Oriente & Aquilone. Ab Oriente videlicet de crescente potentia Turcarum, qui debellata Ægypto in ipsam Hungariam irruerunt, magnamq; ejus partem occuparunt. Ab aquilone de prædicatione Evangelii in Germania, aliisq; locis.* Hinc exiturus dicitur cum ira,

ut perdat & interficiat multos. Factum in bello Germanico cum Saxone Electore, & Landgravio Hassia, Hispanico cum Belgis, Gallico seu Ligæ cum Evangelicis &c. Sequitur v. 45. Et plantabit tabernacula Cleri sui &c. ita igitur sive historia Antichristi seriem, sive Prophetici stylis genium expendimus, hoc loco Tridentinum Concilium plane concinne circumscribitur & notatur, tanquam plantatio tentiorum Cleri &c. De verbis Propheticis ante actum, series historiæ Antichristi illis minus favet. Parum bene nomine rumorū comprehendunt, & belli Turcici famam & Evangelium Christi: Illa conseqvens est belli cum Rege Austri, de quo prolixe ante Propheta. Et, dum rumores Evangelicos omnes, in recentiora tempora conjiciunt, consensum Ecclesiæ nostræ cum piis sub Papatu confessoribus, non attendunt. Et si perditio illa, v. 44, tandem post Lutherum cœpta, sequeretur priorem Papæ tyrannidem in Ecclesiæ membra, vel non prænunciatam, vel bello cum Rege Austri annumerandam, quod tamen ipse Graserus non admitteret. Nos adeo sacros rumores B. Luthero vindicatos cupimus, ut in illorum per Beatum Virum incremento, exitium Papæ appropinquasse dicamus. De cætero, alium nexum historiæ posuimus ante, nec nunc multis repetimus, vellemus tamen conferri, & patebit utriusque discrepancia. Exivisse vult Antichristum, cum ira in bellis memoratis. Et nos illa bella ad furem v. 44. referimus, sed antea accensus ille furor. Post furoris initium secutam esse plantationem tentiorum, recte ex nexu propheticō urget, at hoc contra sententiam de Concilio Tridentino, quia hoc præcessit illa bella: 1542. inchoatum Concilium; bellum vero cum Saxone & Hassia, 1546. cœpit & 1547. flagravit maxime. Ac cum esset memorabilis illa pugna, inter Cæsarem & Electorem, 1547. die 24. Aprilis, triduum ante sessio Concilii IX. habita est Bononia post octo alias Tridentinas. Hispanicum cum Belgis, post Concilium, A. C. 1570. circiter, initium suum vidi. Per Gallicum nescio quid intelligat, si nuptias Parisienses sub Carolo IX. R. Galliæ, illæ A. 1572. Nec capio, quomodo conjungat bellum Gallicum & bellum Ligæ cum Evangelicis; Ligæ enim superioris seculi, 1538. contra Evangelicos, non contra Calvinianos, ad Gal-

Gallum nihil, & diu ante bellum Saxonicum & Belgicum: Liga vero hujus seculi sub Matthia longe post Concilium, & sic illud per seriem historicam, plantatione tentiorum non intelligi potest.

§. XXXVII. Ultimum argumentum a consequenti. Sed venit ad finem suum, nec quisquam ei opitulabitur. Sensus est, molitionum Concilii istius conatum in fumum abiturum, effectus cariturum, quia fatalis periodus imminet, &c. Et sic demum post Concilium, impletionem suam accepisse vult haecce: *Et veniet ad finem suum.* Nonne sic negat Graserus ante Concilium cœpisse exitium Papæ per Lutherum? Id certe fortissimum contra ejus sententiam, ut mihi videtur, argumentum. Quæ præterea ex Apoc. XIX. 7. & ex defectu felicis effectus. deniq; ex eo quod vix unquam Concilium Generale habitum iri, credant: In se verissima sunt, sed non magis pro illis, quam contra nos; Utrinque de fato Romæ convenit. Concilium Tridentinum introductos errores palliavit cōfirmavitq; paucos addidit. Ideo ad priora referendum.

CAPUT TERTIUM.

OSTENDIT NEXUM-EXITII ANTICHRISTI ROMANI CUM EJUS JUBILÆO,

§. XXXIX.

Facile erit hoc ipsum probare, cognito ex superiori capite, quod *institutio Jubilæi*, in priori versiculi parte prædicta sit. Arctè enim cohærent cum illa; verba, quæ exitium plantantis tentoria amicorum suorum, prænunciant, in secunda versiculi parte. Pluribus quoque mox ostendemus non nude per Grammaticam verborum conjunctionem vaticinium continuari, sed per sensum illativum in particula (¶) var, exitium factò Antichristiano subjungi. Verum, cum nec una sit interpretatio verborum, quæ de fine Antichristi in vaticinio agunt. Erit quoque operæ pretium nonnullum, paucis primum probare, quod omnino ultimis verbis loci nostri Prophetici, divinus vates finale excidium, cum antecedentibus malis, minetur Antichristo Romano.

§. XXXIX. Ita autem sententia Judicaria habet: *Et ibit vel veniet ad finem suum; & non erit illi sp̄itulator.* Prima intercessionis verba: **עַד קִצׁוֹ וְכָא עֲרָבָה** vuba ad Kitzo, *Et veniet ad finem suum;* diversimode redduntur. Vulgatus interpres, ut ab initio cap. II. visum: *Et veniet usq; ad summitatem ejus, montem subintelligit.* Et quia hic unice Pontificiis authenticus, parum si bi timendum existimabunt, etiamsi priora verba de Jubilæo capi permitterent. Majori vero fiducia putabunt se securos fore, si hanc versionem B. Hieronymo probatum iri deprehendunt. Notavimus hanc insolentiam supra in Jesvita Vito Erbermanno. At ex postremæ intercessionis verbis, satis valide de excidio Antichristi, locum totum in hunc modum interpretatus est S. Pater: *Quod autem Antichristus veniat usq; ad summitatem montis sancti & inlyti, & ibi pereat, Esajas plenius loquitur: (cap. XXV. 7.) Precipitabit Dominus in monte sancto, faciem dominatoris tenebrarum super omnes gentes, id est, eum qui dominatur cunctis populis; & unctionem, quæuncta est contra universas nationes.* Vatablus quoque reddit, *usq; ad summitatem ejus, & in annotationibus ita exponit: Usq; ad fastigium ejus, subintellige montis Moriae.* Arabs de limitibus montis Sabain, ex eo quod nomen loci proprium hic posuerit. Antea Porphyrius, *de summittate montis in Elymide provincia, & Grotius usq; ad fines suos ultimos, scilicet imperii sui Persidem versus.* Nec obscure illis favet versio Gallica Calvinianorum: *Et viendra jusquez a la faire finir. Et veniet usq; dum finiverit vel terminaverit illum, respicit vero montem,* quod in feminino proxime præcedit. Verum in Annotationibus non ita pridem adjunctis, cum Belgis faciunt, ac de finali excidio Antichristi, ex illa Prophetia se solantur. B. Hieronymus nec quoad verba, nec quoad rem, ni fallor, quicquam habet in loco Esajæ pro interpretatione sua. *Vulgatae versioni & Vatablo, cæterisque non solum reliquos fere omnes interpretes opponimus, qui de fine plantantis tentoria, perspicue admodum intelligunt; sed ipsam phrasin ex usu scripturæ, & addito, Non erit ei sp̄itulator, validissime finem atq; exitium exprimente; rem extra controversiam ponere dicimus.* Babel, clarissimum Antichristi-

christianæ malitiæ & excidii typum gessit in Vet. Test. etiam suo malo illustravit hanc locutionem in Romaiensibus impletandam: Jer. LI. 13. *Habitans super aquas multas, locuples thesaurorum, בָּקָץ ba Kitzeh, venit finis tuus:* de ultimi excidii malo intelligendum, patet ex sequentibus, *ulna avaritiae tue*, h. e. mensura, intra quam voluit Deus avaritiam tuam permettere, jam finita est. & sic Nostri ex B. Lutherio eleganter: *Och fin Gi rugheet är uthe.* Vel ut alii: *venit exitium tuum, quæ est mensura, (id est, retributio) avaritiae tue.* De finali excidio omnino (*Ketz*) *finis*, exponendus. Ultimum suum malum pari serne agnoscent lamentantes, Thren. IV. 18. *Appropinquavit קִצְנָה Kitzen, finis noster;* explicationis gratia addunt, *impleti sunt dies nostri; caussam annectunt, quoniam veniet (Kitzen) finis noster.* Dan. IX. 26. *finis Hierosolymæ venit cum inundatione;* alluditur forte ad funestam inundationem, quam Deus mundo antediluviano immisurus, omni carni viventi mortiferam eam fore, sic denunciat: *finis omnis carnis venit,* Gen. VI. 13. Adde Ezech. VII. 2. 6. Amos IIX. 2. &c. Hic quoque usum habet observatio supra ad 2. Thess. II. 8. allata, *de successiva Antichristi consumtione;* quam & hic singulari loquendi modo innuit Divina sapientia, iustitiae Omnipotentis interpres: non dicit, *venit finis ejus, נִצְרָן kitzo,* quod in exemplis adductis obtinuit, & per illa evicimus, *וְקָצֵן ketz, finem sive exitium ultimum notare:* Sed hoc in loco, per illud: *Et veniet usq; ad finem suum, docemur, quod post plantata tentoria amictorum suorum, non immediate subsequatur finale excidium, sed tunc initium capient reliqua mala, per quæ tandem ad illud ultimum malum deveniet, inde elegantissime dictum, אַבָּן vuba,* Et veniet, & ibit, & progredietur ipse, addito malo super malum, tandem finem suum assequetur. Et hoc est quod dicit max. Rev. D. D. Gejerus ad h. l. *Veniet ad finem suum, hoc est, singuli ejusdem passus proprius subinde deferunt ipsummet ad foveam, sive barathrum, quod absorbebit eum.* Hoc quoque accidisse per & post institutionem Jubilæi Romani, in Assertione ultima diximus, & ultimo plenius dicemus,

§. XL. Sed quod voluimus, finale excidium Antichristi in loco nostro prædicti, ultima verba **בְּעֵינָוֹתֶךָ** vein oser lo, Et non erit illi opitulator, efficacissime demonstrant. Nec quisquam est, vel interpretum vel commentatorum, qui aliter capiat. Nescio tamen, an ad declinandum vel malum vel ejus metum, Maldonatus & Pererius Pontificii, non ad Antichristum, opis carentiam referunt, sed ad montem sanctum vel Zionem, quasi nemo illi suppetias latus sit contra Antichristum. Verum cap. XII. 12. Zionis opitulator & liberator magnus Michaël promittitur. Et in præcedētibus de fine ac excidio Antichristi, non de summitate montis sermo est; secus quam sentiunt Vulgatae versionis mancipia. Grotius certe, qui alias libenter se præbet auxiliatorem Romanensibus, ad regem licet, quem sibi finixerat, non Antihristum, illa referat; de ultima tamen perditione verba ista capit. Et omnino usus scripturæ, hunc verborum sensum reqvirit: 2. Reg. XIV. 26. Et non (Oser) auxiliator Iſraëli. Psal. CVII. 12. Impegerunt & non auxiliator. Thren. I. 7. Dum caderent populus ejus (Hierosolymæ) in manum hostis, (vein oser lab) & non erat illi auxiliator; Sic placuit sanctissimo Redemptori nostro, summam exinanitionem ac derelictionem, vel omnis opis destitutionem in passione sua, pari locutione significare, Psal. XXII. 12. Esaj. LXIII. 5. ut ostenderet sibi, jam potentiam suam inservit exercenti, curæ quoque esse illos, qui non habent opitulatorem, Psal. LXXII. 12. Eruet egenum clamantem & afflictum (vein oser lo) Et illicui non auxiliator, convenit hæc phrasis quoad omnia cum verbis de ultimo exitio Antichristi, sed quia ille Christi non est. Luc. XI. 23. omni ope destitutus totalem subibit excisionem. Optima est paraphrasis antea laudati Theologi Saxonici, eruditissimi Commentatoris in Danielem; Describunt hæc: Et nemo opitulator illi, inevitabilem excidii necessitatem usque adeo, ut cum Rex hic antehac infinitos ferme habuerit semper parastatas, nunc desertum se deprehendat ab universis; nemo siquidem vel vult, vel potest suppetias amplius ferre, quandoquidem decretorius instat dies, quo tot facinorum pœnas repetet ab ipso summus Judex.

§. XLI. Restat nunc, ut ostendatur in loco nostro Prophæ-

phetico, nexus inter finem plantantis tentoria amictorum suorum,
 & inter plantationem istam ab eo factam, vel quod nobis nunc per
 superius dicta idem est; inter institutionem Jubilae Romani An-
 tichristianam, & ipsius Antichristi exitum: Non temere itaque
 illatuimus in particula (1) vau, (quam ex receptissimo usu apud
 interpres hujus loci, per conjunctionem (et) reddimus;) Latero
 sensum illativum a divino Vate monstratum, ac eo modo
 exponendum, quo ex superioribus vel antecedentibus, reddi so-
 let causa sive ratio ejus quod sequitur, ac ob id commodissime
 exprimi per ratiocinativam, ut vocant, vel conclusivam in hunc
 modum: ideoq; veniet ad finem suum. Hanc esse vim connexionis
 facti Antichristiani cum ejus exitio, in particula vau indicatam,
 una vel altera ratione ostendam.

§. XLII. Prima ac proxima ratio, de promititur ab usu istius
 particulae illativo admodum freqventi, etiam in verbis immediatae
 antecedentibus & consequentibus, ac uno quasi habitu cum
 loco nostro proferendis; eademque accentuum positione ordi-
 natis. Praedicit, Et rumores terrebunt eum ab oriente & aquilo-
 ne, Segredietur cum furore magno ad perdendum, &c. Proponi-
 tur in tota Prophetia Rex ille potens, ut sua summo studio
 augens & defendens, ideoque hic describitur ut iratus in illos,
 qui sibi resistere volunt; ac proinde, ex acceptis rumoribus o-
 ptime redditur ratio egressus cum furore, ac rectissime expo-
 neretur, ideo (excitatus illis rumoribus,) exhibet cum furore ma-
 gno ad perdendum. Res dissimilis, at commixio eadem in versu
 proxime sequenti. Praedicitur summa, quæ unquam extitit, an-
 gustia, ac promittitur filiis sive populo Dei liberator, Michaël
 princeps magnus, ac inde in posteriore versiculi parte infertur:
 Et in tempore ipso, evadet (periculum) populus tuus omnis, qui est
 inventus, scriptus in libro. Omnino ex praecedenti magni defenso-
 ris descriptione, reddenda ratio liberationis; ut sic optime dicas:
 ideo evadet populus tuus. Ipsa vox nostri loci, וְיֻבָּא, & veni-
 et, vel, & ibit, hunc in vaticinio de Antichristo, Dan. XI. quod se-
 quimur, requirit sensum, v. 40. Et ingredietur (vuba) in
 terras, & inundabit & transibit; tanti progressus causa per ra-
 tio-

tiocinationem ex eodem versiculo petenda, videlicet ex maximarum copiarum adduictione. Hanc vim habet particula *vau* in medio post *atnach*, ut in his jam allatis, alibi saepius, Psal. CVI. 43. & CXIX. 7. &c. Non raro ab initio, Psal. II. 10. & CXXXIX. 17. Dan. III. 2. ac freqventer præcedente *caussali* **D** *chi*, *qvoniam*, vel simili, Psal. XCI. 14. & CXVI. 2. &c. ac videtur subintelligen-
da similis caussalis etiam in reliquis. Eritque in loco nostro ex
hisce, talis connexio: (*qvoniam*) *plantabit tentoria amictorum su-
orum, inter maria, super montem decoris & sanctum*, (*ideo*) *ve-
niat ad finem suum, & nemo erit illi auxilio*. Magna interpretum
est discrepantia in connectendis minis excidii, cum plantatione
tentiorum; Ex qva diversitate, ut directe pro nobis nihil pro-
bare volumus, ita hoc tantum lucrabimur: *non nudam Gram-
maticam verborum conjunctionem in particula* (1) *vau b.l. exprimi*.
LXX. & plerique Latini simpliciter: *& veniet*. Arabs, *veniet in-
quam*. Syrus, *adveniente vero fine tempore ejus, nemo erit ei ad-
jutor*; qvæ quoque expositio Osiandri. & coincidit cum illa Dio-
dati Italica: *Poi, come sarà pervenuto al suo fine, non vi sarà niuno
che l'ajuti. Postmodum cum per venerit ad finem suum, non erit,
qui illum adjuvet*. Belgæ & Calviniani multi adversative: *sed ve-
niat*; qvod supra quoque retinuit Heideggerus. Angli expres-
sionis, *yet he shall come to his end, veniet nihilo minus ad finem su-
um*. Nostri & alii cum B. Luthero, *till thes med honom war-
der en ende*. Hæc, inquam, discrepantia ostendit, non adeo ur-
gendam esse simplicem conjunctionem, qvin potius per rationes
alias, quærenda major vis particulæ originalis.

§. XLII. Secundo, & illam vim illativam reqvirit *prædictio-
nis Angelicæ ordo*, qvi tot facinoribus aliis Antichrist i enumera-
tis, finale excidium iis non annexit, sed cum *plantatione tentorio-
rum, hoc est, institutione Jubilæi* arcte conjungit. Id freqventer
obtinet in denunciatione pœnae, qvod quamvis plures præcedant
actus culpæ meritorii, uni vel ultimo adscribitur pœna; Vel
qvod sic per illum jungatur ultionis & pœnae initiū, cum reliquis
præcedentibus actibus pœna dignis; vel qvod ille ultimus habeatur
complementum malitiæ, ac supplens mensuram peccatorum.

Nihil freqventius in prophetiis V. T. in denunciatione pœnæ Israelitis, ac excidii Tyriis, Babylonii, &c. facta. sumamus nos id, qvod propter singularem convenientiam cum loco nostro, proprius se commendat. Dictum quidem supra : Vaticinium qvod tractamus, *nec simpliciter, nec ut in typum Antichristi, in Antiochum quadrare*; Neque nunc aliter sentimus : Verum additum quoque tunc fuit, *in Antiochi gestis usque ad v. 36. Dan. XI. prædictis, fuisse typicam aliquam adumbrationem factorum quorundam Antichristianorum in N. Test*: Progredimur nunc ultra & concedimus, *etiam in illis, que a v. 36. usque ad finem, de Antichristo prædicuntur, multa esse, in quibus convenientia inter Antiochum & Antichristum deprehenditur*: vid. D.D. Calovius ad Dan. XI. 35. pag. 686. Ubi utrumque, evolutis optimorum Theologorum interpretationibus, & ex præscripto orthodoxæ doctrinæ de uno sensu, admittendum esse docet. Qvod si ultra convenientiam ejusmodi, aliquem majorem, & in omnibus exactum respectum typicum, vellemus admittere, unice nobis sufficeret, nexus inter plantationem tentiorum exercitus Antiochi, & Iesus mortem; verum cum eosque illam convenientiam non extenderimus, secundarium saltem nobis erit argumentum ab interitu Antiochi ad exitium Antichristi. De morte Antiochi pluribus, i. Machab. VI. 4-16. qvod Antiochus accepto nuncio de clade suorum in Judæa, mortiferum contraxerit dolorem, quo tormento ac animi mœrore supra modum turbatus, moritur; at illa clades ita accidit: *Lysias congregavit virorum electorum sexaginta millia, & quinque millia equitum, ut debellaret Judeos*, i. Machab. IV. 28. *Et venerunt in Iudeam*; (Ita recte Latinus, qvod ex nomine munimenti appetet, & sine dubio non cohæret qvod hodiernus Græcus & alii, legunt Idumæam.) *& castrametati sunt in Beth-zura*: *Et occurrit eis Judas cum decem millibus hominum*. Seqvitur deinde c. IV. oratio Judæ, prælium cum Lysia, Judæorum victoria, & fuga exercitus Antiochi. *Ultimum itaq;*, qvod ante cladem narratur factum ab Antiocho, per suos, Judæ hos & occupatores, erat castrametatio, qvæ aliquo modo respondet plantationi tentiorum Antichristi, quamvis hæc alio loquendi mo-

di modo ab illa discernatur; illi castrametationi connexa clades, cladi mors Antiochi, & sic per tentiorum plantationem, & post illam, venit ad finem suum, nec illi quidquam auxilii. Et hoc obiter notamus; dirutam civitatem suam Beth-zuram, vehementer doluisse Antiochium, i. Macchab. VI. 7. Erat Beth-zur, civitas in tribu Juda, Jos. XV. 58. Significatio nominis Beth-zur, est *domus petræ*; in illo loco, tentoria s. proprie dicta castra, sive ferebat Antiochus per suos, cum jam ultimum tentaret contra Judæos, amavit civitatem, ut suam vocaret, propter oportunitatem situs; sed ex illa cœpit ruina & deletio militum, ipsiusque mors. *Sic in domo Petrina*, Antichristus Romanus sedere ambit, tanquam Petri successor. Petrumque ac sedem ac omnia sua esse vult, inde illam domum, tentorium amictorum suorum facit, aliaque templa circa Beth-zuram, circa eadem Petrinam, in montibus Romanis, (Græcus i. Macchab. IV. 29. εν Βαιθροις, in Bethsuris,) sua facit ac plantat tentoria, ideoque veniet cum suis ut Antiochus, ad finem suum.

§. XLIV. Tertio, & quidem validissime, sensum illativum particulæ nostræ (1) via conciliat, facitque ut vocant, ratiocinativam, collatio cum alia prophetia de finali Antichristiana sedis excidio. Ita se habent verba vocis de cœlo clamantis, Apoc. XIX. 7. 8. *Quantum glorificavit se ipsam, & in deliciis fuit, tantum date illi tormentum; quia in corde suo dicit: Quia sedeo regina, & vidua non sum, & lactum non videbo, &c. &c.* PROPTER HOC in una die venient plaga ejus, mors, & luctus, & famæ, & in igne comburetur. Per Babylonem omnino intelligitur Ecclesia Romana Papalis, quo faciunt in toto revelationis nexus, omnes characteres, qui istas Prophetias ad illam, ejusque caput Pontificem Romanum, indubitate trahunt. In verbis allatis hoc ipsum exigit, immodica gloriatio; que quoque Dan. XI. 36, 2. Thess. II. 4. in Antichristo Romano prædictitur, & omnia oportet eum ignorare, qui dubitet de superbia, elatione & ambitione Romanensiū. In deliciis vivere post ambitionē & avaritiam, primariū Cleri Romani studium: in qua virtutū Papalium triga nunquam patientur se vinei. Tria sunt Numina, quibus mortalium natura ineluctabiliter quadam necessitate videtur esse subiecta, AMBITIO scilicet, AVARI-

TIA, LUXURIES. Hec nullis Philosophorum præceptionibus, nullis Legislatorum sanctionibus coerceri poterant. Unus inventus est homo, qui altiori longe, quam qui hominibus conveniat, fastu illa omnia conculcavit, sibiique soli vindicata in triumphum deduxit, dum primum illud, voluntaria OBEDIENTIÆ, alterum P A U PERTATIS, tertium CONTINENTIÆ, involuntariis vinculis constrinxit; atque ipse, licet servorum Servus, Reges omnes promancipiis aut Vasallis; licet auro & argento destitutus, universum terrarum orbem, ipsumque Platonis regnum pro patrimonio; & licet Cœlebs, omnique matrimonio solitus, alienos quos lubet thalamos, pro suis habuit. Sic optime de Pontifice Romano ejusque aseclis meruit, recens scriptor, qui in *Catholico Euclide* methodo Mathematica, *Fabricatus* est Romanæ fidei hodiernæ demonstrationem: cuius ista erant verba Epist. I. ad R.^{mos} Fratres de Walenburch. Veritatem Divinam comprobare volunt ipso facto, imo per supererogationem, præclarum apud ipsos vocabulum, plus quam simpliciter impletas volunt prophetias de vitiis suis. In corde suo dicit, tam localiter, in corde Ecclesiæ Papalis, Romæ; quam sensitive, internis cogitatis, quæ non raro per impudentiam, verbis erumpunt hoc modo: *Quia sedeo Regina*; hoc toties dicunt, quoties Ecclesiam suam dicunt esse dominam reliquarum, in orbe Ecclesiarum; Vel cum Papam suum, sponsum Ecclesiæ vocant; adeoque illa regina, quoniam ipse Rex est, Dan. XI. 36. quod ipsum *Felinus Sandeus Italus*, celebris JC.^{tus} aliquique pleniū ita exponunt, *Est Papa omnium Princeps & Rex Regum, & causa causarum, & Dominus dominantium*. Plura qui desiderat, legat in caussis recusat. Concil. Trid. in Appendix Catalog. Test. ver. adde Theologorū orthodoxorum collectanea, in Danielis XI. 36.-45. *Sedeo inquit*, solenne vocabulum sedis Romanæ ac Pontificum, *regina, & vidua non sum*: Certe sub persona feminæ, propriori locutione non potuit jactare successionem Pontificalem, quam ridicule *Apostolicam* vocant, eamque non interruptam venditant, nec unquam rumpendam sibi pollicentur. Speramus & nos non interrumpi, donec in ultimo imperii Antichristiani fine, inq; successore Pontificum, mo-

re sedente Romano, tanquam in legitimo herede omnium criminum & poenarum Antecessorum suorum, videant pii fideles, quam verax sit Domini nostri Jesu Christi sapientia, & quam potens ejus justitia. Sedeo, inquit, regina, & vidua non sum: Roma haec tribui sub nomine Babylonis, agnoverit Grotius ad Esaj. XLVII. 8. 9. Romanensem alias patronus in his, Luctum non video, quid expressius dici poterit, ad explicationem felicitatis temporalis, quam notam dicunt esse verae Ecclesiae? At sequitur: Propter hoc in una die venient plaga ejus; h.e. improviso, in momento, una die, Esaj. XLVII. 8. 9. non longe una post aliam sequetur plaga, vel initium suum habebunt eodem tempore: non enim omnes uno die naturali incipient & simul finientur; quia ignis penitus consumens, non daret tempus cædibus, luctui, fami. Vetus Babylon quoque sensim excisa, ut docent Historiae; vid. Bochart. Phaleg. l. IV. c. XV. Qvod si interprete divino, Apoc. XIIIX. particula (1) vau in וְתַבָּא נָה vethabonah, & venient, connectens versiculum 9. cum 8. cap. XLVII. Esajæ, illatum sensum habet, factaque ratiocinativa, idemque sonat qvod ideo venient; bene concludere licet, propter subjecti identitatem, ac rei paritatem, hanc quoque vim habere particulam vau in אֲכֹל vuba, & veniet, connectens duas partes unius versiculi, quem tractamus. De identitate subjecti dubium ex precedentibus nullum. Rei paritas itidem manifesta; In Jubilæis, si unquam alias, se glorificat Ecclesia Romana; nunquam magis in deliciis vivit; Et ipsum formale Jubilæi gaudii in eo exprimit Angelus, dum tripudiantem introducit Babylonem hisce verbis: Vidua non sum, & luctum non video. In Jubilæo non potest esse vidua, quoniam sine Pontifice, tanquam sponsa Rom. Ecclesiæ, non potest inchoari Jubileus. Paulus III. animi perturbatione & ira confectus, decessit X. Novembris 1549. instabat Jubilæa solennitas anni 1550. Verum factionibus contrariis scissum Conclave, Julium III. non ante tertium mensem Papam designat, qui XXV. demum Februario portam sanctam aperit. Petr. Svav. Polan. Hist. Conc. Trid. p. 334. Conclavi de Pontefici p. 169. & 186. Qvibus omnibus decemur, convenientissimam esse collationem loci nostri cum

Apoc. XII. 7. 8. & ex hoc illum ita reddi debere, ideo, propter hoc, veniet ad finem suum, &c.

§. XLV. Urget quarto, *justitia divina*, ut illum sensum illatitum demus particulæ connectenti. Hujus argumenti robur apparebit, si uno vel altero exemplo ostenderimus, per ac propter Jubilæum, in summum fastigium ascendisse vitia Pontificum, ac Cleri Romanensem. Parum est, qvod studio habendi acqvirendiq; omnes thesauros terræ, ac permutatione illorum cum indulgentiis ex imaginario suo thesauro, Jubilæum vel introduixerint, vel commendaverint. Nec id singulare est, qvod ambitioni suæ ita consultum voluerint; nam id in omni instituto qværunt Pontifices: Tempore tamen Jubilæo, mercatura & fastus ille mertricius, de qvo Apoc. XVII. XII. &c. maxime conspicuus est. Verum id Jubilæis debetur, qvod indulgentiaria illa impietas eosqve progressa fuerit, vid. B. Chemnit. Exam. Conc. Trid. pag. 735. seqq. Unice sufficeret ad probandum, Jubilæum maxime impium esse institutum, & quasi complementum impudentiæ Papalis, qvod auctoritatem suam, dignitate Jubilæi, extenderit *in superos & in inferos*. conf. B. Lutheri præfat. in Daniel. ad vers. 40. *De superis*, patet ex Bulla Clementis VI. qua angelis mandatum dat ut peregrinantium Romipetarum, Jubilei cauſa, animas, si in itinere evolarent, statim in Paradisum transferrent: vid. Chemnit. l. c. p. 736. ubi hæc addit. Parisienses Clementis temeritatem publice reprehenderunt, & corrigi petiverunt, ut scribit Wesselus. Antoninus etiam scribit, in bullis quibusdam Clementis VI. multa narrari levia & exorbitantia satis, quas Bullas verisimile est, esse ficticias: sed Wesselus affirmat se illas vidisse plumbatas, & reservari Viennæ, Limoviis, Piclavis in thesauro privilegiorum. Frustra fuit Gretserus qui negavit extare, vid. Voët. part. 3. Disp. select. pag. 1364. De potestate in inferos per Jubilæum acquisita, vel potius promulgata, patet ex aliis Bullis Clementis V. & VI. vid. auctores citari. Hanc potestatem in purgatorium pretio Jubilæi unice defendere potuit Tecelius, cuius hæc sunt verba articul. 51. §. 53. 54. Positionum suarum A. 1517. Francofurti ad Oderam, institoria eloquentia ad commendandas indulgentias ventilatarum:

Afferere Papam, non habere majorem vel efficaciorum potestatem in purgatorium, generaliter suffragii forma Jubileum impertiendo; Quam qualem aut quantam habeat Episcopus vel Plebanus, in sua diœcesi & parochia specialiter; Error. Papa, etsi in purgatorium nullam habeat clavis potestatem, habet tamen Jubileum illis applicandi, per modum suffragii, auctoritatem. Hæc tam certa putabat impudens Dominicanus, ut adderet: *Hanc in purgatorium auctoritatem, sub specie clavis, in Papa negare, est veritati contradicere & errare.* Videantur Positiones Tecelianæ universæ. Tom. I. Op. B. Luth. Witteberg. pag. 94. & seq. Est & hoc notabile quod angelus post superbiam, idolatriam, tyrannidem & alia impii regis facinora, subjungat plantationem **אַחֲרָנָה** Obole apadno, tentiorum amictorum ejus, eo quod in illo facto, h. e. Jubilæo, de rebus omnibus a se gestis, de felicitate sua, per tyrannidem ac impietatem aucta firmataque, gloriaretur: ut nos hoc ordine doceret Divina sapientia, in illo ultimo instituto, consummatam fore Antichristi malitiam. De proximo, ante prædicationem Evangelii per B. Lutherum renovatam, Jubilæo, Bzovius mancipium sanctitatis Papalis ad A. C. 1500. §. 14. *Hoc anno seculari, cum venia peccatorum, innumeri mortales, ex omnibus provincijs, sinitimi & longinqui, pietatis studijs certantes, Romanam urbem, plenam Majestate & Numine, religionis aream & veritatis Magistrum inviserent; morum licentia vigebat inter viros sacratos; ut si qua in parte orbis maxime. Eam turpitudinem vindicare Deus visus est, Pontifice, inter sacra corporis Christi, apoplexia tentato, & post paucos dies mirabilie eventu castigato.* De quo casu prolixè Bzovius l.c. Alexander VI. qui tunc sedebat, supra trecenta millia aureorum acquisivisse scribitur, & cum spurius ejus Cæsar Borgias, ingentem pecunia summam, alexi ludo perdidisset, per jocum dixit: *quid aliud amisimus quam peccata Germanorum?* argentum ex Indulgentiis comparatum intelligens, juxta illud Oseæ IV. 8. ex versione vulgata, *Peccata populi mei comedunt:* B. Gerh. L. C. de pœnitentia §. 135. In Alexandro illo VI. longe exactius conjunxit Diabolus omnia vitia, quam quis ea in compendio, ex omnium tyrannorum vitis possit exhibere. Certant

tant scriptores Pontificii ipsi in describenda ista bestia Romana, vid. Onuphrius Panyinus aliquique: apponam laudes ejus funebres ex celeberrimi inter illos Historici Gvicciardini libro sexto. *Ad defuncti Alexandri spectandum corpus, in divi Petri templum, urbs tota, incredibili latitia accurrit, nec cuiusquam oculi draconem illum, qui immoderata ambitione, pestifera perfidia omnibusque horrenda crudelitatis, monstruosa libidinis & inauditæ avaritiae exemplis, sacris atque profanis rebus absque discrimine venditis, universum orbem venenis infecerat, extinctum spectando, expleri poterant.* Veneno quoque extinctus, quod Borgias ille, dictus Cardinalis Valentinus, alteri Cardinalium paraverat, de quo laudatus Historicus. Alexander indulgentiaris & jubilæas nundinationes non contentus solenni impietate Romana, Romæ exercere anno uno; sed & illo & seqventi, per legatos suos in Germaniam atq; alias provincias remotas, diplomata cum amplissimis Jubilæi indulgentiis, (verissime emulgentiis,) misit, easq; passim vendidit: Et quia tunc placuit Divinæ justitiæ, gravius exitium Antichristi, per Iuvavissimam qua fruimur, Evangelii prædicationem, brevi inchoari, nemo ex dictis dubitet ita colligere; *Plantabit Antichristus tentoria amictorum suorum, Jubilæos suos omni pravitate & licentia celebrando, ideo veniet ad finem suum, &c,*

§. XLVI. Sensem illativum quinto secum adfert primarium consequens Jubilæi gaudy; securitas & confidentia in statu suo felici. Id certe non minimum fuisse credo, quod primos Jubilæi Romani auctores moverat; nam postquam per totam Europam, sacri rumores per Waldenses sparsi, invaluerunt: *Romanum esse Babylонem, Papam esse Antichristum, novo hoc instituto volebant Romanenses, antiquam venerationem ac superstitionem conservatam auclamque, ut Monachi, Pastores, Episcopi, Cardinales, Pontifex, clamando: hic est annus remissionis, hæc sedes Romana Apostolica, hic mons sanctus, attraherent simplices:* At cum in Basilicis singulis sic plantatis, cæca confidentia ac sonoris jubilis more Judæorum se efferrent, *Templum Domini, Templum Domini, Templum Domini sunt istæ ædes;* prope adfuit Divi-

na vox Papatum concutiens: *Ne fidatis vobis in verbis mendacii dicendo, Templum Domini,* &c. Jerem VII. 4. Et sic præceps magis ire cœpit ad finem & exitium suum, fastuosus tentiorum planator, hoc est, Jubilæi Romani auctor & institutor Antichristus.

§. XLVII. *Sexto ac Ultimo, sed principali ratione, particulae, prædictionem instituti jubilæi, cum exitio Antichristi concludentis, vim ratiocinativam ostendit ipsius exitii initium, in even- tu conjunctum cum primario fundamento Jubilæi Romani ac indulgentiarum.* Pertinent huc quoque pauca circa finem §. XLV dicta. Verum nexus iste hisce positionibus monstrabitur. I. *Ex- tium Antichristi, diversis gradibus cœpit per renovatam Evange- lii prædicationem ministerio B. Joh Husse & B. Lutheri.* De hoc jam supra Assert XIII. cap. II. Estque res manifesta. Ipsi Pon- tificii non sine dolore & querelis, fatentur maximum ab illis da- mnum, tulisse Papatum. At ex præscripto veritatis cœlestis, Pa- patus est Antichristianismus. II. *Manifestatio illa Evangelii iterata, cœpit ex horribilibus Pontificiorum dogmatibus de indulgen- tiis.* De eo dubium nullum, videantur, quod Lutherum con- cernit, scripta ejus prima, Sleidanus lib. I. B. Chemnitius in Exam. pag 744. seq. Per foedissimas indulgentiarum nundinationes ansam datam Luthero, se opponendi Ecclesiæ Romanæ, ipsi Pon- tificiorum historici, Thuanus, Gvicciardinus, Jovius, Surius, &c. fatentur. De Joh. Husso ipse B. Lutherus præfat. in Daniel. ad v. 40. Da nun etliche Jahr hernach in Böhmen/ daß Ablaß so lästerlich gepredigt ward/ legt sich Johannes Huß dawi- der/ vnd sonderlich greiff Er diese Clementische Teuffelische Bulle an/ vnd straffte der Päpste Laster. Plura de Bohemi- cis, Exam. Concil. Trid. pag. 741. III. *Indulgencie habebant uni- ce fundamentum suum in Bulla Clementis VI. A. 1342. pro Jubileo A. 1350. celebrando.* Hoc agnoscit Paulus Sarpi Servita, Theolo- gus Venetus, in Historia Concil. Trid. qvam nomine suo per ana- gramma redditio, evulgavit pag. 6. & 7. ibi multa de indul- gentiis & de thesauro, & tandem sic concludit: *Hac omnia a- deo tum incerta, nec validiore nixa firmamento quam Clementis VI. diplomate, propter semiseculares Jubilæi venias anno MCCCL.*

confe--

conferendas, evulgato; non satis habere virium putabantur ad convincendum Martinum Lutherum, & rationes ejus confutandas. Sleidanus lib. I. ad an. 1518. p. 13. Ex hoc igitur decreto Clementis VI. Cajetanus vim indulgentiarum asseverabat. Legenda sunt acta, Lutheri Augustæ cum Cajetano Cardinali disputationem continentia, Tom. I. Witteberg. p. 208. Petii doceri in quibus errasse, me non esse mihi consciente ullius erroris. Tunc protulit Extravagantem Clementis VI. quæ incipit: *Unigenitus Ec. omnino consulenda reliqua, quæ sequuntur.* Ex his apparet quod diximus, Lutherum cœpisse ab indulgentiis; & indulgentiarum fundamentum non aliud extare quam bullam Clementis: sed ne istas, ut sibi suspectas, relationes rejiciant Romanenses, adscribemus verba Cardinalis Cajetani ex literis ejus Augustæ 25. die Octobris A. 1518. datis de Luthero, ad Fredericum Electorem Saxoniæ: *Dixi ante omnia, quod secundum solidam Scripturam sacram, & sacros Canones interrogandus esset;* Ostendi deinde, monique paternæ, Disputationes & sermones ejus, eſe contra Apostolicam doctrinam; maxime super indulgentiis, citavique Extravagantem Clement. VI. aperte contra ipsum stantem, tam super causa quam effectu indulgentiarum: Adduxi præterea antiquam & communem Rom. Eccles. consuetudinem, ac interpretationem super alio articulo de fide sacramento rum aperui. Is ad extravagantem claram & apertam dixit, nescio quid relatione indignum. Noluit Cardinalis referre id, quod Lutherus eam falsam & verbo Dei adversam pronunciaverit. Sic B. Lutherus in iisdem actis, p. 214. Igitur an sit ista propositio (mea) contra vel extravagantem vel intravagantem, non curo, prior est veritas Scriptura, & post hoc, si hominis verba vera esse possunt, videndum. Vidimus Cajetanum magnifica verba fecisse de solida Scriptura sacra, de Canonibus sacris, at nihil præter Clementis bullam pro indulgentiis adserre potuit, nec culpare Lutherum, quod aliis contradixerit. Occasione Alexandri VI. hoc distichon prodiit:

Sextus Tarquinius, Sextus Nero, Sextus & iste:

Semper sub Sextis perdita Roma fuit.

Et quia ista sua extravagante, egregie promovit *Clemens Sextus* exitium Antichristiani imperii, ducimur ad observandum infelicem senarium Romanum, etiam in summis suis Pontificibus. An & olim posteritas, per alium vel Pium, vel Paulum, vel Sextum, sextum; trinum sex Pontificium post istos, (Clementem & Alexandrum) in hoc quoq; interpretabitur numerum bestie, numerus enim hominis est, *E*st numerus ejus, 666: Apoc. XIII. ult? an vero jam in alio sex id impletū sit? nunc disqvirere non vacat. Quod autem ex loco Danielis nobis demonstrandum erat, speramus ex dictis constare, videlicet, exitium Antichristi cum Jubilao, peculiari ratione conjunctum esse. Qvando vero ultimum ejus excidium eveniet, Divina omnisapientia relinquendum. Verum non caret probabilitate ex Apoc. XIIIX. 7.8. etiam plenam Antichristi destructionem, cum gaudiis jubilais, per Divinam vindictam, connexam fore. Admirabilis in hoc Dei patientia, & venerandum mysterium decretorum ejus, qvod tam diu *iniqum illum toleret*, quodq; tot jam exactis Jubilais permiserit eum magis magisq; indurari. Ex illo damno & initio exitii sui, qvod nostro & patrum nostrorum tempore acceperat, obfirmavit cor suum, qvemadmodum Pharao post conciones Mosaicas, & priorum plagarum sensum & ablacionem. *Magna civitas Roma, que vocatur spiritualiter Sodoma & Egyptus*, Apoc. XI. 8. Caussas Divini consilii ac tolerantiae, temeraria ratione investigare, Christianis indignum, illas vero, qvas ex verbo Dei colligere licet; easq; omnes justo Dei iudicio sanctissimas, pia simplicitate veneramur, ac si occasio fuerit, in ipso discursu, volente Deo, nostram de illis sententiam aperiemus. Interim orandum cum B. Apostolo,

Rom. XVI. 20.

Ο δέ Θεὸς τῆς ἐρήνης συνέσιψε τὸν Σατανᾶν, (καὶ τὴν δύναμιν αὐτῷ, Apoc. XIII. 2.12.) ταῦτα γένεται πόδας υμῶν εἰς τοῖχον.

Ωδὲ οὐαὶ μονῇ τῶν ἀγίων ἐσίν. ὧδε οἱ τηρεῖντες τοὺς ἐνθλάσσας θεοὺς, καὶ τὴν πίσιν ἴησον.

Apoc. XIV. 12.